

Siunnersuummut nassuiaatit

Siunnersuummut nassuiaatit nalinginnaasut**1. Aallaqqaasiut**

Pisortat oqartussaaffigisaanni suliffeqarfiinilu nioqqtissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaannut siunnersuut (neqerooruteqartitsisarnermut inatsit) UPA2015/118-imi Inatsisartut aalajangiiffigisaat tunngavigalugu suliarineqarpoq, tassani pisortat pisiortortarnerannut toqqammavinnik qularnaarisussamik Inatsisartut inatsisissaannut siunnersuummik Naalakkersuisut peqquneqqarmata. Siunnersuut 2018-imi upernaakkut ataatsimiinnermi oqaluuserisassanngortinnissaa taamanikkut Naalakkersuisuusunit akuerineqarpoq, tamatumali kingornatigut qinersisussanngortoqarluni. Qinersinissaq tunngavigalugu Inatsisartut aalajangiiffigisaat atorunnaarsinneqarpoq. Taamaattorli Inatsisartut aalajangiiffigisaanni sianigisat suli tunngavigineqarmata saqqummiuteqqinneqarpoq. Pisiortornerit pitsanngorsarlugillu ataqatigiissaarnerisigut pisortat aningaasanik sipaaruteqarsinnaanerit, aamma pisiniartoqarnermi inuiaqatigiinni aningaasaqarnikkut kingunerisinnaasat nalilersortariaqartut Inatsisartut aalajangiiffigisaata nassuiarpai, taamaalilluni sianigisassat assigiinngitsut naleqquttumik ilusilimmik oqimaqatigiissaagaasinnaallutik.

Inuussutissarsiornermut Nukissiuteqarnermullu Naalakkersuisoqarfik Aningaasaqarnermut Sulisoqarnermullu Aqutsisoqarfimmik suleqateqarluni kiisalu kommuninik peqataatitsilluni neqerooruteqartitsisarneq pillugu inatsisissatut siunnersuummik suliaqarpoq.

Siunnersuut manna siunnersuut siusinnerusukkut saqqummiunneqartoq tunngavigalugu suliaavoq. Taamaammat tusarniaanermi akissutaasimasut immikkoortumi tusarniaanermut tunngasumi uteqqinneqaannarput. Siunnersuulli siusinnerusukkut siunnersuutaasumit allaassuteqarpoq makkunuunatigut. § 1 nutaaq ilanngunneqarpoq, taanna tunngavinnik tamanut atuuttunik imaqarpoq, unammilleqatigiinnerup suliarisarnissaanik naliliillunilu nalunaarusiortarnissamik aalajangersagaq peerneqarluni, kiisalu isumaqatigiissutit aggulunneqassanersut pisiniartumiit naliliiffigineqartarnissaannik pisussaaffiup ilanngunnera, takuuk § 30.

Siunnersuummi nioqqtissanik kiffartuussinernillu pisortat neqerooruteqartitsisarnerannut malittarisassat aalajangersarneqarput. Siunnersuutip atuuffissaa eqqarsaatigalugu illulianik sanaartukkanillu suliassat Siunnersuummi ilanngunneqanngillat, taakku illuliornermik

sanaartormillu immikkoortami neqeroorteqartitsisarneq pillugu Inatsisartut inatsisaanni immikkut ittumik killilersorneqarmata (neqeroortitsisarneq pillugu inatsit).

Nioqqutissanik kiffartuussinernillu pisortat pisiniartarnerat siornatigut inatsisilersugaasimangilaq, kisiannili kommunini aamma Namminersorlutik Oqartussani namminneq iluminni pisiniarnissamut aalajangersagaasigut killilersorneqartarsimalluni. Taamaalilluni Siunnersuut aqutigalugu Kalaallit Nunaanni pisortatut oqartussat suliffeqarfiillu pisortat pigisaat tamarmik ataatsimoorussaminnik malittarisassaqaalerput, taamaalillutillu pisortat ingerlatsineranni assigiiaarnerusumik tunngavissiiisoqarluni, soorunalumi unammillernikkut atugassarititaasut ilisarineqarsinnaanerulerlutik paasiuminarnerulerlutillu oqartussanut suliffeqarfinnullu iluaqutaasunik.

Siunnersuut tamakkiinerusumik sunniuteqassappat unioqqutitsinerit naammagittaalliuutigineqarsinnaassapput kinguneqartitsisoqarsinnaalissallunilu. Siunertaq taanna pillugu siunnersuutigineqarpoq arlaannaannulluunniit attuumassuteqanngitsumik maalaaruteqartarfimmik pilersitsisoqassasoq. Nioqqutissanik kiffartuussinernillu iluani arlaannaannulluunniit attuumassuteqanngitsumik maalaaruteqartarfimmik pilersitsisoqarnerani tamatuma saniatigut pisussaaffinnik akuersinerussaaq.

Tamanna tunngavigalugu immikkut siunnersuummik Pisortat Pisiortortarneranni Neqeroorteqartitsinermi Maalaaruteqartarfimmik siunnersuut saqqummiunneqassaaq Maalaarutiniq suliaqartartussamik tassungalu atatillugu pisortat nioqqutissani kiffartuussinernillu pisiortortarneri ilaatilerlugit.

Tamanna tunngavigalugu maalaaruteqartarnermut inatsisissatut siunnersuummut tamanna pillugu aalajangersakkanik naapertuuttumik maalaarut Pisortat Pisiortortarneranni Neqeroorteqartitsineq pillugu Maalaaruteqartarfimmut tunniunneqassaneranut innersuussinermut atatillugu neqeroortitsinermut inatsisissatut siunnersuut maalaaruteqartarnissaq pillugu aalajangersakkanik allanik imaqanngilaq.

2. Siunnersuummi immikkoortut pingaarnerit

Illulianut sanaartukkanullu tunngasunut akerlianik nioqqutissat sullissinerillu pisortanit pisiarineqartarnerat oqaatigineqareersutut inatsisitigut siusinnerusukkut killilersorneqartanngillat, kisiannili killilersuineq najukkani pisortat akunnerminni aalajangersagaanik peqartarsimalluni.

Siunnersuut suliarineqarpoq namminermi aalajangersakkat taakku isumassarsiffigalugit, Neqeroortitsisarneq pillugu inatsimmit aamma neqeroortitsisarneq pillugu danskit inatsisaannit, susassaqarfimmi EU-p inatsiseqartitsinerani atuuttuni ilanngunneqarsimasunik.

Siunnersuut malittarisassat atorneqarnissaannut toqqammavissanik erseqqissunik § 1-imi malittarisassiortoqarpoq. Inatsisartut inatsisaatigut siunertaasoq tassaavoq pisortat pisiniartarneranni periaatsit aalajangersaassallugit taamaaliornikkullu pisortat aningaasaataasa atorluarneqarnerpaanissaat anguniarlugu unammilleqatigiinneq pitsaanerusoq anguniassallugu.

Pisortat pisiniartarneranni unammilleqatigiinnermik pitsaanerpaamik siunnersuut pilersitseqataassaaq, taamaalillutik pisiniartarnerit pitsaanerpaamik ingerlalerneqassapput, soorlu pisiniartut neqerooruteqartullu neqerooruteqartitsinnermut atatillugu annikinnerpaamik aningaasartuuteqalissallutik.

Tassalu siunnersuut ammasumik suleriaaseqarnissamik, assigiisitsinissamik naleqquttumillu annertussusiliisarnissamik tunngaveqarpoq. Aalajangersakkalli aalajangersimasut oqaasertalersorneqarneranni Kalaallit Nunaanni pissutsit immikkut ittut isiginiarneqarput. Danskit neqerooruteqartitsisarnermut inatsisaannut sanilliullugu siunnersuut sunnguanik tamanik aalajangersaaviunngilaq qerataavallaaranilu, aamma isumaqatigiissusiortarnerni najukkami pissutsit aallaavigineqarnissaat periarfissinneqaroq, tassa sullissinerit imaluunniit ilinniartoqartarnerillu aammalu inuiaqatigiit allatigut isiginiarneqarnissaat eqqarsaatigalugit.

2.1. Atuuffia

Siunnersuummi nioqqutissanik kifpartuussinernillu pisinerit suulluunniit 500.000 kr.-t sinnerlugu nalillit pineqarput. Nalip taassuma killiffia assersuutigalugu 250.000 kr.-nut appartinneqarnissaa oqaluserineqarsimavoq, kisiannili nalilerneqarpoq kalaallit niuertuinut killeqarajuttumik pilersuisoqartarnerup kingunerisaanik taamaallaat periarfissaqartarmat pisiassat annertussusissaat killeqartinneqartarluni naammattumik unammillersinnaanissap pilersinnissaa periarfissaalertinnagu aaqqissuussaasumik neqerooruteqarnissami aningaasartuutaasussanut naapertuunnissaq eqqarsaatigalugu.

Imermik, innaallagissamik, kiassarnermillu pisortat pilersuineranni, assartuinermi kiisalu allakkerinermi nalunaarasuartarnermilu inatsit naapertorlugu kisermaassinissamik pisinnaatitaaffeqarfiusuni suliassanut Inatsisartut inatsisaat atuutinngilaq.

Pisiat nalinginut killigitat qaangerneqarsimanerannik naatsorsuisarnerit siunnersuutikkuttaaq malittarisassiorneqarput. Sullissinerit taakkorpiaat pissarsiareqqinneqartarsimappata taava nalingi naatsorsuinermi katinneqartassapput.

Pisiat annikinnerusut pillugit neqerooruteqartitsisarnermi periaatsit nammineq kajumissutsimik atorneqarnissaannut pisiat nalinginut killiliussaap orfiussanngilaq.

Illuliassanut sanaartugassanullu suliassat siunnersuummi ilanngunneqanngillat, taakkumi neqeroortitsisarneq pillugu inatsimmi malittarisassaqaareermata kiisalu inatsisitigut aamma

kukkunersiuisarnikkut siunnersuisarneq ikiorsiisarnerlu immikkut ittumik isertugassaqaartoqartillugu imaluunniit immikkut ittumik paasisimasaqarnissaq inatsisitigut piunasaqaataasinnaammat, pisortani oqartussanit imaluunniit suliffeqarfinit allanit pisiniarnerit, EU-mi inatsisilerinermi neqeroortitsinermut malittarisassiat najoqqutaralugit nunami EU-mi ilaasortaasumi pisortat peqatigalugit ataatsimoorullugit pisiniarnerit, pisiniarnerit taakku unammillerfiusimaneri pissutigalugit, kiisalu tapiissutigut pisinnaatitaalluni suliassamik kiap isumaginnittuussaneranik aningaasanut inatsimmi aalajangersagaasutut suliassat.

Kiffartuussinerit assigiinngitsut arlallit ilanngunnissaat isumaliutigineqarsimapput, kisiannili nalilerneqarpoq immikkut ittumik mianerisassaqaartoqartillugu neqeroorutit atorneqassappata isumaqatiginninniarnissaq tunngavigineqarsinnaasoq imaluunniit tamanut ammasumik tusarliussinnginnissaq tunngavigineqarsinnaalluni, taamaalilluni mianereqqusaq naammassineqarsinnaammat Siunnersuut tamakkiisumik saneqqutinngikkaluarlugu. Neqeroortitseriaatsit taakku marluk allaffissornikkut oqinnerupput, aammalu siusinnerusukkut atorsimasatut pilersuisartumit ilassutitut pilersuutit pisiarinqarneri pineqartillugit pisuni atorneqarsinnaallutik, siuliani tamanut ammasumik imaluunniit killilimmik neqerooruteqartitsiffimmi taamaallaat neqeroorutit akuerineqarsinnaanngitsut tiguneqarsimallutik. Pinngitsuugassaannngitsutut patsisaasunik pisisussap siulittuutigisinnaanngisaanik pisoqarfiit, aammalu neqeroortitseriaatsini allani taakkunani killissaliussanik naapertuutsitsinissamik pisinnaatitsinngitsut imaluunniit pisiariniakkatut isumaliutigisap nalinga kr. 1 mio.-inik annikinnerunerata nassatarisaannik taamaallaat pilersuisartuq kiffartuussissummik kissaatigisamik pilersuisinnaavoq.

2.2. Neqerooruteqartitseriaatsit

Neqerooruteqartitseriaatsit assigiinngitsut 4-t siunnersuummi aalajangersarneqarput: tamanut ammasumik neqerooruteqarneq, killeqartumik neqerooruteqarneq aamma isumaqatiginninniarnertalimmik neqerooruteqarneq tamanut ammasumik siumoortumik nalunaarutiginninnissaq ilanngullugu ilanngunnaguluunniit.

Neqeroortitseriaatsit taaneqartut siulliit 2-t tamatigut atorneqarsinnaapput, taaneqartulli kingulliit 2-t immikkut pisoqarnissaannik piunasaqaateqarfiullutik, assersuutigalugu pinngortitap piliaanik ajunaarnersuaqartillugu, pilersuisut nikisinneranni periaatsitigut ataatsimooruqarsinnaatinnagu, ineriartorneq, sullissinissap immikkuualuttortalersornissaa ajornakusoortillugu.

Isumaqatiginninniarnikkut neqeroortitseriaatsit taakku 2-t aammattaq nammineerluni toqqarneqarsinnaapput, kiffartuussinissatut kissaatigisap nalingata 1 mio. kr.-t qaangersimanngippagit. Taamaalilluni pisiniat 0,5-1 mio. kr.-t akornanni pisinissaminnut annertuumik kiffaanngissuseqarlutillu iliuuseqarsinnaatitaapput, periaatsit taakku 2-t allaffissornikkut oqinnerummata.

2.3. Assigiimmik pinnineq, naapertuuttumik annertussusilersuisarnej, isertuussaqaarnej il.il.

Ammasumik suleriaaseqarnerup, assigiimmik pinninnerup naapertuuttumillu angissusilersuisarnerup pisiniamit malinneqarnissaat siunnersuutikkut aalajangersarneqarpoq. Taakku neqerooruteqartitsisarnermut EU-p tunngaviisigut aalajangersagaapput, kisiannili pisortat ingerlatsineranni tunngaviit nalinginnaasut aallaavigalugit aamma atorneqartarlutik.

Niuernej pillugu siumortumik oqaloqatigiinnermi imaluunniit neqerooruteqartup siunnersuinerani kiisalu teknikkkut piumasaqaatit aalajangersarneqarneranni tunngaviit tamakku malinneqarnissaat pillugu aamma malittarisassanik aalajangersaasoqarpoq.

2.4. Toqqaaneq tunniussinerlu

Suliffeqarfiit neqerooruteqarnissamut imaluunniit pisortat neqerooruteqartitsinerannut neqeroorutiminnik nalilertinnissaanut periarfissinnissaanut sunik piumasaqaateqartoqarnissaa pillugu sinaakktussat erseqqinnerusut Siunnersuummi aalajangersarneqarput.

Uani peqataatinneqannginnissamut pinngitsoorani tunngavissat arlallit pineqarput, tassunga ilanngullugit aningaasanik akiliilluni peqquserluuteqarnej, unammilleqatigiinnermik annikillisisiniarluni ingerlatsineq aamma peqquserlunnikkut aningaasarsianik malunnarunnaarsaasarneq peqataatinneqannginnermik tamatigut kinguneqartassaaq. Tamatuma saniatigut peqataatitsinnnginnissamut nammineq piumassutsimik patsisissat arlallit pisiniap atussallugit atussannginnerlugilluunniit toqqarsinnaasai. Taakkununga ilanngullugit akiitsoqarsinnaatitaannginneq pillugu misissuiffigineqarnej, pisortanut akiitsut, sumiginnaanerit aamma siusinnerusukktu neqerooruteqartitsinermi paasissutissanik eqqortuunngitsunik tunniussaqaarnej.

Aamma isumaqatigiisummik tunineqarnissamut periaasissat Siunnersuummi aalajangersarneqarput. Tamatuma kingorna akit aningaasartuutillu kisiisa misissornissaanut pisisoq toqqaasinnaavoq imaluunniit naliliinnermi aamma pitsaaqutit atorunnaarsissinnaallugit.

Pitsaaqutinut najoqqutassat atornerisigut isumaqatigiisummi namminermit pineqartuninngarnit mianerisassat allat arlallit nalilersornissaanut periarfissiisoqarpoq, tassunga ilanngullugit inuiaqatigiinnut tunngasut mianerineqarnissaat soorlu pisinnaasassat annertusaavigineqarnerat, avatangiisinut sunniutit, inuussutissarsiutit nukittorsarnissaat susassaqrifiillu allat taamaanneratuut nunamut iluaqutaasussat. Taamaattorli piumasaqaatit aalajangersakkat sullissinissat neqeroorutigineqartumut tamatigut attuumassuteqartassapput tamatumunngalu sanilliullugu annertussutsimikkut naapertuuttassallutik.

2.5. Paasissutissiisarnej paasiuminassuserlu

Paasiuminartuunissaq pillugu tunngaviusumik periaasissap isumagineqarnissaanut aalajangersakkat arlallit Siunnersuummi aalajangersarneqarput. Suliamik ingerlatseriaatsit aalajangiinerillu tamarmik erseqqissuunissaat qulakkiissallugu pingaaruteqarpoq, taamaalilluni inuussutissarsiortut ingerlatsisoqarfimmut tatiginnissinnaaqullugit, taakkununga ilanngullugit aalajangiinerit suliatigut paasisimasaqarneq tunngavigalugu pisarnissaat.

Namminersorlutik Oqartussat neqerooruteqartitsisarnermut nittartagaat tassaassaaq pisortat ataatsimoorussamik nittartagaat, neqeroorutit aamma tunniussinissamik aalajangiinerit il. il. tamaasa tamanut ammasumik tusarliunneqartalissallutik.

Paasissutissat, aalajangiinerit apeqqutinullu akissuteqaatit tamarmik ataatsikkut pisarnissaat pillugu malittarisassiortoqassaaq – assigiimmillu imaqartassallutik – qinnuteqartunut neqerooruteqartunullu tamanut.

Pisinermi tamarmi suleriaatsit aalajangiinerillu pingaaruteqartut neqerooruteqartut uppersaasiisarnissaat pillugit aammattaq piumasagaatigineqarpoq. Taamaalilluni niuerneq pillugu aallarnersaataasumik oqaloqatigiissinnaanerit imaluunniit siunnersuisarnerit imaat uppersarneqartassallutik. Apeqqutit tamakkunungaluk akissutit tamarmik kikkunninnganneernersut paasineqarsinnaajunnaarsinneqassapput allaganngorlugillu nassiunneqartassallutik. Isumaqatiginninniarnit nassuiaasersorneqarsinnaassapput. Tunniussinissamut, itigartitsinissamut aamma atorunnaarsitsinissamut aalajangiinerit tunngavilersugaassapput uppersaasigaassallutillu.

2.6 Isumaqatigiissutit immikkoortukkuutaanut agguluttarneri

Isumaqatigiissutit aggulunneqarpata naleqqunnerussanersoq nalilersussallugu pisiniamut aamma pisussaaffiliunneqassasoq siunnersuummi aalajangersarneqarpoq. Tassunga tunngatillugu isumaqatigiissutit mikinerusunut immikkoortiternerisigut (isumaqatigiissutit aggornerinut) niuffaffimmi unammilleqatigiinnermut naleqqutissanersoq pisiniartup isumaliutigissavaa, ilaatigut unammillersinnaasut amerlanerusinnaanissaasa isumannaarneratigut. Unammillersinnaasut amerlaneruppata neqeroortitsinerup sunniutai pitsaasut sivikitsumik atasussat ingammillu siunissaq ungasinnerusoq eqqarsaatigalugu atasussat qularnaarsinnaavai akip pinngitsaalillugulusooq appartinneragut neqerooruteqartut amerlanerusuppata, ungasinnerusorlu eqqarsaatigalugu niuffaffimmi nioqqutissat imaluunniit kiffartuussinerit ilaannik kisermaassisoqalinnginnissaa imaluunniit pilersuisut killilimmik amerlassuseqalinnginnissaat qularnaarlugu.

Assersuutigalugu amerlassutsit naapertorlugit agguataarisoqarsinnaavoq isumaqatigiissutit ataasiakkaat suliffeqarfinnut mikisunut akunnattunullu naapertuunnerusussanngorlugit, imaluunniit inuussutissarsiutit immikkullu piginnaanngorsarsimasut aallaavigalugit piginnaasat naapertorlugit agguataarneqarsinnaapput, taamalu isumaqatigiissutit imarisaat

suliffeqarfinnut mikisunut akunnattunullu naleqqunnerusussangorlugit, imaluuniit suliniutit ingerlanerinit assigiinngitsunut naapertuuttussangorlugu. Isumaqatigiissutit agguataarneqarnerat akit appasinnerusut pissarsiarineqarneratigut piffissami qanittumi isumaqatigiissutinit ataasiakkaanut iluaqutaasinnaavoq ungasinnerusorlu eqqarsaatigalugu unammilleqatigiinnermik annerusumik pilersitsisinnaalluni.

3. Aningaasaqarnikkut allaffissornikkullu pisortanut kingunerisassat

Siunnersuut pisortanut aningaasaqarnikkut allaffissornikkullu annertunerusumik kinguneqassanngitsoq nalilerneqarpoq.

Malittarisassat nutaat qaammarsaatigineqarnissaat atuartitsinikkullu suliniutigineqarnissaat pilersaarutaavoq, kisianni nalilerneqarpoq aningaasartuutissat ullumikkut missingersorneqartut iluanni akilerneqarsinnaassasut. Malittarisassat taakku nutaat ilisimalernissaannut aamma suleriaasissat nutaat atuutilersinneqarnissaannut atatillugu pisortat suliffeqarfiisa immikkoortortaasa ataasiakkaat immikkut ittumik suliniuteqarnissartik piareersimaffigissavaat.

Neqerooruteqartitsisarnermut malittarisassat nutaat, matumani ilanngullugit periaasissat assigiiaakkat aamma neqeroortitsisarnermi najoqqutassat tamatumunnga attuumassuteqartut aappaatigut aamma imatut paasineqassapput suliffeqarfiit naligiissumik pisortat isumaqatigiissutaannut peqataasinnaalernerat ajornannginnerulissasoq aamma tamakku neqeroorutiginnissaannut suliffeqarfiit ajornannginnerusumik periarfissaqalissasut. Tamatuma kingunerisaanik naatsorsuutigineqarpoq suliassat suli anginerusumik unammissutaasalissasut taamaalillutillu suliffeqarfinni pisiassat akii piumasagaatillu pitsaanerulersinneqassasut. Pisinissamut akit atugassarititaasullu pitsaanerulersinnerisigut allaffissornikkut aningaasartuutaanerulertussat pilertortumik imminnut akilerumaartut naliliissutigineqarpoq.

Tamatumunnga peqatigitillugu unammilleqatigiinnerulernikkut Kalaallit Nunaanni siuariartorneq, nutaaliorneq suliffissallu pilersinneqassapput.

4. Inuussutissarsiortunut aningaasaqarnikkut allaffissornikkullu kingunerisassat

Siunnersuut akuersissutigineqassappat, tassunga ilaallutik suleriaatsit assigiiaat neqeroortitsinermullu skabelonit taakkununnga atasut, suliffeqarfiit pisortat isumaqatigiissusiaannut naligiissumik periarfissaqalernissaat ajornannginersusumik qularnaarneqarsinnaalissaaq. Aamma suliaq neqeroorfigissallugu suliffeqarfinnut ajornannginnerulissaaq pisortaninngaanniit piumasat naammassisassallu ilisarnartoqarnerat pissutigalugu.

Annertunerusumik unammillernerusinnaanermut inuutissarsiorfiit annertunerusumik suliaqarsinnaassutsimik takutitsinnginnikkut naleqqussassanngippata tamanna suliffeqarfinnut iluanaarutit ikiliartornerinik nassataqassaaq.

5. Avatangiisinut, pingortitamut innuttaasullu peqqissuunissaannut kingunerisassat

Siunnersuut avatangiisinut, pingortitamut innuttaasullu peqqissuunissaannut kingunissaqartitsinngilaq.

6. Innuttaasunut kingunerisassat

Siunnersuut innuttaasunut kingunissaqartitsinngilaq.

7. Kingunerisassat pingaarutillit allat

Siunnersuut pingaarutillit allat kingunissaqartitsinngilaq.

8. Oqartussat kattuffillu il. il. tusarniaaffiginissaat

Pisortat oqartussaaffiini sullissiviinilu nioqputissanik kiffartuussissutinillu tunisinermut atatillugu neqerooruteqartitsineq pillugu Inatsisartut inatsisissaattut Naalakkersuisut siunnersuutaat UPA 2018-mi oqaluuserisassanngorlugu saqqummiunneqarpoq. Inatsisartunut qinersisoqartussanngornera pissutigalugu siunnersuut UPA 2018-imi oqaluuserineqanngilaq. Siunnersuut siunnersuutaasumut sanilliullugu siunnersuut manna allaassuteqarpallaarmat nutaamik 21. juni – 2018 – 18. juli 2018 tusarniaasoqarnissaa Naalakkersuisut pitsaanerutissimavaat.

8.1. Piffissami 18. december 2017-22. januar 2018-imi tusarniaaneq

Neqerooruteqartitsinermut siunnersuutaasimavoq piffissami 18. december 2017-22. januar 2018-imi tusarniaaffigisanut ataaniittunut tusarniaassutaasimavoq:

Kalaallit Nunaanni, Sulisitsisut, NUSUKA, CSR Greenland, Transparency International Greenland, Nunatsinni Advokatit, KANUKOKA, Kommuneqarfik Sermersooq, Qeqqata Kommunian, Kommune Kujalleq, Qaasuitsup Kommunian, Nunatsinni Nakorsaaneqarfik, KNII aamma Namminersorlutik Oqartussani naalakkersuisoqarfiit tamarmik.

Piffissami tassani Naalakkersuisut tusarniaatitsinermut nittartagaanni siunnersuut tamanut saqqummiunneqarpoq.

Matuma ataani piffissami 18. december 2017-22. januar 2018-imi tusarniaanermut akissutit sammeneqassapput. Malugeqquneqassaaq tusarniaanermut akissutit uingasumik allanneqartassammata aamma akissutaasut pingaarutaasa tulluassusiat najoqqutaralugu taasassartai pingaarnerit allanneqartassammata. Siunnersuummi allannguutit nassatarisaannik tusarniaanermut akissutit attuumassuteqarunnaarneri malillugit ataani taakku suliarineqanngillat.

Tusarniaanermut akissutit makkunanga tiguneqarsimapput: Naalackersuisut Siulittaasuata Naalackersuisoqarfia, Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfik, Aatsitassanut Ikummatissanullu Naalackersuisoqarfik, Digitalimik Sullissinnermut Aqutsisoqarfik, Aningaasaqarnermut Akileraartarnermullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Peqqissutsimut Pitsaaliuinnermullu Aqutsisoqarfik, Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfik, Qeqqata Kommunian, Kommuneqarfik Sermersooq, KANUKOKA, Kalaallit Nunaanni Sulisitsisut, KNII, Nunatsinni Advokatit aamma Transparency International Greenland.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfimmit; Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfimmit, Peqqissutsimut Pitsaaliuinnermullu Aqutsisoqarfimmit, Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfimmit aamma Aatsitassanut Ikummatissanullu Naalackersuisoqarfimmit, Kalaallit Nunaanni Sulisitsisunit, Nunatsinni Advokatit tusarniaanermut akissutini siunnersuummi tukimut sanimullu innersuussinerit kukkuneqartut oqaatigineqarpoq.

Tukimut sanimullu innersuussinerit tamakku tusarniaanermut akissutit najoqqutaralugit maanna aaqqinneqarput.

§ 2, nr. 3 siunnersuutip atuutsinneqarfiani atuutsinneqanngitsunut ilaanngitsoq Naalackersuisut Siulittaasuata Naalackersuisoqarfiata oqaatigaa.

Tusarniaanermut akissutit najoqqutaralugu aalajangersagaq peersinneqarpoq, isumaqatigiissutit immersugassap atuuttup ataani isumaqatigiissutini neqeroortitsinnermut pisussaaffik neqeroortitsinerup suleriaasiani pineqareermat. Tamanna § 2, imm. 1-imut oqaaseqaatini immikkut ittuni erseqqissarneqarpoq.

Aningaasatigut kingunerisinnaasaani nassuiarneqanngilaq siunnersuutip pisortanut aningaasatigut qanoq kinguneqartitsisinnaanersoq soorlu assersuutigalugu neqerooruteqartitsinnermut inatsimmi malittarisassat unioqqutinneqarsimagaangamik saqittaannernut aamma taarseeqqusissuteqarnernut AAN-ip nalunaarppaa, assersuutigalugu neqerooruteqartitsinnermi assigiimmik pineqarnissamik piumasaqaat paasiuminartuunerlu unioqqutinneqarsimappata.

Pisortat sinnerlugit pisiariniakkanik nalunaartoq pisortallu ingerlatsiviannut ilaasoq neqeroortitsinnermut aamma isumaqatigiissusiornernut atatillugu piviusorsioruunissamik piumasaqaatit nalinginnaasut aamma illersorneqarsinnaasumik aningaasatigut ingerlatsineq eqqortillugit pisussaavoq. Nalinginnaasumik naatsorsuutigineqartarpoq pisortat inatsisunik eqqortitsisassasut, taamaattumillu pisortanut aningaasatigut qanoq

kinguneqartitsisinnaanersoq soorlu assersuutigalugu saqittaannernut aamma taarseeqqusissuteqarnernut siunnersuummut oqaaseqaatini naatsorsorneqarsimangillat.

Taamaakkaluaq taama pisoqassagalarpat, neqeroortitsinerup ingerlannera kukkunertaqarluni imaluunniit neqeroortitsinerup malittarisassat unioqqutinneqarlutik, taava suliaq Pisortat Pisiortortarneranni Neqeroorteqartitsinerup Naammagittaalliuuteqartarfiannut suliassanngortinneqarsinnaavoq.

Naammagittaalliuuteqartarfiup pisiariniakkanik nalunaartoq peqqusinnaavaa naammagittaalliuuteqartoq taarsiiffigeqqullugu pisiariniakkanik nalunaartoq akisussaaffiligassatut pissusilersorsimappat naammagittaalliuuteqartorlu eqqunngitsumik tunulliuuteqarsimappat imaluunniit assigiinngisitsinerup pineqarsimappat il.il., taamalu aningaasatigut annaasaqarsimalluni. Naammagittaalliuuteqartup taarsiiffigineqarnissaanut peqquutissaqarnersoq Kalaallit Nunaanni inatsisini taarsiiffigineqartarnerup malittarisassat nalinginnaasut naapertorlugit aalajangerneqassaaq. Taamatuttaaq aamma taarsiiffigitinnissamut naatsorsuineq. Neqeroortitsinerup malittarisassat unioqqutinneqarsimanerat pinngitsoorneqarsinnaanngilaq kisianni immi akisussaaffeqarnerup aalajangersaanissamut piumasagaataanani naammattoq. Kalaallit Nunaanni inatsisini iliortaatsit najoqqutaralugit naliliinerup ilaassaaq isumap periaatsimut tunngaviusup unioqqutinneqarsimannera pineqarnersoq imaluunniit unioqqutitsineq pingaanninnerusoq pineqarnersoq. Soqutigalugu ajunngitsumik eqquutitsiniarluni tunngaveqartumik taarsiissuteqartitsissagaanni taava naammagittaalliuuteqartup uppersassavaa ilimannarlunnaqqissartumik isumaqatigiissut pisimassagaluaraa pisiariniakkanik nalunaartut neqeroortitsinerup malittarisassat eqqortissimasuugaluarunikkit.

Isumaqatigiissut sunniuteqanngitsutut nalunaarutigineqarsimappat taava pisiariniakkanik nalunaartup aamma neqeroorummik tunniussaqartup, isumaqatigiissummi peqataasoq, akornanni inatsisitigut taarsiissuteqarnissamik aaqqiagiinngissuteqarneq, taamaattoqarpat, eqqartuussivinni aalajangiiffigineqartussaassaaq Naammagittaalliuuteqartarfiannut pinnani. Taarsiiffigineqarnissamut piumasagaatit nalinginnaasut nassatarissavaa pilersuisoq, isumaqatigiissummi arsaarneqartoq isumalluarlunilu pisiariniakkanik nalunaartoq neqeroortitsinerup malittarisassat eqqortillugit pisimasoq, naliliineq piviusoq tunngavigalugu, taarsiiffigineqarsinnaassaaq. Piumasagaataavorli pilersuisoq aningaasatigut annaasaqarsimassasoq aammalu pisiariniakkanik nalunaartup unioqqutitsinera annaasaqarnerup peqquutaasoq. Ajoqusernerlu unioqqutitsinerup malitsigissavaa tamatiigoortoq naatsorsuutigisinnaasarlu.

Taamaammatt ima pisoqassagalarpat neqeroortitsinerup naammassiniarnera kukkusumik ingerlanneqartoq imaluunniit neqeroortitsinerup malittarisassat unioqqutinneqarsimasut, taava aningaasatigut kingunerisinnaasai suliani ataasiakkaani tamani piviusumik aalajangiiffigineqartussaasassapput, taamaammallu taarsiiffigeqqusissutit pisortanut aningaasatigut kingunerisinnaasai isumaqarluartumik oqaaseqaatini naatsorsorneqarsinnaanngillat.

§ 2, nr. 2-mi siunnersorneqarneq kukkunersiuinermut tunngasoq ilaatinneqanngitsoq AAN-ip nalunaarppaa. AAN isumaqarpoq – pisinnaasut ilaanni – kukkunersiuinermut tunngasutigut siunnersorneqarsinnaaneq siunnersuummut ilaasariaqartoq. Naak kiffartuussissutit ima ittut pineqaraluartut immikkoortortap / pisiariniakkanik nalunaartup pissusiinik ilisimasaqarneq iluaqutaassalluni amerlasuutigut kiffartuussissutit assigiissaakkat pineqartarput, soorlu ukiumut naatsorsuutit kukkunersiorneri. Taamaattumik suliat ima ittut pineqarput iluanaarutaasumik neqeroortitsisarnermut siunnersuutip toqqammaviinut atatillugu unammilliutigineqarsinnaasut.

§ 2, nr. 2-mi (maannakkut § 3, nr. 2) aalajangersakkami neqeroortitsinermut suleriaatsimit siunnersuummi nalunaarsorneqartunit saneqqutsinissanut periarfissat nalunaarsorneqarput. Kisianni piumasaqaataanngilaq taamaattumillu ajornanngilaq pisiariniakkanik nalunaartup kukkunersiuinermik siunnersuinerimik ikiuinermillu neqeroortitsissalluni. Tusarniaanermut akissut tunngavigalugu oqaaseqaatit immikkut ittut aaqinneqarput pisiariniakkanik nalunaartup suliaqarnerit taamaattut pillugit ajornanngikkaangat neqeroortitsineq toqqarsinnaagaa takutinnaarlugu.

Siunnersuutip atuutsinneqalernera sioqqullugu siunnersuut neqeroortitsinernut atuutsinneqassasoq, isumaqatigiissulli aatsaat siunnersuutip atuutilernerata kingorna isumaqatigiissutigineqarluni § 32-mut aalajangersagassatut siunnersuutip nassatarissagaa AAN-ip nalunaarppaa.

Assersuutigalugu isumaqatigiissutit 2019-imi januarip aallartinnerani isumaqatigiissutigineqartut qaammatini siuliini neqeroortitsissutigineqarsimallutillu isumaqatiginninniutigineqarsimassapput. Tamanna aalajangersakkap oqaaseqaataani nassuiaatigisariaqarpoq.

Siunnersuutip qaqugukkut atuutilernissaa, aammalu siunnersuummi neqerooruteqartitsinerup qaqugu ilaassanera pillugit pisariaqanngitsumik nalornisoqassannginneq qularnaarniarlugu § 32, imm 2-mi inatsisip atuutilernerata kingornatigut neqerooruteqartitsinernut siunnersuutip atugaalernissaanut aalajangersagaq ilanngunneqarpoq. Tassannga itisiliineq aalajangersakkamut oqaasertaliussani ilanngunneqarpoq.

Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfimmit, Digitalimik Sullissinermut Aqutsisoqarfimmit; Peqqissutsimut Pitsaaliuinerimullu Aqutsisoqarfik, Qeqqata Kommunianit, Kommuneqarfik Sermersuumit, KANUKOKA-mit, Kalaallit Nunaanni Sulisitsisunit aamma Nunatsinni Advokatinit tusarniaanermut akissutini § 11-mi ikittuinnarnut tunngatitat inerteqqutigineqarnera isorivaat siunnersuutigalugulu peersinneqassasoq imaluunniit aaqinneqassasoq.

Aalajangersakkatut siunnersuutigisap eqqortuunnginnera ANN-ip nalunaarppaa, tamatuminnga pinaveersitsinissamut tulluartutut iluseqartumik tulluartuunani.

§ 11-mi ilaannaannut isumaqatigiissuti inerteqqutigineqarsissat pillugit aalajangersagaq siunnersuummit peerneqarpoq.

IKIIN-ip oqaatigaa pinngitsuugassaannngitsumik mattussinissamut peqqudit pillugit unneqqarissutsip takussutissaqarnissaanut aalajangersagaq amigaatigineqarmat (“self-cleaning”), innersuussutigineqarporlu mattussineq ukiunut 4-nngortinneqassasoq ukiunut 5-nut taarsiullugu.

Tusarniaanermi akissut tunngavigalugu piffissaq mattussiffiususaaq ukiunut 4-nut appartinneqarpoq. Pinngitsuugassaannngitsumik mattussinissamut peqqudaasut ima ingasatsigippit suliffeqarfiit taamaattut neqeroortitsinermit mattunneqarnissaat siunertamut naleqqulluni. Taamaattorli oqaaseqaatit immikkut ittut immikkoortitaarneqarput qulakkeerniarlugu pisiariniakkanik nalunaartup naammattumik misissussagaa mattussinissamut peqquteqarnersoq, ilaatigut taamaattoqarnersoq kinguneqarluartumik nakkutilliinikkut, assersuutigalugu qinnuteqartumit imaluunniit neqeroorummik tunniussisumit takussutissanik amerlanerusunik piunasaqarnikkut.

Qeqqata Kommuniata (QK) oqaatigaa 500.000 kr. ataallugit nioqqutinik kiffartuussinernillu pisinermit pissutsit erseqqissarneqassasut.

500.000 kr. ataallugit nioqqutinik kiffartuussinernillu pisinermit pissutsit ilaatinneqanngillat kisianni siunnersuutip atornissaa suli ajornanngilaq, takuuk § 2, imm. 4.

QK-p aamma neqeroortitsisarnissatik Namminersorlutik Oqartussat ataanni isertarfik ataatsimoorusaaq aqputigalugu kikkunnut tamanut saqqummiuttartussaaneerit pillugu isumaqatigiinnginnini oqaatigaa, tusagassiuutillu suut atorlugit saqqummiussisarnissartik namminneq aalajangertarusullugu oqaatigalugu.

Neqeroortitsisarneerit saqqummersittarnissaannut isertarfiup ataatsimoorussap pilersinneqarnissaanut siunertaq tassaavoq qularnaarniarlugu neqeroorummik tunniussaqaarsinnaasut nalussanngikkaat pisortat neqeroortitsisarneerat sukkut saqqummiunneqartarnersut. Taamaalinnikkut unammillerneq qularnaarneqassaaq aamma neqeroorsinnaasut tamarmik neqerooruteqarnissaminut assigiimmik periarfissaqarnerat qularnaarniarlugu. Taamaattorli tusagassiorfinni allani, imaluunniit tigussaasunik ivertiterinikkut il.il. neqeroortitsinermit atortussanik neqerooruteqartitsisup tamanut saqqummiussaqaarnissaanut arlaannaannilluunniit akornutissaqartoqanngilaq.

Kommuneqarfik Sermersuumit (KS) oqaatigineqarpoq § 1-imi aningaasat 500.000 kr.-nut killiligaanerit qffasippallaartoq, ajornanngippallu 200.000 kr.-nut appartinneqarnissaa siunnersuutigalugu.

Aningaasanut killiliusaaq aalaakkaavoq nukissatigut missiliussineq tunngavigalugu, tassa qanoq ilinikkut nioqqutinik kiffartuussinernillu pisiniarniarneq neqeroortitsissutigissallugit naleqqutissanersoq. Neqeroortitsinermit suleriaaseq allaffissornikkut oqimaassinnaammat aningaasat taakkununga 500.000 kr.-nut aalajangerneqarput, sulili siunnersuummik atugaqaarnissamut periarfissaqarpoq, takuuk § 2, imm. 4, aningaasani 500.000 kr.-nik ikinnerusuni.

KS-ip aamma oqaatigaa neqerooruteqartarnermut inatsimmut naleqqiullugu tunniussinermut tunngavigisat allat atorreqarmata, aamma “neqeroorut iluatinnarnerpaamik akilik”-iup isumasiornarnermik ersittoqanngimmat eqqartuussivitsigut tunngasutigut neqeroortitsinermit taaguusersuutitut aalajangersimasunut napertuuttumik.

Neqeroorut akilersinnaanerpaq suliassaqarfimmi EU-mi eqqartuussivitsigut tunngasutigut, aamma Danmarkimi inatsisaasut najoqqutaralugit neqeroortitsinermit taaguusersuisarnermit tunniussinermut najoqqutarisat pingasut aallaavigalugit atorreqarpoq. Taakku isumasiornari allassimapput § 17, imm. 2-4-mi.

KS-ip aamma oqaatigaa “akiitsut akilerneqartussat” qanoq isumaqarnersoq amigaatigineqartoq aamma akiitsut akilerneqartussaappata kommunip naliligassarinnigikkaa naafferartumik taarsersuinissamik aaqqiissuteqartoqarsimappat.

§ 19, imm. 2, nr. 3-mi imatut allanngortinneqarpoq akiitsut akilerneqartussat mattussinissamut peqqutaanngitsoq suliffeqarfik akiitsut isumannaarnissaannut isumaqatigiissusiorsimappat taannalu eqqortissimallugu.

KANUKOKA-p apequtigaa siunnersuummi § 8-mi [maanna § 9] aalajangersagaq suliassat suliarineqartarnerat pillugu inatsimmi § 27-mut aamma inatsimmi tassani § 27, imm. 3-mut nipangiussisussaarnermik peqqusissummi taaguummumut pissuseqataanut piviusumik qanoq ililluni naleqqiunneqarsimanersoq.

Tusarniaanermi akissut tunngavigalugu aalajangersakkamut oqaaseqaatini immikkut ittuni ilanngunneqarpoq suliassat suliarineqartarnerat pillugu inatsimmi § 27-mut innersuussutaasoq.

Suliffeqarfii pisortanit pigineqartut kifpartuussinermut isumaqatigiissutaat siunnersuutit atuuffianut ilaatinneqarnerat aporfissartaqarsinnaasoq Nunatsinni Advokatinit oqaatigineqarpoq.

Tusarniaanermi akissut tunngavigalugu § 2, imm. 4-mut aalajangersagaq ikkunneqarpoq. Taamaammatt imermik, innaallagissamik, kiassarnermillu pisortat pilersuineranni, assartuinermit kiisalu allakkerinermit nalunaarasuarternermilu inatsit naapertorlugu kisermaassinissamik pisinnaatitaaffeqarfiusuni suliassanut Inatsisartut inatsisaat atuutinngilaq. *Inatsisilerinermit aamma kukkunerisuinermit siunnersuineq ikiuinerlu ilaatinneqannginnerat aporfissartaqarsinnaasoq Transparency International Greenlandimit (TIG) oqaatigineqarpoq, isumaqatigiissutit taamaattut annertuunik naleqarmata aamma neqeroortitsissutigineqartarnissaat TIG-ip pingaartut isumaqarfigimmagu. Taamaakkaluartorli TIG-ip miserratiginngilaa paasissutissat mianerisassat ilaasinnaammata, taamaattoqassappalli pisiariniakkanik nalunaartup pissutsinik immikkoortiterisariaqarpoq “ussiitsunillu taluusaqarnissaa” qularnaarlugu.*

Immikkoortiterineq taamaattoq piviusumi assut ajornakusoorsinnaavoq amerlanertigullu ajornarlunnassalluni. Suliaqarfiup ilaatinneqannginnissaanut periarfissaqarneq pisariaqarpoq

allaffissornikkut ingerlatsineq naammassisaqarluartoq qularnaarmagu aamma nalunaajaatit pisariaqartut il.il. naammaginartumik suliarineqarsinnaaniassammata.

Siunnersuutip aaqqissugaanera imarisaalu ataatsimut isigalugit naleqquttut Sulisitsisuniit isigineqarput, § 11-mi aalajangersagq immikkut kisermaassinissamik isumaqatigiissuteqarnissamik inerteqquteqarfiusoq pitsaanngitsutut isigaat. Sulisitsisut naggasiullugu kaammattuutigaat siunnersuummi § 11 peerneqassasoq.

Qulaani oqaaseqaataasoq naapertorlugu ilaannaannut isumaqatigiissuteqarnermut inerteqquteqarneq pillugu § 11 siunnersuummit peerneqarpoq.

Pisiniartarnermi tunngaviusumillu isumaqatigiissusiortarnermi kisermaassinissamik isumaqatigiissusiortarnerup inerteqqutaanissaanik siunnersuutip imaqarnera Kalaallit Nunaanni Ilinniarfinniit (KNII) pitsaasutut oqaatigineqarpoq, ilinniarfimmi misilittagaat naapertorlugit assersuutigalugu printerinik kopimaskiinanillu pisiniarnermi kisermaassinissamik isumaqatigiissutit pingaartumik ilinniarfinnut Nuup avataaniittunut kingunerluttarsimapput, tassa siusinnerusukkat pisiniarnissamik tunngaviusumillu isumaqatigiissutit mianerisariaqanngikkallarmata najukkami pisiniarnissamut periarfissaqarsimagaluarneranut sanilliullugu utaqqisarneq sivitsorsimavoq sullissinerlu pitsaannginnerulersimalluni.

Kisermaassinissamik isumaqatigiissusiortarnerup kingunerluutigisinnaasai pillugit KNII-ip oqaatigisai Naalakkersuisunit paasilluarneqarput. Neqeroorutit neqeroorutitsinerullu kingunerluutaasa sapinngisamik pinngitsoorniarnissaat neqerooruteqartitsisup suli pisussaaffigaa.

8.2. Piffissami 21. juni 2018-18. juli 2018-imi tusarniaaneq

Uunga siunnersuut: Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat ataani tusarniaaffigisatigut piffissami 21. juni 2018-18. juli 2018-imi tusarniaassutaavoq.

Kalaallit Nunaanni Sulisitsisut Peqatigiiffiat, NUSUKA, CSR Greenland, Transparency International Greenland, Nunatsinni Advokatit, Kommuneqarfik Sermersooq, Kommune Qeqertalik, Avannaata Kommunian, Kommune Kujalleq, Qeqqata Kommunian, Nakorsaaneqarfik, KNII aamma Namminersorlutik Oqartussani naalakkersuisoqarfiit tamarmik.

Siunnersuut piffissami tassani Naalakkersuisut tusarniaassutitut nittartagaanni tamanut saqqummiunneqarpoq.

Tusarniaanermut akissutit makkunanit tiguneqarput: Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Peqqissutsimut Iisimatusarnermullu Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Digitalimik Sullissinermit Aqutsisoqarfik, Qeqqata Kommunua, Kommuneqarfik Sermersooq, Kommune Kujalleq, Kalaallit Nunaanni Sulisitsisut Peqatigiiffiat, Transparency International Greenland. Tusarniaanermut akissutit uingasumik allanneqartassammata aamma akissutaasut pingaarutaasa tulluassusiat najoqqutaralugu taasassartai pingaarnerit allanneqartassammata.

Siunnersuummut Naalakkersuisut Siulittaasuata Naalakkersuisoqarfia aamma Pinngortitamut Avatangiisinullu Naalakkersuisoqarfik oqaaseqaateqanngillat.

Transparency International Greenlandip siusinnerusukkut nassiussimasamik assinga nassiussimavaat, taamaattumillu taanna qulaani suliarineqarpoq.

Inissisimaffimmi tassani Qeqqata Kommunua amerlanerusunik suliarinnittussarsisarnera pissutigalugu killissarisatut naliusup 250.000 kr.-nut appartittariaqarnera Qeqqata Kommuniata nalunaarpaa.

Nioqqutissanik kiffartuussissutinillu pisiniarnerit neqeroortitsissutiginiisaannut qaqugukkut tulluartaussaneranik isumalluutinut tunngatillugu oqimaaqatigiissitsinermik tunngaveqartumik aningaasanut killiliussaq aalajangerneqarpoq. Neqeroortitsinermik ingerlassaq allaffissornikkut ilungersornartuusinnaammat aningaasanut killiliussaq taakkununga 500.000 kr.-nut aalajangerneqarpoq, sulili siunnersuut atorneqarsinnaavoq, takuuk § 2, imm. 4, isumaqatigiissutinut killissatut naleqassutsimut naleqqiullugu appasinnerusumik naleqartortalinnut.

Ataatsimoorussatut pisortat nittartagaanik Qeqqata Kommuniata pinngitsaalisaasutut atugarisarnissaanik kissaateqannginnera Qeqqata Kommuniata ilanngullugu nalunaarpaa, parlattuanik nammineq iliuuseqartarfigalugit suliarinnittussarsiuussinerit tamanut saqqummiussisarnissaq kissaatigineqarmat. Ilaliullugu kommunimit suliassat suliarinnittussarsiorneqartut najukkami suliffeqarfiit sapinngisamik isumagisassaneraat Qeqqata Kommuniata soqutigisarivaa.

Nunatsinni suliffeqarfiit tamarmik naligiimmik pineqarnissaat aammalu pisortat aningaasaataat atorluarnerpaaniarlugit pitsaasumik unammilleqatigiinnerup pilersinneqarnissaa ataatsimut nittartagaqarnikkut siunertaavoq, takuuk § , imm. 1. Aamma pisortat suliassaataasa pisiniartarnerisalu suliffeqarfiimmit piginnaaneqarnerpaamit isumagineqartarnissaat qularnaarneqassaaq kiisalu suliffeqarfiit tamarmik assigiimmik pineqarnissadaat neqerooruteqarnissamullu periarfissaqarnissaat qularnaarneqassaaq, takuuk § 6. Suliffeqarfiit mikisut akunnattullu neqerooruteqarnissamut periarfissaqarnissaat

qularnaarniarlugu isumaqatigiissutit aggulullugit neqeroorutigineqarnissaat nalilersussallugu neqerooruteqartitsisoq pisussaaffiligaavoq. Isumaqatigiissutit pisariaqanngitsumik angisuujunngippata pisariunngippatalu suliffeqarfiit minnerusut neqerooruteqarnissamut periarfissaqarnerulissapput. Tamatuma saniatigut pisariaqassusia naapertorlugu sullissinerup aamma / imauunniit tunniussisarnerup pitsaasuunissaanik neqerooruteqartitsinermi paasissutissatigut piumasaqaasiortoqarsinnaavoq.

Sulisitsisut oqaatigaat suliassani minnerusuni, soorlu eqqiaanerni assigisaanniluunniit, unammilleqatigiinnissaq qularnaarniarlugu suliassat 200.000 kr. aamma 500.000 kr. akornanni nalillit suliffeqarfinnut nammineq toqqakkanut neqeroorutitsissutigineqarnisaannik piumasaqaasiortoqassanersoq isumaliutigineqartariaqartoq.

Pisortat ingerlatsineranni tunngavissatigut neqerooruteqartitsisoq ingerlatsinermi illuinnaasiunnginnissaminik pisussaaffiligaavoq, soorlu inummut namminermt tunngasut isumaginissaannut inerteqqutip, naligiisitsisussaanerup, aningaasatigut isumannaatsumik ingerlatsinissap aammalu naleqquttumik annertussusilersuinissap isiginiarnissaannik pisussaaffeqarpoq. Piumasaqaatit taakku pisortat oqartussa qarfiinit tamanit malinneqartussaapput apeqqutaatinnagu isumaqatigiissut 500.000 kr-t inorlugit sinnerlugilluunniit naleqarnersoq. Tamatuma saniatigut oqaatigineqareersutut pisortat oqartussa qarfiit sullissiveqarfiutaallu periarfissaqarput Inatsisartut inatsisaat atussallugu, takuuk § 2, imm. 4, killiliussatut naleqassutsit ataanni neqeroortitsinerne.

Sulisitsisut oqaatigaat § 3, imm. 2-mi immikkoortoq aammalu imm. 1-mut innersuussineq oqaatsitigut ataqatigiinnigitsut. Atorfissaanut tunngasoq tassaavoq “inatsisip sumi atorpeqarsinnaaneranut” tunngasoq. Tassa inatsisip killilernissaanut Naalakkersuisut tunngavissaqanngillat naak tamanna nassuiaatini oqaatigineqaraluartoq.

Tusarniaanermut akissummik tassannga, aamma Aningaasaqarnermut Naalakkersuisoqarfimmit tusarniaanermut akissummik tunngaveqartumik aalajangersagaq peerneqarpoq.

Ilanngullugu pilersuisuminnit akigititanik pissarsiniarnissamut neqerooruteqartut angusaqarsinnaanissaannut neqeroortitsinermt piffissaliussat akuttunngitsumik sivikippallaartartut GE-p nalunaarpaa. Taamaattumik neqerooruteqartitsinerup tamanut saqqummiunnerata kingornatigut qaqugu neqerooruteqarnermt piffissaliussamut sivikinnerpaamik piffissaliussaasumik inissiisoqartariaqarpoq. Taamaattumik § 26-p naanerani “, taamaattorli neqeroortitsinerup tamanut saqqummiunneranit minnerpaamik ullut 14-t kingornatigut.” ilanngunneqassasoq GE-p siunnersuutigaa.

Neqeroortitsinermut piffissaliussamut neqeroortitsinerup tamanut saqqummiunneranit minnerpaamik ullorsiuutini ullut 14-it ingerlassanerat oqaaseqaatit tunngavigalugit §§ 25-mi aamma 26-mi ilanngunneqarpoq.

Siunnersuummi § 3, imm. 3-mut tunngatillugu teknikkikkut siunnersuisoqarneq ikiorneqarnerlu peerneqassasoq Nunatsinni Advokatit nalunaarpaat, inatsisilerikkut aamma kukkunersuiisarnikkut ittumik tutsueqatigiilluni ingerlassaqarnissamik tamatuma pisariaqartitsinnginnera pissutigalugu.

Tusarniaanermut akissut tunngavigalugu teknikkikkut siunnersuisoqarneq ikiorneqarnerlu peerneqarpoq.

Siunnersuummi § 4, imm. 6, nr. 5-imi neqeroorutit akuerineqarsinnaanngitsut ilaatigut neqeroorutip “akimikkut pisiniartup naatsorsuutigisaanit qaffasinnerusut” Nunatsinni Advokatit ilanngullugu nalunaarpaat. Siunnersuutip imaluunniit oqaaseqaatit taamatut pisoqarnera qaqugukkut pisarnersoq erseqqinnerusumik nassuiannngilaat, taamatullu takunnissinnaasoqanngitsoq neqeroortitsinermut inatsimmi ilaasariaqanngitsoq Nunatsinni Advokatit isumaqarput.

Tusarniaanermut akissummik tunngaveqarluni aalajangersakkamut oqaaseqaatit itisilerneqarput. Maannakkut oqaaseqaatit erseqqissarpaat pisisup tungaanit akigititamik siammaasoqarneq pillugu erseqqissumik naatsorsuuteqartoqassasoq, taamaalillunilu akigititanut takkuttunut taakkununga naatsorsuutigisanik takusaqarsinnaasoqassasoq. Missingersuutigisat tunngavigalugit, aammalu piviusutut niuffaffimmik aamma piviusutut neqeroorutaasup ilisarnaataanik ilanngussuinikkut aalajangersagaassaaq.

Siunnersuummi § 8, imm. 1 malillugu neqeroortitsinermi atortussiani annertunerusunik allanngortiterisoqassanngitsoq Nunatsinni Advokatit nalunaarpaat. Tamanna tunngavigalugu tusarniaanermi illuatungerisap siunnersuutigaa neqeroortitsinermi atortussiani annertunerusumik allanngineq taamaallaat imatut sunniuteqassasoq neqerooruteqartitsisoq neqerooruteqartitsinermut piffissaliussamik imaluunniit qinnuteqarnermut piffissaliussamik nutaamik aalajangiinissamut pisussaaffeqassasoq.

Tusarniaanermut akissut tunngavigalugu allannguuteqarnernut annertuunut killiliussap sivitsornissaanut periarfissaq ilanngunneqarpoq, assut piviusorsiorpalullunilu isumalluutinik sipaaruteqarfiussammat. Taamaattumik §§ 25-mut aamma 26-mut imm. 2-mik ilanngussisoqarpoq, taassuma neqeroortitsinermut atortussani annertuunik allannguuteqartoqassappat piffissaliussamik isivitsuinissaminut neqerooruteqartitsisup pisussaaffeqarneranik aalajangersaasumik.

Taakku saniatigut § 8, imm. 1 imatut allanngortinneqartoq tunngaviusutut ilaasunik neqeroorteqartitsisoq allannguuteqaqqusaassanani. Taamaattumik maannakkut neqeroortitsinermut atortussiani “allannguutit annertunngitsut”, “allannguutit annertuut”, aamma “tunngaviusutut ilaasunik allannguutit” akornanni oqaaseqaatini immikkoortitsisoqalerpoq.

Neqeroortitsinerup ingerlanneqarnerata nalaani neqeroortitsinermut atortussani tunngaviusutut ilaasuni neqeroorteqartitsisoq allannguuteqaqqusaanngilaq. Neqeroortitsinermut atortussani tunngaviusutut ilaasuni allanngortitsinerit, allannguutaasoq neqeroortitsinermut atortussiaqqaartuni takuneqarsinnaasimassappat, tassaapput allanngortitsinerit neqeroortitsinermik ingerlassami pineqartumi qinnuteqarsinnaasut imaluunniit neqeroorteqarsinnaasut peqataanerannik sunniuteqarsinnaasut, imaluunniit qinnuteqartut imaluunniit neqeroorteqartut akornanni unammillernermik killormut saatitsisinnaasut.

Pisuni neqeroorteqartitsisup pisariaqartitai naammaginartumik erseqqissumik aalajangerneqarsinnaanngippata pisuni tamakkunani atugaagajuttumik neqeroorteqartitsinermut iluserisap “unammillernermut tunngasutut oqaloqatigiinnerup” ilanngunneqarnissaata attuumassuteqarsinnaaneera Nunatsinni Advokatit ilanngullugu nalunaarpaat.

Siunnersuummi § 15, imm. 4, nr. 3-mi sioqutsisumik nalunaaruteqarluni isumaqatiginninniarnertalimmik neqeroortitsinernut ingerlattakkat aalajangersarneqarput, taamaalilluni neqeroorteqartitsisup pisariaqartitai naammaginartumik erseqqissumik aalajangerneqarsinnaanngikkaangata ingerlatsineq tamanna atorneqarsinnaalluni. Suliffeqarfiit aalajangersimasumik amerlassusillit piukkunnartorsiugaageernerisa kingorna, takuuk § 21, suliffeqarfinnik taakkuninnga pineqartunik kissaatigisatut ikiorsiissutit pilersuutiginnissaa pillugu neqeroorteqartitsisoq isumaqatiginninnialersinnaavoq. Ingerlatseriaaseq taanna neqeroorteqartitsinermut ilutsimut “unammillernermut tunngasutut oqaloqatigiinnermut” assut naapertuuppoq, taamaattorli paasiuminarsagaanerulluni.

Siunnersuummi § 14, imm. 3-mi neqeroortitsinermut atortussianik tamakkiisunik paasissutissanik tamanut saqqummiussaqaarnerup amigaatigineqarnerata qinnuteqartut ikinnerit ilaanissaannik nassataqarsinnaanera Nunatsinni Advokatit nalunaarpaat, qinnuteqartullu neqeroortitsinermik ingerlassami ilaanissap akilersinnaaneramik ilisimasaqanngivinnissaq atugarilersinnaavaa. Taamaalilluni neqeroortitsinissamik nalunaarummik tamanut saqqummiussaqaarneq aamma neqeroortitsinermut atortussat pissarsiarisinnaalernerit piffissami ataatsimi pisassanera tusarniaanermut illua'tungiusup inassutigaa.

Siunnersuummi § 14, imm. 4, nr. 1-imi tassungalu atasutut oqaaseqaatini allassimavoq ikiorsiissummut neqeroortitsissutaasumut neqerooruteqartitsinermit nalunaarut minnerpaamik naatsumik nassuiaammik imaqassasoq. Tamanik takunnissinnaanermut tunngavigisaq § 6-imiittoq najoqqutaralugu neqerooruteqartitsisoq pisiassatut kissaatigisaq naammaginatsumik erseqqissumik nassuiassavaa, taamaalillutik suliffeqarfiit paasissutissanik taakkuninnga tunngaveqarlutik pisiarisassat suussusaannik annertussusaannillu suussusersisinnaassallutik, taamaalillutillu ingerlassami peqataanissaq pillugu qinnuteqarniarnermikk aalajangiussaqaarsinnaallutik. Taamaalilluni neqeroortitsinermit ingerlassami pineqartup peqataanissaa pillugu isummernissamut qinnuteqartup pisarialimmik tunngavissaqaarnissaa pillugu piumasagaateqartoqarpoq.

Siunnersuummi § 14, imm. 5-imi neqeroortitsinerup nalaani piffissaliussat nikisinneqartarnerat qaqutiguunngitsukkut takuneqartartut, taamaattumillu iluaqutaasussamik aalajangersagaq "naatsorsuutigisaq"-mik imaqartinneqaarsinnaasoq Nunatsinni Advokatit ilanngullugu nalunaarpaat.

Siunnersuummi § 14, imm. 5-imi piffissaliuussat eqqartorneqanngillat, taamaattorli § 14, imm. 7, nr. 5-imut innersuussisoqassappat, neqeroortitsinerup ingerlannissaanut piffissaliussaqaq tassani taaneqarluni, tusarniaanermut akissut tunngavigalugu piffissaliussap naasorsuutigineqarnera, aammalu naatsorsuutigisatut piffissaliussamut sanioqqutitsisoqaarsinnaanera neqeroortitsinermit atortussani sianigeqquneqassasoq oqaaseqaatinut ilanngunneqarpoq. Sanioqqutitsinerit annertunerusut neqerooruteqartunut nalunaarutigineqassapput.

Pisortat aningaasataasa sapinngisamik tulluarnepaamik atorneqassanerat, aammalu tamanna tamanik takunnissinnaaneq, naligiimmik isumaginninneq aamma naleqqatigiisitsineq pillugit tunngavigisat malillugit pisassanerat Inatsisartut inatsisaannut siunertap tasaanera Kommuneqarfik Sermersuup iluarisimaarlugu nalunaarpaat. Taamaattumik siunnersuummut oqaaseqaatini tamatuminnga nalunaarneqaarsimasut annertunerusumik unammillersitsilerneq Kalaallit Nunaanni siuarsarnermik, pilersitsisarnernik suliffeqarfinnillu pilersitseqataasinnaanera tusarniaanermut illua'tungiusup tamakkiisumik tapersorsinnaavaa.

Niuernermi suliassaqaarfittut paasiuminaatsutut tamatigoortutut teknikkikkut siunnersuisarneq ikiorsiisarnerlu, kiisalu kukkuneruisarnikkut siunnersuisarneq ikiorsiisarnerlu isigineqaarsinnaanngitsut Kommuneqarfik Sermersuup nangilluni nalunaarpai. Taamaalilluni neqeroortitseriaatsit arlaqarput akimut pitsaassutsimullu eqqortumut pissarsiaqaarnissamut eqqortumik siunnersuisarnermik ikiorsiisarnermillu isumaginnissinnaasut. Isertuussinissamut allanullu oqaatiginnissannginnermit nalunaarutit tassaapput inatsisilerinermi sakkussat nalinginnarmik ilisimaneqartut. Isertuussinissamik piumasagaataasoq imminermini unammillertitaanissamut pinngitsoortitaanissamut tunngavissaqaanngitsoq, aammalu

siunnersuummi § 9-p iluaniitinneqarsinnaasooq tusarniaanermi illua 'tungerisaq nalunaarpoq. Teknikkikkut aamma kukkuneruisarnermut tunngasutut siunnersuisarneq ikiorsiisarnerlu pinngitsuugassaasunit peerneqassanerat tusarniaanermut illua 'tungerisap inassutigai.

Tusarniaanermut akissut manna, aamma Nunatsinni Advokatinit tusarniaanermut akissut tunngavigalugit teknikikkut siunnersuisarneq ikiorsiisarnerlu peerneqarpoq.

Isertuussinissamut allanullu oqaatiginnissannginnermut nalunaarutit nalinginnarmik inaarutaasutut isumaqatigiissutip ilagisarpai, siunnersuummilu tunngaviusutut ilaasut taakku ilaat tassaavoq neqeorutaasup unammillertitsissutaanera. Tamatigut siunnersuummi § 9-p imaluunniit isertuussinissamut piumasaqaatit taamaallaat atornissaat tulluurtuuneq ajorput, paasissutissat isertuussaasut suliaqarfiusup aalajangersimasup iluani eqimattat toqqartukkat iluanni suli siammarterneqarsinnaammata. Paasissutissat isertuussaansaannut tunngatillugu paasissutissat taama ittut neqeroortitsinerup nalaani niuffaffimmi suliaqartumut allanut ingerlateqqinneqarsinnaanngillat. Immikkut illuinnartunik pisoqarfinnik pinngortoqarsinnaavoq isertuussinissamik pisariaqartitsisoqarfiusunik, aammalu tamanut saqqummiussaqaarnissamit neqeroortitsinermut atortussat, nassatarisaatullu neqeroortitsinermik ingerlassamit ilaasumit immikkullu illuinnartumik immikkut ilisimasaqassutsimit pinngitsoortinneqarsinnaallutik.

§ 3, imm. 1, nr. 5-imi pinngitsuuisinnaaneq neqeroortitsisoqarani pissappat pisortat "immikkut ittutut isertuussisunik siunnersuisartunik" atuinerannut tunngatillugu taamaallaat tatiginninnginnermik pilersitsisasoq Kommuneqarfik Sermersuup ilanngullugu nalunaarppaa. Aalajangersakkap atorunnaarnissaanik tusarniaanermut illua 'tungerisaq inassuteqarpoq.

Tusarniaanermut akissut tunngavigalugu qulaani pineqartutut aalajangersagaq peerneqarpoq.

§ 3, imm. 1, nr. 7-imit [maannakkut § 3, imm. 1, nr. 5] tunngatillugu neqeroortitsinermik inatsimmik inuussutissarsiorfik iluaquteqassappat uppersarsagaanngitsunik immikkut ittunik isumaqatigiissutinik periarfissiisunik pinngitsuuisutinik suliaqartoqartariaqanngitsoq Kommuneqarfik Sermersuup ilanngullugu nalunaarppaa. Aningaasanut inatsisikkut tapiissutitut aningaasaliissutit tamanna pissutigerpjarlugu ilaasariaqarput. Aalajangersakkap atorunnaarnissaa tusarniaanermi illua 'tungerisap inassutigaa.

Tapiissutitut aningaasaliissunik pissarsisoq, aamma aalajangersimasumik suliassamik isumaginninneq toqqaannartumik aningaasanut inatsimmi aalajangersarneqarsimassappat suliassat taakku neqeroortitsissutiginnissaat pisinnaassanngilaq. Pissarsisoq aningaasanut inatsimmi toqqaannartumik taaneqarsimassanngippat suliassaq neqeroortitsinermut malittarisassianut ilaavoq. Tamanna aalajangersakkamut oqaaseqaatinut ilanngunneqarpoq.

§ 3, imm. 1, nr. 8-mut [maannakkut § 3, imm. 1, nr. 6] isertuussinissamut piunasaqaat unammillertitaanermut pinngitsuuisitsinissamut tunngaviunngitsoq, aammalu aalajangersakkamut oqaaseqaatini isertuussinissap saniatigut immikkut ittunik oqaaseqaatini tunngavissiissutinik takussaasoqanngitsoq Kommuneqarfik Sermersuup ilanngullugu nalunaarpaa.

Isertuussinissaq pillugu apeqqut tusarniaanermi illua'tungerisap akissutaanik qulaani suliarisani isumagineqarpoq.

Tamatuma saniatigut aalajangersakkamut oqaaseqaatini annertuunik inuiaqatigiinni sianigisassanik peqartoqarfiusinnaasunik pisoqarfiit assigiinngistut itisilersorneqarput. Assersuutigalugit annertuutut inuiaqatigiinnut tunngasutut soqutigisarisat tassaasinnaapput peqqissutsimut, isumannaallisaanermut, pisortat torersuutitsinissaannut avatangiisinillu illersuinermit sianiginninnissat.

Inatsisiliornermut ataqatigiiffinni oqariaaseq "akuerineqarsinnaanngitsut"-nik atuisarneq ilisimanagu Kommuneqarfik Sermersuup nalunaarpaa, - nunani immitsinnut assersuuttakkatsinni neqeroortitsinermit ataqatigiiffinni nalinginnarmik "pinngitsuugassaannngitsutut tunngasut" atugaasarpoq. Taamaattumik "akuerineqarsinnaanngitsut" "pinngitsuugassaannngitsutut tunngasut"-nik taarserneqassasoq tusarniaanermut illua'tungerisap inassutigaa.

Inatsisaasuni "pinngitsuugassaannngitsutut tunngasut" nalinginnarmik neqeroortitsinermit ataqatigiiffinni atorineqartarnerannik tusarniaanermut illua'tungerisap innersuussinera akuerineqarsinnaanngilaq. Inatsisini nalinginnarmik atugaasarput "najoqqutassangut tunngasuunngitsunik neqeroorutit", imaluunniit "neqeroorutit akuerineqarsinnaanngitsut", inatsisiliornermulli tunngasuni paasineqartuni "pinngitsuugassaannngitsutut tunngasut" atorineqartararik.

Oqaaseqaatini immikkoortoq 3-mi, Aningaasaqarnikkut allaffissornikkullu pisortanut kingunerisassani anguniakkap nalunaarneqartup pisuni tamani anguneqarsinnaanerata qularnarnera Kommune Kujalliup nalunaarpaa. Kommune Kujallermi unammillertitsinermit killilimmik periarfissaqarmat akit annikillisinnersut iluseqartitamik pisortat neqeroortitsinerisa sunniutissaata killeqassasoq ernummatigineqarpoq. Tamatuma saniatigut suliaasaqarfimmik isumaginninnissamut aalajangersimasumik tusarniaanermut illua'tungerisap pisiniartarnermut immikkortortaqaanngilaq.

Piffissap ilaani allaffissornikkut tamatuma artorsarfiusinnaanera Naalakkersuisut akueraat. Tusarniaanermut akissummut atatillugu siunnersuummut nalinginnarmik oqaaseqaatit innersuutigineqassapput, taakkunani Naalakkersuisut najoqqutassatut isumaqatigiissutinik, aamma neqeroortitsinermit malittarisassianut nutaanut taakkununga ilitsersuutinik

suliaqarnissamik pilersaaruteqarnerat nalunaarneqarluni. Taakkunatigut atuutsitsilernermet ingerlatsinerpiap annertuumik eqaallisarneqarsinnaanissaa naatsorsuutigineqarpoq.

§ 3, imm. 1, nr. 6-imi [maannakkut § 3, imm. 1, nr. 5] oqaaseqaataasuni eqqartorneqartut Namminersorlutik Oqartussat suliffeqarfiutaasa aamma kiffartuussinissamik isumaqatigiissutit akornanni ataqatigiissoqanngitsoq Ineqarnermut Attaveqaqatigiinnermullu Naalackersuisoqarfik nalunaarivoq. Suliassaqarfimmik taama annertutigisumik taamaallaat oqaaseqaatigini sammisaqarnissaq tulluarpasinngitsutut isikkoqarpoq. Taamaattumik § 3-mi immikkut immikkoortutut nalunaarsorlugu “ilaasunik angallassinerni kiffartuussinissamik isumaqatigiissutit” ilanngunneqarnissaa kissaatigineqarpoq.

Tusarniaanermut akissut tunngavigalugu kiffartuussinissamik isumaqatigiissutit pinngitsoorneqanngitsut ipput. Taamaattorli pisortat imermik nukissiuuteqarnermillu pilersuineranni, assartuussinermi kiisalu allakkerivimmi telemilu sullissinerni suliassanut taakku inatsit najoqqutaralugu immikkut ittumik pisinnaatitsissummik tunngaveqarlutik suliarineqartillugit Inatsisartut inatsisaat atuutinnigilaq, takuuk § 2, imm. 4. Tamatuma saniatigut § 3, imm. 1, nr. 5-imi suliassamik isumaginnittussatut tapiissutinik pissarsisinnaatitaanerani aningaasanut inatsimmi aalajangersagaasutut suliassat pinngitsoorneqarput.

§ 20, imm. 6-imit oqaaseqaatini najoqqutarisatut suliassat qanoq isumagineqarneri pinnagit najoqqutassat amerlassusaannik annertussusaannillu neqeroortitsisoq taamaallaat pingaarnertutaqassasoq allassimammatt Namminersorlutik Oqartussat neqeroorutitsinik pitsaassusiluttunik akuersinissamut pinngitsaalineqarnissaannut aarleqquteqartuusoq Ineqarnermut Attaveqaqatigiinnermullu Naalackersuisoqarfiup nalunaarvaa.

Qinnuteqaatit neqeroorutillu nalilersornerini kinaassusersiunngitsunik, sulianut tunngasunik immikkoortitsisuunngitsunillu najoqqutassat pisortat neqerooruteqartitsisut atussavaat. Taamaattumik neqerooruteqartorlu iluarinannigitsunik misilittakkanik pingaartuutitsisinnaannginneq erseqqissumik aallaaviuvoq.

Taamaattorli piumassutsiminik pinngitsuuisitsinissamut tunngavittut qinnuteqartoq imaluunniit neqerooruteqartoq neqeroortitsisup ilaatinngitsoorsinnaavaa taanna ukiut 3-t kingulliit iluanni taassuma innarligassannigissusaanik qulalersitsisumik inuussutissarsiummik ingerlatarineranut atatillugu taanna ilungersornartunik pinngitsuuinernik ingerlataqarsimassappat. Ilaatitsinnginnermut tunngavigisaq piumassuseq malillugu pissammatt neqerooruteqartitsisup neqeroortitsinermik nalunaarummi tamanna nalunaarutigeqqaarsimassavaa.

Pinngitsuineq qinnuteqartup imaluunniit neqerooruteqartup inuussutissarsiutaanut attuumassuteqarnera, aammalu pinngitsuineq taassuma innarligassaannigissusaa pillugu

qulalersitsisuunera neqerooruteqartitsisup takussutissiivigissavaa. Qinnuteqartup imaluunniit neqerooruteqartup ileqqorisaanut naleqqiullugu pinngitsuuineq ilungersunartoq ataaseq imaluunniit arlallit tunngavigalugit neqerooruteqartitsisoq naleqquttumik apeqqutillisinnaanera piomasagaatit taamaalillutik naassataraat.

Tamatuma saniatigut § 19-imi ilaatitsinninnissamut piomassuseq malillugu tunngavigisat nalunaarsukkat allat taakku aamma innersuutigineqarput. Tusarniaanermut akissummik tunngaveqartumik § 20, imm. 6-imut oqaaseqaataasut itisilersorneqarput.

Naalackersuisoqarfinit taakkunungalu atasutut aqutsisoqarfinit pisariaqartitsinernik naapertuutsinissamut § 22, imm. 4-mi pinngitsuuisitsinerup nerukippallaanera Digitalimik Sullissinermut Aqutsisoqarfiup aarleqqutigalugu nalunaarjaa. Hardwaretut imaluunniit softwaretut ilusilinnik IT-mik pisiortornerit teknikkimut tunngasutut suussutsit, § 22-mut kapitalimi qulequttap nalunaagaatut apeqqutaaginnanngillat. Pineqartut aamma tassaapput qarasaasianik atuinermi isumannaallisaanerit paasissutissaatinillu isumannaallisaanerit.

Torersuunissaa pillugu § 22, imm. 4-mi aalajangersakkap pinngitsuuinissamik aalajangersagaannginnera oqaatigineqassaq. Paarlattuanik aalajangersakkami ikiorsiissut tunisassiaareersunut imaluunniit iluarsuissutitut peqatigitinneqarsinnaanissaa pillugu neqerooruteqartitsinermi, ilanngullugu hardwaretut imaluunniit softwaretut ilusilinnik IT-mik pisiaqarnermi piomasagaateqartoqarsinnaanera itisiligaavoq.

Teknikip tungaatigut suussutsit tunisassiami imaluunniit kiffartuussissummi pisariaqartitatut piginnaarisat aalajangersarpaat, taamaalillutik neqeroortitsinermi piomasagaatinik naapertuutsitsisunik neqeroorutitik neqerooruteqartut tunniussaarsinnaassallutik. Qarasaasianik atuinermi isumannaallisaanerit paasissutissaatinillu illersuinerit nalinginnarmik assersuutigalugu qaraasiamik atuinermi illersugaanissaanut siulersuiffittut aqqissuussivik, ilusilersuinerit aamma najoqqutassatut inissiissutit aqutitigalugit paasissutissanik illersuineq, paasisaqarnissamut pisinnaatitaaneq, aamma puigugaanissamut pisinnaatitaaneq, aamma aqqissuussivimmi paasissutissat pisariaqartut taamaallaat pigineqarnissaat pillugit piomasagaatitigut qularnaarneqarsinnaassapput. Tusarniaanermut akissut tunngavigalugu § 22, imm. 1-imut aamma imm. 3-mut oqaaseqaatit itisilerneqarput, taamaalillutik teknikip tungaatigut suussutsinut nassuiaataasooq erseqqinnerusumik nassuiaavigineqarluni.

§ 22, imm. 3-mit § 22, imm. 2-mut pingitsuuineq pisumut ikiorsiissutit naammaginatut erseqqissumik nassuiaagaaffigineqarsinnaanngiffianut tunngavoq, tamatumalu nassatarisaanik piomasagaateqarnissamut suliamut tunngasutut tunngavigisanik neqeroortitsisoq nalunaarsuinnaassappat immikkut ittutut nioqqutit suussusaannut imaluunniit sananeqaataannut neqeroortitsisup piomasagaatit taamaallaat aalajangersinnaassallugit.

Hardwarenik aamma softwarenik pisiortorneq “akit pitsaassutsillu akornanni pissutsit pitsaanerpaat” pillugit tunngavigisamik tunngaveqarluni pissanera Digitalimik Sullissinermut Aqutsisoqarfiup nalunaarjaa, takuuk § 17, imm. 4. Taamaattorli nalilersuineq neqeroortitsineq aqutigalugu pineq ajorpoq, neqeroortitsineq qarasaasiamik atuineramik isumannaallisaaneq paasissutissaatinillu illersuineramik annertuumik, malitsigisatut ikiorsiisarnermut aningaasartuutunik annikinnerpaanik, imaluunniit qarasaasiat taarsernerini allanik pisariaqartitaasunik aningaasartuutunik annikillisaanernik, ilanngullugit sulisunik ilinniagaqartitsinernik qularnaarinissamut imatorsuaq tulluartuunngimmat. Tamatumani saniatigut suliassanut immikkut ittunut atortussianik immikkut ittunik akuttoqatigiissaartumik naalakkersuisoqarfiit aqutsisoqarfiillu piumasaqartarput.

Digitalimik Sullissinermut Aqutsisoqarfiup “akit pitsaassutsillu akornanni pissutsit pitsaanerpaat” pillugit tunngavigisamik atugaqareenera nersornarpoq. Taamaattorli pisiortornerni qulaani taaneqartutut sianigisassanik qularnaarinissamut neqeroortitsinerit imatorsuaq tulluartuunnginnerat tusarniaanermut illuatungerisap nalunaarjaa. Tamannali tunngavigineqarsinnaanngilaq, assersuutigalugulu § 15-imi “sioqqutsisumik nalunaaruteqarluni isumaqatiginninniarnermik ilalimmik neqeroortitseriaaseq” pisunut taama ittunut immikkut naleqqussagaavoq. Iluarsissutinik pissarsiarineqarsinnaareersunik iluarsaassinani neqerooruteqartitsisup pisariaqartitai naapinneqarsinnaanngikkaangata neqeroortitsinermut iluseq atorineqarsinnaavoq, tassani ilaallutik ilusilersuinerit imaluunniit pilersitarisatut iluarsissutit, imaluunniit ikiorsiissummut teknikip tungaatigut suussutsit, imaluunniit taassuma pilersuutigineranut tunngasutut piumasarisat atugassarissallu sinneri neqeroortitsinermik atortussianik naammaginartumik erseqqissumik aalajangerneqarsinnaanngikkaangata.

Pilersuisartunik naleqquttunik piukkunnartussarsiuneramik IT-mik neqeroortitsineq isumaqatiginninniarnertalik aallarnerneqartarpoq. Neqeroortitsinermut atortussat tunngavigalugit illua'tungeriit kingornatigut isumaqatiginninniutigisassaannik neqerooruteqartut piukkunnartussarsiuqqat aallarniutitut neqeroorusiortarput. Isumaqatiginninniarnernerit tunngavigalugit neqeroortitsinermut atortussani annikinnerusunik allanngortiterinissamik neqerooruteqartitsisup toqqarsinnaavaa, neqerooruteqartullu neqeroorutimik pitsanngorsarnissaannut periarfissinneqarlutik. IT-mik neqeroortitsinermut isumaqatiginninniarnertalimmut annertunerpaatut iluaqutaasoq tassaavoq neqerooruteqartitsinerup ingerlannerata nalaani illua'tungeriit ammanerusumik imminnut oqaloqatigiissinnaanerit. Taamatut kiffaanngissuseqartoqaraluartoq siunnersuutip neqerooruteqartitsinerup qaniq aqqissuunneqarnissaanut arlalinnik piumasaqaatinik aalajangersaavoq.

Qarasaasiamik atuinermit isumannaallisaanermut paasissutissanillu illersuinermit tunngatillugu taakkuninnga naapertuutsinissamut tunngatillugu neqeroortitsinermi

atortussani qanoq piumasaqaatinik aalajangersaasoqarnissaanut tigussaasunik arlalialunnik assersuuteqartoqarpoq.

Naalackersuisoqarfinit aqutsisoqarfinnillu atortussat immikkut ittut pillugit kissaatigisani isumaqatigiissut killissarisatut naleqassutsimik qaangiisimassappat aamma tamatumani neqeroortitsisoqassaaq. “Atortussiatut immikkut ittutut” atuuffigisap suussusia ilaatigut atuuffittut piumasaqaataasutut suussusersineqarsinnaassaaq.

Siunnersuummi kapitali 5-imi tunngavigisat malillugit kingornatigut niuffaffimmi oqaloqatigiinneq aqutugalugu atortussiap suup pisiarineqarnissaa aalajangeraa, tassalu pisiassaq tigussaasoq, ilutsip normua il.il. Digitalimik Sullissinermut Aqutsisoqarfiup nalunaarppaa.

Niuernermi oqaloqatigiinnermut ilaanissaq, imaluunniit § 15-imi nassuiarneqartutut eqaassuseqarnerusumik neqeroortitseriaatsimik atuinissaq pillugu atuinissaq sulii Digitalimik Sullissinermut Aqutsisoqarfiup kiffaanngissuseqarfigaa.

Naggasiullugu § 2-mi killissarisatut naleqassutsimik pisiarisamik ilarpassuisa qaangertassagai Digitalimik Sullissinermut Aqutsisoqarfiup nalunaarppaa, pisiarisat nalinginnarmik tulleriiaartuni annikinnerni pisarmata, taamaattorli ikiorsiisummut tassungaannaq uteqattaartutut pissarsiarisaqarnertut isigineqartussaassallutik. Naggasiullugu IT-mik pisiortornerit pillugit immikkut ittunik malittarisassianik aalajangersaasoqassasoq tusarniaanermut illua ’tungerisap inassutigaa.

Siunnersuutigisatut malittarisassiat taakku iluanni soqutigisarisamik isumagineqarsinnaannginneri pillugit tusarniaanermi illuatungerisap oqaaseqaatai tunngavigitinneqarsinnaanngillat, takukkit qulaani pineqartutut tunngavilersuutit. IT-mik neqeroortitsinerit naleqquttumik aaqqissuunnissaat periarfissinniarlugit immikkut ittutut aalajangersakkat ilanngunneqarput.

Naalackersuisoqarfiup tusarniaanermut akissutaanut ilaasutut siunnersuummut Peqqissutsimut Pitsaaliuinermullu Aqutsisoqarfimmit oqaaseqaammik aamma pissarsisimanertik Peqqissutsimut Ilisimatusarnermullu Naalackersuisoqarfiup nalunaarppaa. Nunatsinni peqqinnissaqarfiup imatut annertussuseqarlunilu iluseqartuunerata pingaarnertut toqqammavissat, ilanngullugit ingammik killilersuutitut naleqassutsit inatsisissatut siunnersuummi toqqammavissat aalajangersakkat iluanni isumalimmik ingerlatsinissamik ajornakusoortitsinera tusarniaanermut illua ’tungerisap ilanngullugu nalunaarppaa. Aammattaaq Danmarkimi nunap ilaani - regioninik - taakkuninnga niueqatigiinnissamik isumaqatigiissutit aqutugalugit ingerlattagaanni neqeroortitsinerit ilaannut Peqqissutsimut Pitsaaliuinermullu Aqutsisoqarfik ilaasarpooq. Tamatuminnga tunngaveqartumik § 2, imm. 1-imi killissarisatut naleqassutsip kr. 2.500.000-inut, aammalu § 15, imm. 4, nr. 5-imi, aamma §

16, imm. 2, nr. 5-imi kr. 5.000.000-inut qaffatsinneqartariaqartoq tusarniaanermut illua'tungerisap nalunaarpaa.

Tusarniaanermut akissummik tunngaveqartumik nakorsa qarfirmi atortunik taakkunungalu attuumassuteqartunik nakorsa qarfirmi atortussanik pisiortornernut immikkut ittunik killissarititatu naleqassutsinik inissiisoqarpoq.

Siunnersuummi § 3-p annertuumik siammartertuullunilu neqeroortitsinissamik pisussaaffimmit pisanik naleqqutinngitsumik annertuut ilaannik ilaatitsisunngitsuunera Aningaasaqarnermut Naalakkersuisoqarfiup (AN) nalunaarpaa. Ingammik nr. 5, 7, ilaatigullu 8 innersuutigineqassapput. Siunnersuisartunit ikiorsiissutit sinneri pillugit nr. 5 annertuumik siammartertuvoq, aammalu pisut ilaasut nassuiakkat taakku pinngitsuuinernit allanit isumaneqarsinnaasut nalunaarneqarput.

Tusarniaanermut akissummik tunngaveqartumik siunnersuisartunit ikiorsiissutit sinneri pillugit aalajangersagaq peerneqarpoq.

Nr. 8-mi isumaqatigiissutinik pinngitsuuisarneq pillugu allatut ittumik inuiaqatigiinni soqutigisarissat annertuut illersornissaat qularnaarneqarsinnaanngikkaangata oqaaseqaatit imatut iluarsisariaqartut, taanna taamaallaat immikkut illuinnartuni pinngitsuuinermullu tunngasutigut pisuni ator neqarsinnaanera erseqqissumik takuneqarsinnaalersillugit AN-ip nangilluni nalunaarpaa. Allatulluunniit qinikkatut aalajangersagaq peerneqartariaqarpoq.

Tusarniaanermut akissut tunngavigalugu aalajangersakkamut oqaaseqaatit imatut itisilerneqarput taassuma taamaallaat pisunut immikkut ittunut ilaasuunera erseqqissarneqarluni. Pisiassat pisariaqartut pisiarinissaannut periarfissaqartariaqarmat, soorlu assersuutigalugu avatangiisinut annertuumik iluarsineqarsinnaanngitsunik ajoqusiinissamut aarlerinartoqartillugu.

Nr. 7-imut tunngatillugu, suliassat tapiissutitut aningaasaliissutitut aningaasanut inatsimmi immikkoortinneqartunit aningaasaliiffigineqartut tamatigoortumik neqeroortitsinissamut pisussaaffimmut ilaatinneqassanatik aalajangersakkap taassuma naleqquttuunnginnera AN-ip ilanngullugu nalunaarpaa. Imminermini pisiassap unammillissutaassannginneranut taassuma tapiissutitut aningaasaliissutinit aningaasalersugaasimanera tunngavissiisutaasinnaanngilaq.

Taamaallaat suliassamik kina isumaginnissanersoq aningaasanut inatsimmi toqqaannartumik aalajangersimalluni aalajangersagaq taamaallaat tapiissutitut aningaasaliissutinik ilaqartilergu tusarniaanermut akissut tunngavigalugu iluarsineqarpoq. Tapiissutinik pissarsisoq inatsisaasuni aalajangersagaasimassappat suliassaq neqeroortitsinissamut pisussaaffimmiissanngilaq.

Pisortat pisiarisaannut atatillugu sapinngisamik annertunerpaamik tamanik takunnissinnaassuseq unammillertitaanerlu inatsimmut pingaarnertut siunertarisaasoq AN-ip ilanngullugu nalunaarpaa. Tassunga atatillugu ilassutitut pinngitsuuisitsinissamut aalajangersakkanik Naalakkersuisut nalunaarutitut iluseqartunik aalajangiisinaanissaat pillugu § 3, imm. 2-mi aalajangersakkap peerneqarnissaa isumaliutigisariaqarpoq.

Tusarniaanermut akissut tunngavigalugu aalajangersagaq peerneqarpoq.

§ 4, imm. 6-imi neqeroorutit sorliit “akuerineqarsinnaanngitsutut” isigineqarsinnaaneritik nassuiaateqartoqartoq AN-ip ilanngullugu nalunaarpaa. Nr. 4-mi neqeroorutit “nalinginnaanngitsumik nalikitsut” itigartinnissaannut najoqqutassiisoqarpoq. Maannakkut oqaasertaliussami neqeroorummik erseqqissumik itigartitsinissamut aalajangersakkap atorsinnaassanerata pinngitsoortinneqarsinnaanaviannngilaq, taamaattumillu oqaaseqaatit imatut iluarsisariaqarput pissutsit pineqartut allat saniatigut taamaallaat akinik apparsaanerup ilaatitaassanngitsutsisuunera erseqqissumik takuneqarsinnaalersillugu.

Tusarniaanermut akissut tunngavigalugu oqaaseqaatit itisilerneqarput, taamaalilluni erseqqissumik neqeroorummik akuersissuteqarnermut periarfissamik taanna ilaasuunngitsoq, aammalu taanna taamaallaat akinik apparsaanerinnarnut tunngasuunera erseqqissaavigineqarluni.

§ 16, imm. 2 sioqqutsisumik nalunaaruteqarnani neqeroortitsinerup isumaqatiginninniarnertallup atorsinnaanissaanut piumasagaatinik tallimanik tullerriaakkanik imeqarnera AN-ip ilanngullugu nalunaarpaa. Tullerriaakkat ‘taakku ilanngullugit’ imaluunniit ‘taanna pinngikkuni alla’-tut ittuunera erseqqissuunngilaq – oqaaseqaatinilu paasisitsissutaanani. Tamanna iluarsisariaqarpoq. Taamaallaat taanna pinngikkuni allamik tullerriaakkat naleqquttuussaaq. Tamanna oqaaseeqqamik “imaluunniit”-mik pineqartut taakku tallimat ataasiakkaat naaneranni iluarsineqarsinnaavoq, maannakkut taamaallaat pineqartut sisamaata naanerani takuneqarsinnaavoq.

Imm. 3.3.3.2-mi inatsisilernermit teknikikkut malittarisassiat najoqqutaralugit normut ataasiakkaat oqaasertaat naqinnermik mikisumik aallartinneqassaaq, uniffimmillu akunnequserneqartassalluni. Normup kingulliup tulliata kingorna oqaaseq “amma” imaluunniit oqaaseq “imaluunniit” naggasiutigineqassaaq. Taamaattorli tusarniaanermut akissut tunngavigalugu oqaaseqaatini neqeroortitseriaatsip atorsinnaanissaanut tullerriaakkatut tunngavigisanit taakkunanit 1-iinnaq saqqummiunneqassasoq itisilerneqarpoq.

§ 17, imm. 4-mut oqaaseqaatini pitsaassutsikkut najoqqutassanut tullerriaakkap tamakkiisuunnginneri oqaaneqartoq tusarniaanermut illuatungerisap ilanngullugu

nalunaarpaa. Tamanna aalajangersakkami taamaallaat “assersuutigalugit”-mik ilanngussinermi tamanna erseqqissaavigineqarsinnaannginnerpa?

Tusarniaanermut akissut tunngavigalugu maannakkut aalajangersakkami “assersuutigalugit” ilanngunneqarpoq

§ 19, imm. 2-mi pisoqarfiusinnaasunik 3-nik tulleriiaarineq, pisortanut 100.000 kr.-t sinnerlugit akilersugaanngitsunik taarsigassaqaassannginneq pillugu peqataasup § 19, imm. 1, nr. 4-mik naapertuutsitsinngikkaluarpat ilaatitaannginnissaq neqeroortitsinermi peqataasup pinaveersinnaanera tusarniaanermut illua ’tungerisap ilanngullugu nalunaarpaa. Peqataasut sinneri aamma akiitsoqarpata peqataasup mattuttariaqannginnera § 19, imm. 2, nr. 1-ip malitsigivaa. Tamanna nangaanartoqarpoq, kiisalu assortuuttutut illuni, taarsigassaqaqarnermut piumasaqaammik piviusutut siunertaasumut, kiisalu peqataasumut pisortanut pisussaaffimminik uppernarsarneqarsinnaasumik naapertuutsitsinngitsumut isumaqatigiissutinik pisortat tunniussineranngu atsumik tamatigoornerusumik isumaliuneqarnermut assortuulluni. § 19, imm. 2, nr. 1-imi pinngitsuinerup peerneqarnissaa inassutigineqarpoq.

Pinngitsuineq periarfissatut kingullerpaatut paasineqassaaq, tassani pisortat pisiaqartussaassallutik, pisortanullu akiitsoqanngitsunik pilersuisartunik nassaartoqarsinnaanani. Pisut imaassinnaapput tamatuminnga pisiaqarnissaq pisariaqarsinnaalluni, pisortanullu akiitsunik akilersugaanngitsunik suliaqarfimmi tassani suliaqartut amerlasuut akiligassaqaqarneranni aningaasaqarnikkut pisoqarfiusoq nassataqartitsippat pisut attuumassuteqalissallutik. Taamatut pisoqarsinnaaffimmi pisortat nioqqutissat imaluunniit kiffartuussissutit pisariaqartut suli pisiarisinnaassanerannut periarfissaqassaaq.

*§ 28-mi imm. 4-mik imatut imalimmik ilanngussisoqaassaneramik siunnersuutigineqassasoq tusarniaanermut illua ’tungerisap ilassutitut nalunaarpaa:
” Imm. 4. Imm. 1 najoqqutaralugu tunniussinermik aalajangiussinerup kingornatigut pisortat neqerooruteqartitsinermik nittartagaanni neqerooruteqartitsisoq tamanut saqqummiussaqaassaaq.” Oqaasertaliussap ilanngunnissaa siunnersuutigineqarpoq pisortat neqeroortitsisarneranni tamatigoortutut tamanik takunnissinnaaneq annertusassammagu.*

Tusarniaanermut akissut tunngavigalugu § 28, imm. 4-mi pisortat neqerooruteqartitsinermik nittartagaanni tunniussinermik aalajangiussinermik neqeroortitsisup tamanut saqqummiussaqaqartarnissaa pillugu aalajangersakagaq ilanngunneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Pisortat pisiortornerinut ingerlatassanut tamatigoortutut tunngavigisassaq anguniagarlu aalajangersakkap aalajangersarpaa, taamaalilluni pisortat aningaasaataannik sapinngisamik pitsaanerpaamik atuineq sunniuteqarluartutut unammillernikkut anguneqassammat. Taamaalilluni pisortat pisiortornerini unammillernermit sapinngisamik pitsaanerpaanik toqqammavissanik pilersitsinissamik siunnersuut siunertaqarpoq, taamaalillutik taakku sapinngisamik sunniuteqarnerpaamik ingerlanneqarsinnaassammata, aamma pisisussanut pilersuisunullu sapinngisamik appasinnerpaanik neqerooruteqartitsinermit aningaasartuuteqarfiullutik. Aalajangersakkamut namminersuutigisatut pisinnaatitsissummik tapersiisoqarsinnaanngilaq.

Imm. 2-mut

Pisortat neqerooruteqartitsinerat Inatsisartut inatsisaata atuuffianit tassannga pinngitsoortinniarlugu siunertaqarluni neqerooruteqartitsineq ilusilersorneqaaqquusaanngitsoq imm. 2-kkut aalajangerneqarpoq. Assersuutigalugu neqerooruteqartitsinermik inatsimmi aalajangersarneqartutut killeqarfissatut nalingititanik isumaqatigiissutip nalingata qaangernissaa pinaveerniarlugu isumaqatigiissummik isumaqatigiissutinut mikinerusunut pisisussaq aggulusseqqusaanngilaq.

Aammattaaq unammillerneq iliuuseqarfigalugu killilerniarlugu siunertaqartumik neqerooruteqartitsinerup ilusileqqusaannginneranik aalajangersagaq aamma aalajangersaavoq. Eqqunngitsumik suliaqartumik ataatsimik, imaluunniit suliaqartunik aalajangersimasunik salliuutitsiniarnikkut, imaluunniit taanna imaluunniit taakku iluanaannginnerusussanngortinnerinik siunertaqartumik neqerooruteqartitsineq ilusilersorneqarsimassappat unammillerneq iliuuseqarfigalugu killilersugaasutut isigineqassaaq.

§ 2-mut

Siunnersuutip atuuffii aalajangersakkami aalajangersarneqarput. Ilanngunneqanngitsut § 3-mi takuneqarsinnaapput.

Imm. 1-imut

Pisortani oqartussaaffeqarfiit suliffeqarfiillu taamaallaat siunnersuummi pineqarput, assersuutigalugu Namminersorlutik Oqartussat, nunatsinni kommunit, ilinniarfiit pisortanit pigineqartut, meeqqat angerlarsimaffii il. il.

Nioqqutissat kiffartuussinerillu 500.000 kr. ataallugit nalillit pisiarineranni siunnersuut atuutinngilaq, taamaattorli takukkit imm. 2 aamma 3. Nalit killingat 500.000 kr.-nut aalajangersarneqarpoq, taamaalilluni annertuunik taamaallaat pisinerni siunnersuummi aalajangersarneqartutut neqeroorteqartitsisarnermi nukinnik pisariaqartitsisut pisussaaffigineqarlutik.

Nioqqutissanik kiffartuussinernilluunniit pisinerit pillugit sinaakktissatut isumaqatigiissuteqarnej siunnersuummi pineqartunik pisinertut isigineqarput. Sinaakktissatut isumaqatigiissut atorlugu pisineq siunnersuummut ilaanngilaq neqeroortitsisussaataaneq sinaakktissatut isumaqatigiissuteqarnikkut neqeroortitsinermut suleriaaseqarnermi eqqortinneqareemat.

Imm. 2-mut

Kr. 2.500.000-it imaluunniit sinnerlugit nalilinnik nakorsaqaarfimmi atortunik taakkunungalu atasutut atortunik pisiortornermut Inatsisartut inatsisaat atuuppoq. Nakorsaqaarfimmi atortunut taakkunungalu atasutut atortunut tunngasunik neqeroortitsinermi atortussialiornerit paasiuminaatsuupput aamma klinikkerinik, teknikerinik, IT-mi sammisalittut sulisunik, ajornanngippat avataanit siunnersuisartunit allanillu aqutsisoqaarfimmi isumalluutaasunik ilanngussuinissanik tunngaveqarlutik. Neqeroortitsinermit atortussiornerit isumaqatigiissummillu suliaqarnerit sivirusunerusumik neqeroortitsinermit ingerlassamik nassataqartitsisinnaapput, kiisalu peqqinnissaqarfiup pitsaanerpaamik ingerlanneqarneranut naleqqutinngitsunik unammillertoqaarfinnik pilersitsisinnaallutik.

Nakorsaqaarfimmi atortut imatut nassuiarneqarput sakkut, sakkuut, atortut, software, atortussiaq, atortuliaq allatulluunniit pigisaq kisimiitillugu imaluunniit akulerullugu atugaq, suliarinnittuusumit nappaateqarnermik paasiniaanermut imaluunniit peqqissaanermut siunertanut immikkut ittunut atornejartussat, aammalu tamakku eqqortumik atornissaannut pisariallit, aammalu suliarinnittumit inunnut atussallugit naatsorsuussat, makkuninnga siunertaqarluni:

- a) Nappaammik paasiniaaneq, pinaveersarineq, nakkutilliineq, suliarinninneq imaluunniit nappaatinik nipaallisaaneq,
- b) nappaammik paasiniaaneq, pinaveersarineq, nakkutilliineq, suliarinninneq aamma nipaallisaaneq, imaluunniit ajoqutaasunut imaluunniit innarluutinut taarsiiniutitut atornejartut,
- c) misissuineq, taarsersuineq imaluunniit timimik allannortitsineq, imaluunniit timimi ingerlassaq, imaluunniit
- d) naartunaveersaartitsineq.

“Tassunga atasutut atortut” ima nassuiarneqarput tunisassiatut sutulluunniit, suliarinnittumit nakorsa qarfirmi atortunut peqatigitillugit atugassiarisat, nakorsa qarfirmi atortut suliarinnittumit pilersaarutaasutut atorneqarsinnaassammata.

“Suliarinnittoq nassuiarneqarpoq inuttut timitalittut imaluunniit inatsisitigut inuttut naatsorsuussaq, nakorsa qarfirmi atortunik ilusilersuineramik, sanaartornermik, poortuineramik, ilisarnaasersuineramik aamma siammarterineramik akisussaaffeqartoq, pineqartup suliarisai inummit tassannga, imaluunniit isumaqatigiissutip avataani taanna sinnerlugu suliarineqaraluarpata.

Nakorsa qarfirmi atortut tassungalu atasutut atortussat assersuutigalugit tassaasinnaapput napparsimmavimmi siniffiit, aamma naqitsinaveersaatilikkatut madrassit, tassani apeqqutaallutik nappaammik paasiniaanerit, scannerit aamma assersuutigalugu røntgenip qinngornerinut illersuutitut aqerlortalikkatut atisat, angallanneqarnermi anersaartuutit aamma anersaartuutit aqquaat, timimut pilallugit ikkussat, uummammik nappaateqartunut nakkutilliinermut atortussiat, kemomik katsorsagaanermut infusionspumpit aamma kuseriarnernik kisitsissutit, kiisalu pilattaanermut allisitsiutit mikroskopit. Matumani assersuutit tullerriaarneqartut tamakkersimasuunngillat.

Imm. 3-mut

Illuliornermi sanaartornermilu suliani 2.500.000 kr.-nik imaluunniit sinnerlugit nalilinnik teknikip tungaatigut ikiorsiinermut Inatsisartut inatsisaat atuuppoq. Taamaalilluni ikiorsiillunilu siunnersuinerpiamut, illuliornermi sanaartornermilu sulianut atatillugu ikiorsiissutaasunut isumaqatigiissummi naleqassuseq tunngavigalugu killissaliussatut naleqassuseq naatsorsorneqassaaq. Taamaalilluni illuliornermi sanaartornermilu suliarpiamut isumaqatigiissummi naleqassuserpiamit attuumassuteqanngilaq. Neqeroortitsinermut atortussanik aamma isumaqatigiissutinik suliaqarnerit neqeroortitsineramik ingerlassamik sivisunerusumik nassataqartitsisinnaapput, tassanngalu suliaqarneq neqeroortitsissummut 2.500.000 kr.-nik nalikinnerusumut naleqqutinngitsunik artukkiisinnaavoq. Tamanna Kalaallit Nunaanni illuliorlunilu sanaartornermut naleqqutinngitsunik unammillernartunik kinguartitsinernillu pilersitsisinnaavoq.

Imm. 4-mut

Siunnersuut atuutissaaq pisiniartup uppersarpagu neqeroortitsineq pisimasoq neqeroortitseriaatsit siunnersuummit killilersugaasut ilaata ataatsip atorneqarneratigut, takuuk § 12, imm. 1. Tamanna atuutissaaq pisiaq 500.000 kr. ataallugu naleqaraluarpalluunniit, takuuk § 2, imm. 1 aamma nakorsa qarfirmi atortunik pisiortornermut aamma illuliornermi sanaartornermilu sulianut atatillugu teknikip tungaatigut ikiorsiinermut 2.500.000 kr.-t ataallugit naleqartunik pisiaqarnerni. Tassani siunnersuummut innersuussuteqartoqarnissaa naatsorsuutigineqanngilaq.

Tunngaviusumik mianerisassat niuffaffimmi peqataasunut tassaapput paasiuminartuunissaq naatsorsuutigineqarsinnaanerlu. Pisiumasoq assersuutigalugu ”pisortatigoortumik neqerooruteqartitsineq” imaaliallaannarluni nalunaarutigisinnaappagu peqatigitillugulu inatsisitigut malittarisassat malinnissaannut pisussaaffeqanngikkaluarluni, niuffaffimmi peqataasunut erseqqissuussanngilaq, qanoq pisoqartillugu inatsisitigut aalajangersakkamik neqerooruteqartitsinissamut aaqqissuutissanerlutik.

Imm. 5-imut

Inatsisit najoqqutaralugit immikkut ittumik pisinnaatitaanermik tunngaveqarlutik sularineqartillugit pisortat imermik nukissiuuteqarnermillu pilersuinerinik suliassanut, assartuinerlut, kiisalu allakkerivimmi telemilu sullississutinut Inatsisartut inatsisaat atuutinngilaq.

Assersuutigalugu Nukissiornermik pilersuineq pillugu Inatsisartut peqqussutaat nr. 14, 6. november 1997-imeersumi Nukissiorfiit innaallagissamik avataaniillu kiassarnermik atuisartunut pilersuinerinik isumaginnittuunissaa, aammalu illoqarfinni nunaqarfinnilu atuisartunut sunniuteqarluartumik naammattumillu innaallagissamik avataaniillu kiassarnermik attassinissamut pisussaaffeqartuunerat aalajangersarneqarpoq.

Tamanna aamma pivoq TELE Attaveqaatit aktiaateqarluni ingerlatseqatigiiffinngortinneqarnera pillugu Inatsisartut peqqussutaat nr. 11, 28. oktober 1993-meersukkut, Kalaallit Nunaanni pisortat telekkut attaveqaatigiiffiannik sanaartorlunilu ingerlatsinissamik isumaginnittuunissamik ingerlatseqatigiiffiup siunertaanik aalajangiilluni, kiisalu pisortat telekkut kiffartuussissutaat Namminersorlutik Oqartussat akuersissutaat nalunaarutigisaq najoqqutaralugu neqeroorutigissallugit.

§ 3-mut

Siunnersuutip atuuffii pillugit § 2-mut ilanngutassaannngitsut aalajangersakkatigut aalajangersarneqarput.

Nr. 1-imut

Illuliatigut sanaartukkatigullu suliassat siunnersuummi malittarisassiani ilanngunneqanngillat, pisiassat taamaattut illuliortarnermut sanaartornermullu immikkoortortami neqerooruteqartitsisarnissaq pillugu Inatsisartut inatsisaannit killilersugaammata.

Nr. 2-mut

Inatsisinut aamma kukkunersiuisarnikkut tunngasunik siunnersuisarnermi ikiuisarnermilu pisiniap pisiniallu siunnersuisorisartagaata akornanni immikkut tatigeqatigiinnissaq atuukkajuttarpoq. Tassanissaaq inatsisilerinikkut siunnersuisorisartagaq suliart tunngavigalugit pisiniap paasissutissaataannik isertuussanik tigusaqaraangami amerlanertigut pisiniap

atugarisai pingaaruteqarluinnartut immikkut paasisimasaqarfigissallugit akuusut akornanni suleqatigiinnermut pisariaqartarput. Paasisutissat isertuusaanissaannut tunngatillugu taakku niuffaffimmi peqataasunut allanut neqeroortitsinerup nalaani ingerlateqqusaanngillat.

Inatsisaasunut naleqqiullugu Naalakkersuisut Siulittaasuat aamma Naalakkersuisuni ilaasortat sinneri pineqartup naalakkersuinermi suliasaqarfiani ilaasutut sulianik ingerlatsivinnut tunngasunik ilaasortap aalajangiiffigisaanut akisussaasuupput. Taamaattumik aalajangersakkamut siunertaq aamma tassaavoq Inatsisartut ilaasortat akisussaanagerat pillugu Inatsisartut inatsisaat nr. 6, 13. maj 1993-imeersoq malillugu Naalakkersuisuni ilaasortap akisussaaffimmik isumaginnissinnaaneraniq qulakkeernissamik pisarialittut iliuseqarsinnaanerit qularnaarnissaannut aalajangersakkamut aamma siunertaavoq.

Assersuutigalugu inuussutissarsiorfimmik suliasaqarfimmi pisortat sulianik isumaginninneq ilaatigut erngup nukinganik nukissiornermut aamma aatsitassarsiornermut inatsisaasut malillugit IBA-mik isumaqatiginninniarnertit naammassinerannut aamma akuersissutitut nalunaarutaasnut pissutsinut tunngasunut atatillugu nunat tamalaani atugaasutut ittunik inatsilereriaatsimi ajornartorsiutit paasiuminaatsut arlallit isummerfiginissaannik ilaqarpoq. Qaqutiguunngitsukkut assut immikkut ittumik ilisimasaniq pisariaqartitsineq pineqarajuttarpoq, inatsilerinerimik suliffeqarfinit anginerpaanit pitsaanertut pissarsiarineqarsinnaasut. Qaffasissumik inissisimaffimmi siunnersuisarneq pisariaqartinneqarpoq, aammalu pilersuisartut ikittuaraannaat pilersuutigisinnaasaannik immikkut ilisimasat imarisaat pisariaqartinneqarlutik.

Taamaattoq pisiariniakkanik nalunaartup suliaqarfiit ilaatinneqartut neqeroortitsissutiginnissaannut akornusinngilaa pisiariniakkanillu nalunaartup taamaattut neqeroortitsissutigineqarnissaannut kiffaannngissuseqartumik periarfissaraa suliap naammassineqarnissaanut immikkut tatigeqatiginneq pisariaqanngippat. Nalinginnaanerusumik suliassat suliariuartakkatut ittut assigiissaartullu, soorlu illunik nioqquteqarnerit attartortitsinermillu isumaqatigiissutit.

Nr. 3-mut

Kalaallit Nunaanni pisortat oqartussaaffeqarfiisa imaluunniit suliffeqarfiutaasa allat pisiarisartagaat siunnersuummi ilaatinneqanngillat, taakkumi pissarsiat namminermit tunisassiatut isigineqartarmata pisinivittut isigineqartaratik. Sullissinernik tunniussinernut taarsiullugu pisortat oqartussaaffiniit imaluunniit suliffeqarfiiniit akiliisoqartarnera pingaaruteqarpallaanngilaq. Uanili pingaaruteqartoq tassaavoq pisortat suliffeqarfiutaasa 2-t akornanni paarlaassisoqartarnera.

Nr. 4-mut

Pisiat Inatsisartut inatsisaanni ilaasussaasimagaluit tassani ilaatinneqassanngillat pisiniarneq EU-mi eqqartuussisoqarfiup neqeroortitsinerimut malittarisassaasa, imaluunniit tamatumunnga

naapertuuttumik neqeroortitsinermut malittarisassiat ataanni neqeroortitsissutaareersimassappat.

Tassani nunatsinni peqqinnissaqarfimmit nioqqutissanik kiffartuussissutinillu pisiortugarisanut tamanna ilaasinnaavoq. Peqqissutsimut Pitsaaliuinernullu Aqutsisoqarfik Danmarkimi regioninik (nunap ilaanik) arlalinnik niueqatigiinnissamik isumaqatigiissuteqarmat, isumaqatigiissutit EU-mi eqqartuussisoqarfiup neqeroortitsinermut malittarisassiat najoqqutaralugit aalajangersagaasuni Danmarkimi neqeroortitsinermut inatsisip atorneratigut unammillerfigititaasimallutik. Tamanna nalinginnarmik toqqammavissatut isumaqatigiissutip atsiornissaanut tunngatillugu neqeroortitsisoqarneratigut pisarpoq, nunatsinni peqqinnissaqarfiup kingornatigut pisiortornermut atugarilissallugu. Pingaarnertutut tamatigut pisiortornerit unammillertitsissutaapput, sunniuteqarluartumillu unammillertoqarneratigut pisortat aningaasaataannik sapinngisamik pitsaanerpaamik atuineq anguneqarsimavoq.

Tamatuma saniatigut assersuutitut pisoqarfik ima ittoq ilaatinneqarsinnaavoq, tassani Namminersorlutik Oqartussat imaluunniit pisortat oqartussaaffii allat toqqammavissatut isumaqatigiissummik atsiorneqareersimasumik, EU-mi eqqartuussisoqarfiup neqeroortitsinermut malittarisassiaanik, imaluunniit tassunga naapertuuttumik neqeroortitsinermut malittarisassianik isumaqatigiissutaasunut ilanngunnissamik kissaateqarlutik.

Nr. 5-imut

Aalajangersakkamiipput aningaasanut inatsimmi immikkoortinneqartutut tapiissutitut aningaasaliissutit, pissarsisoq aqqa taallugu toqqaannartumik aalajangerneqarsimalluni. Taamaalilluni ukiumoortumik aningaasanut inatsimmi pissarsisoq aqqatigut toqqaannartumik aalajangersimaffigisaanut immikkut ittutut suliassaqarfinnut tapiissutit pinngitsoorneqarput. Pineqartut assersuutigalugit tassaapput tunngaviusutut aningaaserivimmi ingerlattakkat pillugit KNI A/S-imut, aammalu Kalaallit Nunaanni tamarmi nunaqarfinnut isorliunerusunullu nioqqutissanik pilersuinerit attanneqarnissaannut tapiliututut aningaasaliissutit. Tamakku saniatigut tapiliutit aningaasaliissutit assersuutigalugit tassaasinnaapput nunalerinermik inuutissarsiummut aningaasaliissutit tapiissutit, nunatsinnilu nunaqarfinnik isorliunerusunillu Royal Arctic Linep usitigut kiffartuussinermik suliaqarnera.

Nr. 6-imut

Aalajangersagaq taanna tassaavoq ilatinneqassanngitsoq pillugu aalajangersagaq, siunertarineqarluni Namminersorlutik Oqartussat inuiaqatigiit soqutigisaat pingaartut tunngavigalugit neqeroortitsinermut ilaatinneqarsinnaanngitsunik isumaqatigiissusiorsinnaanerat qularnaarneqassasoq.

Isumaqatigiissutip neqeroortitsissutaassannginneranut tunngavissiisinnaasutut inatsisitigut akuerisatut sianigisassatut inuiaqatigiinnut tunngasutut soqutigisarisaq annertuut isigineqarsinnaanissaannut tassaassaaq piviusutut nalilersuineq. Taamaallilluni pisuni immikkut illuinnartuni imaluunniit pinngitsuuisitsinermut tunngasuni aalajangersagaq taamaallaat atorineqarsinnaavoq.

Inuiaqatigiinnut tunngasutut soqutigisarisaq annertuut assersuutigalugit tassaasinnaapput peqqissutsimut, isumannaallisaanermut, pisortani torersuutitsinermut, avatangiisinillu illersuinerit sianiginninnerit. Peqqissutsimut sianiginninneq assersuutigalugu atugaasinnaavoq taamaallaat qinnuteqartumi imaluunniit neqerooruteqartumi ataatsimi pisarineqarsinnaasutut kapoorissutit imaluunniit ajutoornermi atortussanik nukinginnarlunnartumik pisariaqartitsisoqaraangat. Avatangiisit illersornissaannut sianiginninneq atugaasinnaavoq avatangiisinut annertuumik iluarseqqinneqarsinnaanngitsumik ajoqusiinissamut aarleqquteqaraangat.

§ 4-mut

Aalajangersakkami oqaasit siunnersuummi atorineqartut nassuiaasersorneqarput.

Imm. 6-imut

Neqeroorutit sorliit akuerineqarsinnaanngitsutut isigineqartartut pillugit allattugaatigisaq tamakkiisuvoq.

Nr. 1-imut

Neqerooruteqarnissamik piffissaliussap qaangiutinnginnerani pisisussamit tiguneqarsimaguni neqeroorut kingusinaartumik pissarsiarineqarsimassaaq.

Nr. 2-mut

Neqerooruteqarnissamut atortussani aalajangersarneqarsimasunut piumasaqaatinut naapertuutinngikkaangata neqeroorutit akuerineqarsinnaanngitsutut isigineqarsinnaapput.

Nr. 3-mut

Neqerooruteqartup piukkunnassusissamik piumasaqaatit naammassisimangippagit, imaappoq piumasaqaatit naammassineqarsimangippata imaluunniit neqeroortitsinermi erseqqissumik uppersaasiinissamik piumasaqaat tunngavigalugu neqerooruteqartoq naammassinissimasutut uppersaasiisimanaviannngilaq.

Nr. 4-mut

Annikinaarisumik nalinginnaasuunngitsumillu neqerooruteqartarneq imatut paasineqassaaq neqeroorutigineqartumut tunngatillugu akimik annertussusiliineq piviusorsioortuunngitsooq. Pisiniap nammineq missingersortussaavaa akimik inissiineq qanoq ilisukkut

piviusorpalaartuunnginnersoq. Tassani nalornisoortoqartillugu neqerooruteqartup pineqartup tusarniaavigereerneratigut tamanna pisiniap aalajangiiffigisinnaavaa.

Tamannak taasakkatut erseqqissunik neqeroorutunik neqeroortitsisup akuerinissaanut periarfissamik ilaqanngilaq, taamaalillunilu taamaallaat akinik apparsaanerinnarnut tunngasuuvoq.

Nr. 5-imut

Pisisussap naatsorsuutigisaanut imaluunniit missingersuummit aalajangiussamit akigititaq qaangiisimappat nr. 5-ip nassatarisaanik neqeroorut akuerineqarsinnaanngitsoq aamma pineqarpoq.

Neqeroorutiekartitsinerup ingerlanneqarnera aallartitsinnagu missingersuutit aalajangiunneqarsimassapput, ajornanngippallu neqerooruteqartitsinermut atortussiani takuneqarsinnaassallutik. Missingersuusiap nalunaallunilu erseqqissuunissaanik, aamma neqerooruteqartitsinermik nalunaarutip tamanut saqqummiunna sioqqullugu pisisusaaq uppersaatissaqarnermut piginnittuuvoq.

Missingersuut aalajangersagaassanngippat neqeroortitsinermut piviusumut akinik siammaanissaq pillugu pisisussamit erseqqissumik naatsorsuutigisassamik pilersitsisoqassaaq, taamaalillunilu akigititanut takkuttussanut naatsorsuutigisanik tamanna takussutissiissaaq. Missingersuutit tunngavigalugit aalajangerneqassaaq, aammalu niuffaffiup piviusup aamma neqeroortitsinerup piviusup ilisarnaataanik ilanngussuissalluni.

Imm. 7-imut

Piukkunnartorsiuneq pillugu qinnuteqaatit sorliit akuerineqarsinnaanngitsutut isigineqarsinnaasut pillugit allattuinnissaq naleqqutinngilaq.

Nr. 1-imut

Piukkunnartorsiuneq pillugu qinnuteqaat kingusinaartumik tiguneqarsimassaaq piukkunnartorsiuneq pillugu qinnuteqaammut ulloq kingusinnerpaaffissatut inissitap naannginnerani pisiniamit tiguneqarsimappat.

Nr. 2-mut aamma 3-mut

Ilaatinneqannginnissamut patsisissat piukkunnassuserlu pillugit uppersaasiinissamik piunasaqaatit piukkunnartorsiunermit piunasaqaatini erseqqissumik allanneqarsimassapput, imaammami piukkunnartorsiunermit qinnuteqaat akuerineqarsinnaanngitsutut isigineqassammat naammassinngitsuuisimanerup kingunerisaanik.

§ 5-imut

Siunnersuummi killiliussassatut naliliussat pisinermi qaangerneqarsimasinnaanerat uppennarsiniarlugu pisiariniakkap nalinga qanoq ilillugu nalilernerqarnissaanik periaasissaq aalajangersakkami aalajangersarneqarpoq. Killiliussassatut naleqartitat siunnersuummi aalajangersakkat qanoq annertutigisumik atornerqarnissaat pillugu aalajangiisuussapput.

Imm. 1-imut

Pisiariniakkap siunnersuummi killissarititaasunik qaangiisimanera nalilissagaanni piffissap isumaqatigiissuteqarfiusup sivilissusia tunngavigineqassaaq.

Isumaqatigiissuummi piffissaliussassatut kissaatigisaaq qaammatinit 12-init sivikinneruppat, sullissinissami pineqartumi pisiniap ataatsimut pisiarissamaagaata nalinga tunngavigineqartassaaq qaammatini tulliuttuni 12-ini. Taamaalilluni pisiassap nalinga inissinneqassappat tamatigut sivikinnerpaamik qaammatit 12-it tunngavigineqartassapput. Tassani tunuliaqutaavoq unammillernermi pisiniap pisiariniakkap unammillersinnaatitaanerup kinguarsarnissaa pinaveersaartissanngimmagu pisiffigisartagannaaminik sivikitsukkuutaanik annikitsukkuutaanilluunniit isumaqatigiissuteqartarnerup taamaallaat atorniarneqartarneratigut taamaalillunilu killissarititaasunit avaqutsiniartarnermigut.

Imm. 2-mut

Piffissaq isumaqatigiissuteqarfigisassatut kissaatigisaaq, piseqqaartussaataitanerit ilanngullugit, qaammatinit 12-init siviluneruppat, sullissinerup pineqartup, piseqqaartussaataitanerit ilanngullugit piffissami isumaqatigiissuteqarfiusumi tamarmiusumi ataatsimut naliliussaq tunngavigineqartassaaq.

Uani sullissinissap kissaatigineqartup nalingata missingersorneqarnera pineqarpoq. Nalinga imatut paasineqassaaq sullissinerup akissaatut pisiniartup naatsorsuutigisaa.

Imm. 3-mut

Pisiniat arlariikkuutaat ataatsimoorlutik pisiniarpata nalinga imm. 1 malillugu naatsorsorneqassaaq pisiniartut akulerunneqartut tamarmik piumasaasa ataatsimut nalingat tunngavigalugu.

Imm. 4-mut

Aalajangersakkami pineqarput nioqqtissat kifpartuussinerillu ataatsimoortillugit pisiarineqarnerat.

Pisarnierit taamaattut tassaagajuttarput nioqqtissanik pisineq aamma sullissineq imminnut qanittuararsuutillugit.

Assersuutigalugu kalerrisaarutit allalluunniit ataavartumik aserfallatsaalineqarsinnaasut, pineqartillugit isumaqatigiissutigineqarlunili kingoraartissat pisititsisup aserfallatsaaliinermi atortagai pisiniap aamma akilertassagai isumaqatigiissutaasimasoq. Taama pisoqartillugu kingoraartissanik pisineq tassaasarpoq nioqqutissanik pisineq, sullissinertut tunniussamut attuumassutilerujussuaq.

Nioqqutissat sullissinerillu pisiarineqartussatut naatsorsuutigisat nalingat tunngavigalugu imm. 1 malillugu nalingat naatsorsorneqassaaq. Assersuummi aserfallatsaaliugassatut naatsorsuutigisat peqatigiissillugit nalingat pineqassaaq kiisalu piffissami tassanerpiaq kingoraartissanik pisinissamut naatsorsuutigisamik pisariaqartinneqartut.

§ 6-imut

Neqerooruteqarsinnaatitaanermi paasiuminartuunissaq naligiissumillu pinninnissaq pillugu tunngaviusumik periaasissat inatsimmi aalajangersarneqartarput. Periaasissat neqerooruteqarnerup ingerlanerani tamarmiusumi atuutissapput sapinngisamillu annertuutigut siunnersuummi aalajangersakkanit atuutsinneqassallutik.

Paasiuminassuseq

Paasiuminassusermik periaaseqarnikkut siullermik nassatarineqartarpoq tamanut ammasuunissaq, niuernermit peqataasut tamarmik periarfissinneqartaramik soqutigisatik saqqummiutissallugit. Taamaaliornikkut pinngitsoortinneqartarpoq pisiniap namminerisamik pisiffimmiit pisisanninnissaa, pisisoq siumoortumik immikkut ittumik sallitissinnaasai.

Aappaatigut paasiuminartuunissamik periaaseqarneq imatut paasineqassaaq, neqeroorummi isumaqatigiissutigineqartumi pineqartoq aamma neqeroorummi periaaserineqartussaq pisiniartup nassuiaasersussammagit. Tamatuma kingorna neqeroorummi nassuiaatigineqartut naapertorlugit taakkulu tunngavigalugit pisisoq iliuseqartassaaq.

Tamatuma kingunerisaanik pisiniartup ilaatigut qulakkeertassavaa niuernermit peqataasunut isumaqatigiissutiginiagaq pillugu paasissutissat tamatumunnga attuumassuteqartut tamaasa pissarsiaritissallugit aamma isumaqatigiissummik pilersitsineq pisassammat paasiuminartumik taamaalilluni neqerooruteqartut nalilersinnaaniassammassuk periaatsit, najoqqutassat ileqqullu isumaqatigiissummik pilersitsinermi tullerriaarneqarsimasut pisiniartup malissimassagai.

Assigiimmik pinninnissaq

Assigiimmik pinninnissamik periaaseqarnermi pineqarpoq, pissutsit assigiiaartut assigiinngissutitalimmik pineqannginnissaat aamma pissutsit assigiinngitsut assigiissumik pineqannginnissaat, tamanna sulianik paasisimasaqarnermik tunngavilerneqarsimappat.

Assigiimmik pinninnissamik periaaseqarnermi neqeroortitsinermi peqataasunut qinnuteqaateqartunut neqerooruteqartunullu pisisoq pisussaaffeqaannangilaq, kisiannili aamma niuernermi peqataaniarsimasunut pisussaaffeqarluni, kisianni ilimanarluinnartumik peqataarusukkaluartumik, assersuutigalugu neqeroorummi atortut allatut ilusilerneqarsimassappata imaluunniit neqeroorummi periaatsit allaanerusumik ilusilersorneqarsimassappata.

Aammattaaq assigiimmik periaaseqarnermi piumasaqaatigineqanngilaq neqeroorummi atugassarititaasut tamarmik ataasiakkaarlutik unammillernissamut attuumassuteqassanngitsut niuernermi peqataasut tamaasa eqqarsaatigalugit. Imaappoq pisisup pisussaaffiginngilaa suliassanut piumasaqaasiussani annikillisissallugit, manna piinnarlugu pisiffik ataaseq ikittuinnaalluunniit pisiariniakkamik pisititsisuussasut tassani piumasaqaatit suliamut aamma attuumassuteqaraluarpataluunniit. Neqeroorummi atugassarititaasoq sunaluunniit assigiimmik pinnittarnermut taamaallaat akerliusinnaavoq, atugassarititaasoq taamaallaat siunertaqarpat imaluunniit niuernermi peqataasut assigiinngitsumik pineqarnissaannut malitseqartinneqarpata suliamut tunngatillugu pissutissaqanngitsumik.

Pisiffigisartagaq pisiarisartakkanut siumoortumik ilisimasaqarajuttuusoq unammilleqatigiinnermi annertuutigut iluaqutissartaqarpoq. Taamatut pisoqartillugu assigiimmik pinnittarnermi pisiniap taamaallaat pisussaaffigisarpaa taamatut unammilleqatigiittarnermi ajunngequtit ima annertussusillit naligiissaassallugit, periaatsit eqqarsaatigalugit taamatut nalimmassaanissaq pisariitsuarsuussalluni, tamatuma aningaasartuutitassaa naammaginassappat aamma pisititsisup pisinnaatitaaffiisa atuuttut sanioqqutinnginnissaannik imaqanngippat.

Oqaatigineqareersutut assigiimmik pinnittarnermi periaaseqarneq sulianik paasisimasaqarnissamik piumasaqaatitaqarpoq. Sulianut paasisaqarnissamik periaaseqarnissaq § 6-imi erseqqissumik taaneqanngikkaluartorluunniit, taamaalilluni neqeroorutip pisisussamit suliaqarnerani tamanut tunngatillugu suliamut tunngasumik paasisimasaqarnissaq pillugu piumasaqaat atuuppoq. Neqerooruteqarnerup ingerlannerata nalaani pisisussap aalajangigai eqqarsaatigalugit aalajangiinernut tamanut tunngatillugu sulianik paasisimasaqarnissamik piumasaqaat naleqquttuovoq.

§ 7-imut

Neqerooruteqartussaataitanermi naapertuuttuliortuunissaq pillugu tunngaviusumik periaaseqarnissaq inatsimmi aalajangersarneqarpoq. Neqeroorutit suolluunniit pisisussap pilersarusiortussaavai taamaalilluni neqeroorutini piumasaqaatit najoqqutassallu allattorsimasut neqeroorutigisap annertussusianut naapertuutitissallugit.

Tamanna ima paasisariaqarpoq pisiniartup neqeroorummini qinnuteqaateqartunut neqerooruteqartunullu taamaallaat piumasaaqatigissagaa pisinermi pineqartumi atugassarititaasut naammaginaruunissaat allamullu ingerlateqqinneqannginnissaat pisisup suliatigut pisariaqartitaasa pineqartut naammassineqarnissaannut suut pisariaqartuuneranninngarnit.

Taamaalilluni siunnersuut paasiuminartuunissaq, assigiimmik isumaginnittarnissaq, aamma atsikkutitaarininnissaq pillugit tunngaviusunik periaatsinik tunngaveqartinneqarpoq. Taamaakkaluartoq tunngaviusumik aalajangersakkat tamatumunnga attuumassusillit oqaasertalersorneranni kalaallit immikkut ittumik tunngavigisaat mianeralugit ilanngunneqarput. Tamanna ilaatigut imatut paasineqassaaq Siunnersuut taanna neqeroortitsisarneq pillugu danskit inatsisaaninngarnit qeratannginneruneranik, immikkuualuttunillu aqutsiniartuunani aammalu isumaqatigiissutit pilersinneqartarneranni periarfissatut immikkut ittutut najukkami atuuttuunissaat pingaartinneqarpoq sullissineq eqqarsaatigalugu imaluunniit ilinniartutut inissat sungiusartutullu inissat pilersinnissaat eqqarsaatigalugit inuiaqatigiinnilu mianerisassat allatut isumaginiarsaralugit.

Pisiniartup assersuutigalugu qulakkiissavaa neqeroorutigineqartumut sumulluunniit tunngatillugu piumasaaqatit najoqqutassallu naleqquttuunissaat aamma piumasaaqatit najoqqutassallu annertussusiat pisiassap annertussusianut imaluunniit pingaaruteqassusianut attuumassuteqarnissaat.

Tamanna atuuppoq neqeroorummi pisisussap piumasaaasiussaanut tamanut, tassunga ilanngullugit neqeroorutip imaluunniit qinnuteqaatip tunniunniissaannut kingusinnerpaamik piffissaliussat, pisinissamut piumasaaqatit peqataasut piukkunnassusissaannut piumasaaqatit, isumaqatigiissutip suliarinissaanut piumasaaqatit il. il. Tassunga atatillugu neqerooruteqartup neqerooruteqarnermini aningaasartuutai pisisussap eqqarsaatigissavai.

Periaaseq taanna atuuppoq neqeroorummi piumasaaqatip nalilernerqarnissaanut tamatumalu unammillersinnaatitaanermut annikillisaataasinnaaneranut.

Akerlianilli naapertuutitsinissamik periaaseq atuutissanngilaq neqeroorummi tunuliaqutaasumi mianerisassat nalilersornissaanni, aningaasartuutissat neqeroorummi piumasaaqatit nassatarisassat pisiniartumut imminut akilersinnaanera eqqarsaatigalugit. Taamaakkaluartorli pisiniartup tamatigut isumaliutersuutigisassavaa aningaasartuutit piumasaaqatinut attuumassuteqarnersut, matumani nalilersinnaajumallugu akisunerulersitsineq piumasaaqatit taakkua naammassinissaannut akilernerqartussaq siunertamut naammattumik naapertuunnersoq.

§ 8-mut

Aalajangersakkami pineqarpoq assigiimmik pinninnissaq pillugu neqeroortitsisarnermi inatsisikkut tunngaviusutut, takuuk § 6. Aamma § 6 neqeroortitsinermi kisimi atuutissappat, § 8 atuutiinnassaaq neqeroortitsineq naammassereeraluarpalluunniit.

Imm. 1-imut

Neqeroortitsinerup aallartereerneratigut neqeroortitsisoq neqeroortitsinermi piumasagaatini aamma atortussat sinnerini tunngaviusutut ilaasut annertunerusumik allanngortissinnaanngilai.

Neqeroortitsinermi atortussani tunngaviusutut ilaasunik allanngortitsinerit tassaapput allanngortitsinerit neqeroortitsinermik ingerlanneqartumi pineqartumi qinnuteqarsinnaasut imaluunniit neqerooruteqarsinnaasut peqataanerannik sunniuteqartitsinnaasut, imaluunniit qinnuteqartut imaluunniit neqerooruteqartut akornanni unammillerneramik sangutitsisinnaasut, allannguutaasooq neqeroortitsinermut atortussaaqqaartuni takuneqarsinnaasimassappat.

Assersuutigalugu neqeroorummi isumaqatigiissutaasut kingusinnerusukkut annertunerusumik allanngortinneqarsinnaanngillat, neqerooruteqartoq ajugaasooq isumaqatigiissuteqareeraluarpalluunniit. Uani siunertarineqarpoq assigiinngisitsinermik pinninnissap pinngitsoortinnissaa, tassunga ilanngullugu pisiffigisat ataasiakkaat sulianut naleqqutinngitsumik pitsaanerusumik inissisimalersinnissaat.

Neqeroortitsinermi allannguutinut tunngatillugu allannguutit annertunngitsut annertuullu, aamma tunngaviusutut ilaasunik allannguutit immikkoortinneqartarput.

Neqeroorummi allannguutit annertuujunngitsut tassaasarput annikinnerusumik iluarsisutit nalimmassaatillu, piffissamut niuernermi peqataasup atugassaanut sunniuteqartussaannngitsut neqeroorutip imaluunniit qinnuteqaatip paasinissaa suliarinissaa eqqarsaartigalugit. Tamatuma saniatigut allannguutit annertuujunngitsut aammattaaq sunnersinnaanngilai neqeroortitsinermi pineqartumi qinnuteqaateqartut neqerooruteqartulluunniit peqataasinnaanerat sunnersinnaanagu imaluunniit qinnuteqaateqartut neqerooruteqartullu akornanni unammilleqatigiinnerup sangutinnissaannut.

Neqeroorummi allannguutit annertuut tassaapput allannguutit imatut nassataqartut, tassalu niuernermi peqataasut piffissamik saniatigut atuisussaammata neqeroorutit naammaginarturnik paasinissaannut akinissaannullu, imaammammi qinnuteqaatip neqeroorutilluunniit tunniunneqarnissaa sivisunerusumik ingerlasinnaasooq. Neqeroortitsinermi atortussani annertuunik allanngortitsisoqassappat piffissalersuut sivitsorneqassaaq, takukkit §§ 25, imm. 2 aamma 26, imm. 2 taakkunungalugu ilaasutut oqaaseqaatit.

Taakku saniatigut neqeroortitsinermi atortuni tunngaviusutut ilaasunik allannguuteqartoqarsinnaavoq. Tunngaviusumik ilaasunik allannguutit tassaapput allannguutit neqeroortitsinermik ingerlassami qinnuteqarsinnaasut imaluunniit neqerooruteqarsinnaasut peqataanissaannut sunnuteqarsinnaasut, imaluunniit qinnuteqartut imaluunniit neqerooruteqartut akornanni unammillernermik sangutitsisinnaasut, isumaqatigiissutip atsioreranut ingerlassaqaakkami allannguut takuneqarsinnaassasimappat. Tamatumunnga assersuutitut taaneqarsinnaavoq tunniussinissamut najoqqutassat ilanngunneri, peerneqarneri imaluunniit allatut iliorluni sunut atuuffiinik allanngortinneqarneri.

Aammattaaq assersuutigalugit uani pineqarsinnaapput tunngaviusumik ilaasuni allannguutit, aningaasaqarnikkut aningaasaliisarnikkullu pisinnaasat periaatsillu aammalu suliatigut pisinnaasat pillugit piukkunnassusermut minnerpaaffissatut piumasagaatit ilassuserneqarsinnaammata, peerneqarsinnaammata taakkuluunniit atuuffiisa allatut iliorluni allanngortinneqarsinnaammata.

Neqeroortitsinermi minnerpaaffissatut piumasagaatit tassaapput pisinnaasassanik piumasagaatit neqeroorutigisanit pisinermi imaluunniit isumaqatigiissutip suliarineqarnerani, taakku immikkoorutaat immikkut illuinnartut isumaqatigiissumi aalajangersorneqartarmata (pingaartumik tigussaasuni atuuffissaani inatsisinilu), neqeroorutit suulluunniit naammassisassaat imaluunniit pigisassaat. Tamatuma kingunerisaanik minnerpaaffissatut piumasagaatit allannguutaat tassaasinnaavoq tunngaviusumik ilaasut allannguutaat, nutaamik neqerooruteqartitsinnginnikkut pisinnaanngitsut.

Naggataatigut isumaqatigiissummi pineqartup allannguutai aamma isumaqatigiissutip ingerlannissaannut piumasagaatit tassaasinnaapput tunngaviusumik ilaasut allannguutaat. Tassani assersuutigalugit tassaasinnaapput piumasagaatit pilersinneqarpata toqqakkaaqqaninngarnit qinnuteqaateqartut allanut periarfissiisinnaasut imaluunniit neqerooruteqartitsinermi saniatigut peqataasussanut soqutiginalersinnaasut. Aamma ima pisoqarsinnaavoq isumaqatigiissutissatut neqeroorutigineqartup imaluunniit sinaakkutitut isumaqatigiissutip aningaasaqarnikkut oqimaaqatigiinnerat qinnuteqaateqartunut neqerooruteqartunulluunniit pitsaaqutinngortillugit allanngortinneqassappata imaalillugit, neqerooruteqaatit periarfissiissutiginngisaat. Aamma naggaterpiaatigut imaassinnaavoq neqeroortitsinermi allannguutip nassatarisinnaagaa isumaqatigiissutip imaluunniit sinaakkutissatut isumaqatigiissutip atuuffissaata annertungaatsiartumik annertusineqarnissaa.

Imm. 2-mut

Neqeroortitsisoq neqeroortitsinermi atortussani tunngaviusutut ilaasunik allannguiniarpat atugassarititaasut allanngortut ilaatillugit neqeroortitsisoq nutaamik neqerooruteqartitsisissaaq. Tassunga ilanngullugit neqeroorutit massakkut atuuttut taamaattunik peqarpata pisiniartup atorunnaarsissinnaavai, takuuk § 29.

§ 9-mut

Pisiniartup taamatullu qinnuteqaateqartup neqerooruteqartullu pisariaqartitaasa isertuussaanissaasa akuersaarneqarsinnaanerat aalajangersakkami naqissuserneqarpoq.

Imm. 1-imut

Aalajangersakkap nassatarissavaa neqerooruteqartitsinermi peqataasut paasissutissanik ingerlatitseqqinnginnissaat pisiniartup piumasarisinnaammagu tamannalu neqerooruteqartitsinerup ilaatut pisiniartup nalunaarutigissavaa. Isertuussinissaq taamaallaat inummut isumaqatigiisummi peqataatinneqanngitsumut tunngassuteqarpoq, § 6-imi assigiimmik pinninnissamut periaatsip nassatarisussaammagu neqerooruteqartitsinermi peqataasut tamarmik paasissutissanut taakkunanorpiaq isersinnaanissaat. Aalajangersagaq suliassat suliarineqartarnerat pillugu inatsimmi § 27-mut naapertuutissaaq.

Imm. 2-mut

Aalajangersakkami tassani isumaginiarneqarpoq qinnuteqaateqartut neqerooruteqartullu paasissutissanik unammillernermi imminerminnut ajoqusiisinnaasunik unammillerfigineqartut paasisimasaqalernissaat pinaveersaartinniarlugu.

Paasissutissat isertuussaagajuttartut assersuutigalugit tassaasinnaapput: Akit pillugit paasissutissat immikkoortortalersoqqissaakkat kiisalu periutsit suleriaatsillu immikkoortortalersorluakkat.

Paasissutissiissut sunaluunniit isertugaasutut isigineqartussaannersoq aalajangersimasumik naliliinikkut paasineqartarpoq. Taanna namminermit imaanngikkaluarpoq neqerooruteqartup paasissutissaq ”isertuussa”-tut allassimassagaa. Paasissutissat pissutsimikkut imarisamikkullu pisiniartumit suliamik paasisimasaqassuseq tunngavigalugu nalilerneqassapput. Tassa paasissutissaq siusinnerusukkut tamanut ammasumik nalunaarutigineqarsimasoq isertuussatut naatsorsuutigineqarsinnaanngilaq.

Paasissutissat isertuussatut suliarineqarsinnaatitaanerannut tunngatillugu siunnersuummi aammalumi inatsiseqartitsinermit aalajangersakkanit allanit annikillisinneqarsinnaavoq. Assersuutigalugit tunniussinissami aalajangiinerit itigartitsinerillu §§ 27-29 naapertorlugit tunngavilersuutitaasa imarisinnaavaat paasissutissat isertuussat tamakkiisuunissaat eqqarsaatigalugu. Aammattaaq paasissutissanik tunniussisarneq allagaatinik paasinnissinnaatitaanermit malittarisassanut nalinginnaasunut ilaatinneqarsinnaapput.

§ 10-mut

Imm. 1-imut

Aalajangersakkami niuerneq pillugu pisiniartup siumoortumik oqaloqateqarsinnaanera naqissuserneqarpoq.

Pisiniartup neqeroorummik pissusissamisoortumik ilusilersuinissaanut niuernermik paasisimasaqarnissaq tunngavissaavoq pingaarutilik, neqeroorutigineqartorlu pillugu pitsaanerpaamik unammillernissamik pilersitsisuussalluni.

Neqeroorutissap suliarinissaa siunertaralugu niuernermik paasisimasaqarnissaq anguneqassappat pisiniartup neqeroorutip atuutsilersinnginnerani niuernissaq pillugu aallarnersaataasumik oqaloqateqarnissaa aalajangersakkami periarfissiissutigineqarpoq taamatullu pisisussap neqeroorutissatut pilersaarutaa pillugu niuernermi peqataasut aamma neqeroorummut atatillugu piumasaqaatinik paasisutissinneqassallutik.

Taamaalilluni pisiniartuq immikkut paasisimasalinnik oqartussaasunilluunniit sumulluunniit attuumassuteqangitsut oqaloqatigilersinnaavai, tassani ilanngullugu niuernermi peqataasunit siunnersorneqarnissaq, assersuutigalugu qinnuteqaateqarsinnaasut neqerooruteqarsinnaasullu kikkuusinnaanerisa paasinissaannut.

Niuerneq pillugu oqaloqatigiinnissaq pisinnaavoq assersuutigalugu neqerooruteqartarneq pillugu nalunaarutip ilusilersornissaannut, immikkoortortalernissaannut, kingusinnerpaamik piffissaliussassat il. il. pillugit paasisutissanik immersorneqarnissaq siunertaralugu.

Pisiariniakkamut piumasaqaatit pillugit oqaloqatiginninnissat assersuutigalugit pisariaqarsinnaapput soorlu suliassap neqeroorutigineqartup naammaginartumik nassuiaasersornissaannut pisiniartuq suliatigut paasisimasassanik pisariaqartinneqartunik nammineq soqarsimanngippat. Taamannak pisoqartillugu niuerneq pillugu oqaloqatigiinnissaq qulakkeereqataasinnaavoq neqeroorutip imatut iluseqartinnissaanut, neqeroorutip niuernerpalaartuunissaa pitsaasumillu unammillernissaq tunngavisseqqullugu. Aamma niuernermi aaqqiissutissat suunerinik, niuernerup qanoq ingerlanneqartarneranik il. il. misissuinissamut periarfissaqalissaaq.

Aalajangersakkamut atatillugu piumasaqaatinik pisortatigoortunik soqanngilaq. Pisiniartup nammineq toqqarsinnaavaa attaveqaqatigiinnissaq allakkatigut oqalunnikkulluunniit pissanersaq aamma oqaloqatigiinnissaq qanoq annertussuseqassanersaq sunalu sammineqassanersaq. Suliffeqarfik ataasiinnaq, suliffeqarfiit arlallit imaluunniit niuernissami pineqartumi suliffeqarfiit tamaasa tassunga attuumassuteqartut pisisussap ilanngutitissinnaavai. Uani apeqqutaanngilaq neqeroorut pillugu oqaloqatigiinnissaq sioqqullugu piffissaq qanoq annertutigisoq atorneqassanersaq.

Imm. 2-mut

Pisiniartuq niuernerq pillugu siumoortumik oqaloqateqassappat aalajangersagaq malillugu oqaloqatigiinnissap imassaa pisiartup uppersaasersinnaasariaqarpa.

Uppersaanissamik piunasaqaammi tassani siunertarinarpoq oqaloqatigiinnissap imaata paasiuminartuunissaa, tassanga ilanngullugu naammagittaalliuutinik suliaqalersinnaaneq eqqarsaatigalugu. Oqaloqatiginneq atorneqassappat tamanna imaalillugu uppersarneqarsinnaavoq assersuutigalugu oqarasuaatikku oqaloqatigiissutigineqartut allatornerisigut aamma ataatsimiinnernit imaqarniliat akuerisaasut saqqummiunnerisigut.

§ 11-mut

Imm. 1-imut

Aalajangersakkami naqissuserneqarpoq unammillernissamut ajunngequtissaq pilersinnaasooq pisisussap nalimassartassagaa pisisussap neqeroorummik piareersaanerata nalaani § 10 naapertorlugu niuerfimmik siumoortumik oqaloqateqarnermi suliffeqarfimmit siunnersuisartumit pisisussaq siunnersorneqarsimappat allatulluunniit iliuuseqarnikkut siunnersorneqarsimappat.

Neqeroorummi immikkuualuttortassat aalajangersornissaat imaluunniit neqeroorutip ilusilersornissaa siunertaralugu pisisussaq suliffeqarfimmit siunnersorneqarsimappat, imaaratarsinnaavoq piunasaqaatinik suliffeqarfimmut pineqartumut naleqquttunik pisisussaq ilusilersuisinnaasooq. Taamaalilluni suliffeqarfik siunnersuisuusimasooq unammillernissatigut iluaquserneqaratarsinnaavoq niuernermi unammillernermik sanguallatsitsinermik nassataqartumik.

Aalajangersagaq taanna aamma malinneqassaaq suliffeqarfik siunnersuisuusimasooq neqeroorummi peqataasunut allanut attuumassuteqarsimappat, assersuutigalugu ingerlatseqatigiiffik pingarneq ingerlatseqatigiiffimmut peqataasumut atilequtaasumut piginnittuusimappat.

Suliffeqarfimmit siunnersorteqarsimanerup kingunerisaanik niuerfimmi unammilleqatigiilersinnaaneq pinngitsoortinniarlugu iliuusissanik naleqquttunik pisisussaq aalajangigaqarsinnaavoq.

Imm. 2-mut

Nr. 1-imi oqaatigineqarpoq suliffeqarfiup siumoortumik siunnersuisimaneranut atatillugu paasissutissat tassunga attuumassutillit paarlaatseqatigiissimanissaat pisisussap sapinngisamik qulakkeerinnissutigissagai neqeroorummut ilaasussat eqqarsaatigalugit. Iliuusissami tassani qulakkeerniarneqarpoq qinnuteqaateqartut neqerooruteqartulluunniit tamarmik paasissutissanik assigiissunik pissarsisinneqarnissaat qinnuteqaatissap neqeroorutissalluunniit

suliarinissaannut atorneqartussanik. Aatsaat paasisutissat neqeroorut pillugu unammillernermi tunngassutillit tunngassuteqarpata taakku pisisussap ilanngutitissavai.

Nr. 2-mi aalajangersarneqarpoq neqerooruteqartitsineri kingusinnerpaamik piffissaliussassat pisisussap aammattaaq aalajangersussagai suliffeqarfiup siunnersuisuusimasup piffissaliussaq eqqarsaatigalugu ajunngitsussarsiarisimasai naleqqussarneqarsinnaaqullugit. Taamaalilluni neqeroorutissap piareersarneqarnerani suliffeqarfik akuutinneqartoq taamaaliornikkut piffissamik killiliussamik ajunngequtissarsisimanersoq pisisussap nalilersussavaa. Taamatut pisoqarsimappat neqeroorummi kingusinnerpaamik piffissaliussaasimasut pisup sivoqataalik sivitsornissaanut pisisussap pisussaataitanaera atuutisilissaaq. Taamaalilluni kingusinnerpaamik piffissaliussat aalajangersornissaanni piffissami pineqartumi suliffeqarfiup siunnersuisuusimasup piffissami tassani paasisimasai taakkorpiaat qinnuteqaateqartunut neqerooruteqartunullu allanut atorneqartussatut missingersorneqartut pisisussap ilanngullugit naatsorsuutigissavai.

Nr. 1 aamma 2 tassaapput annikinnerpaaffissatut iliuusissat. Nr. 1 aamma 2 malillugit iliuusissat naleqquttut pisisussamit aalajangerneqarsimasut malillugit pisisussap nalilissavaa unammilleqatigiinnikkut ajunngitsorsiat nalimmassarneqarsimanersut. Allaniq iliuuseqarnissaq pisariaqalersinnaavoq.

Imm. 3-mut

Ilungersunartumik pisoqartillugu neqeroortitsineri suliffeqarfik siunnersuisuusimasoq peqataajunnaarsissallugu pisariaqalersinnaavoq.

Taamaattorli suliffeqarfiup siunnersuisuusimasup peqataajunnaarsinneqarnera naapertuuttumik iliuuseqarniarnermik kisimi tunngaveqarsinnaavoq taamaalillunilu periarfissaq taanna kisiartaasimappat tamanna inatsisinik unioqutitsisimanaviannigilaq, unammilleqatigiinnerup annertuumik sanguallatsinnissaa pisisussap pinngitsoortissinnaasimappagu.

Imm. 4-mut

Peqataajunnaarsinneqarneq pitinnagu suliffeqarfik siunnersuisuusimasoq imatut iluarsiinissamut periarfissinneqassaaq neqeroorutissap piareersarneqarnerani suliffeqarfiup peqataasimanera unammilleqatigiinnermut sangutitsisusimassanngitsoq.

Peqataajunnaarsitsinissamik aalajangiinnginnermi suliffeqarfiup siunnersuisuusimasup tusarniaaffigineqarnissaa pisuni tamani pisisussap pisussaaffiginngilaa, assersuutigalugu unammilleqatigiinnermik sangutitsineq malunnarsimaqippat erseqqissimappallu.

§ 12-imut

Imm. 1-imut

Neqeroortunik ilusilersueriaatsit assigiinngitsut 4 inatsisinik unioqqutitsinani atorneqarsinnaasut pisinernut siunnersuummi pineqartumut tunngasut aalajangersakkami allatorneqarsimapput. Pineqartut tamarmik allattugaatineqarput.

Neqeroortitseriaatsit 4 siunnersuummi aalajangersakkani allani erseqqinnerusumik naleqqussarneqarsimapput.

Imm. 2-mut

Aalajangersakkami naqissuserneqarpoq neqeroortit tamanut ammatinneqartut aamma neqeroortit killilikkat tamatigut atorneqarsinnaasut.

Akerlianilli aalajangersakkami naqissuserneqarpoq isumaqatiginninniarnikkut neqeroortitsisarneq taamaallaat atorneqarsinnaasoq tamatumunnga piumasagaatit naammassineqarsimappata. Siunnersuummi § 15, imm. 4-mi pineqarput nalunaarut pioreersoq malillugu isumaqatiginninniareernikkut neqerooruteqarnissamut piumasagaatit aamma § 16, imm. 2-mi pineqarpoq nalunaarut tunngaviginagu isumaqatiginninniarnikkut neqerooruteqarsinnaanermut piumasagaatit.

§ 13-imut

Aalajangersakkami pineqarput tamanut ammasumik tunngaviusumik neqeroortitsisarneq aamma neqeroortit imarisassaannut malittarisassat.

Imm. 1-imut

Aalajangersakkami naqissuserneqarpoq tamanut ammasumi neqeroortitsisarnermi tunngaviit: Kikkulluunniit neqerooruteqarnissamut periarfissaqartut. Periaatsip taassuma atorneqarneratigut tamanut ammasumik neqeroortitsisarneq neqeroortitseriaatsit pingasut allat siunnersuummit immikkoortillugit inissinneqarput.

Taamaalilluni tamanut ammasumik neqeroortitsisarneq tassaavoq atorneqarnerpaaq unammilleqatigiinnissamullu ammaasuunerpaaq taamaattumillu tassaalerluni pisisussanit tunngaviatigut toqqarneqartariaqartoq.

Kikkulluunniit neqerooruteqarsinnaatitaammata neqerooruteqartup aammattaaq neqeroortit tamanut ammasut atornissaannut mianersortariaqarpoq neqeroortiginiakkami pineqartumi niuernermi peqataasut amerlasimappata. Neqerooruterpassuit pissarsiarineqaraangata tamanna pisiniartumut suliassatigut annertuumik nammatassiisarpooq pissutigalugu pisiniartooq pisussaataammaat neqeroortit tiguneqartut tamaasa misissoqqissaarnissaannut

nalilersoqqissaarnissaannullu neqeroorummut najoqqutassarititaasoq toqqarneqartoq naapertorlugu. Aamma unammillertit amerlasoorujussuugaangata neqeroorut peqataasunut soqutiginnannginnerulertarpoq taamaattumillu neqerooruteqartitsinissamut nukiit ikinnerusut atorneqarnissaat imaluunniit neqerooruteqanngilluinnarnissaq toqqarneqarsinnaalluni.

Neqeroorutit tallimat sinnerlugit tiguneqarnissaat ilimanarpat pisisussaq nukissat unammillernissarlu eqqarsaatigalugit neqerooruteqartitseriaatsip allap atornissaa pisisussap isumaliutigisariaqarpaa.

Imm. 2-mut

Aalajangersakkami naqissuserneqarpoq tamanut ammasumik neqeroortitsinermi neqeroortitsisarneq pillugu nalunaarutip imassaanut malittarisassat. Tassani piumasqaatit minnerpaaffissaat pineqarput.

Neqerooruteqartitsinermut nalunaarut neqeroorutaasumi tunngaviusutut ilaasunut aalajangersimasunut naatsumik ataatsimut isiginniffissatut iluseqarpoq. Siunertaq tassaavoq niuffaffimmi suliaqartut suliaasaq neqeroorutaasoq pillugu itissusiliisunik paasissutissarsiornissamut soqutiginninnerlutik ataatsimut isiginniffimmi piaartumik nalilersuisinnaanissaat. Naak kikkulluunniit neqerooruteqarsinnaatitaagaluartut tamanut ammasumik neqeroorutit tamarmiusut niuernerme peqataasunut naleqquttuunaviannngillat. Assersuutigalugu tassani pissutaasinnaapput immikkut sammillugu nioqquteqalerneq imaluunniit niuernerme peqataasup nukiisa sumiiffimmi allani atorneqalernerisa kingunerisaanik.

Inuiaqatigiit aaqqissuusaaneranni mianerisassat tunuatungaanniittut tassaapput niuernerme peqataasut sapinngisamik pinngitsoortinniassammassuk neqeroorutiginiagaq naggaterpiaatigut imminerminnut naleqqutinngitsoq pillugu paasissutissarpasuit atuarnissaannut nukiit maangaannartinneqannginnissaat.

Neqeroortitsinermut atortussami, aamma neqeroortitsinermut atortussat sinnerini paasissutissat akornanni annertuunik akerleriittunik peqartoqaqqusaanngilaq, takuuk § 6 malillugu assigiimmik pinninnissamik tunngavigisaq. Taamaattumik neqeroortitsinermut atortussat sinnerisa imarisaat aalajangersimallualereeraangata pisisussap neqerooruteqartitsinermut atortussiaatimik aatsaat suliaqartarnera nalinginnarmik tulluuntuunerpaasarpoq.

Nr. 1-imut

Taamaattumik pingaaruteqarpoq neqeroorutigineqartup naatsumik nassuiaatertaqartut, takuuk aalajangersakkami nr. 1, eqqoqqissaartuunissaa aamma neqeroorutigineqartumik naleqquttumik tamakkiisumillu paasititsisuunissaa. Nassuiaat naatsuusussaammat ileqquugajuppoq neqerooruteqartitsisarneq pillugu nalunaarut malillugu tamakkiisumik

nassuiaateqarnissaq ajornakusoortarpoq, kisiannili neqeroorutigineqartup pingaarutai allanneqarsimassapput taamaalilluni niuernermut peqataasut neqeroorutigineqartoq soqutigineritsik nalilissallugu pitsaasumik periarfissaqarteqqullugit. Tamanik takunnissinnaanermut tunngavigisaq najoqqutaralugu, takuuk § 6, neqeroortitsisup pisiassatut kissaatigisaq naammaginartumik eqqortumik nassuiassavai, taamaalillutik paasissutissanik taakkuninnga tunngaveqarlutik aningaasat tungaasigut suliaqartuusut pisiarisassap suussusia annertussusialu suussusersisinnaassammassuk, taamaalillutillu ingerlassami peqataanissaq pillugu qinnuteqassanertik aalajangiutissallugu.

Aamma tassani pingaaruteqarpoq neqeroorummi allassimasunut ilaassasut piffissap isumaqatigiissuteqarfigineqartoq pillugu paasissutissat aamma isumaqatigiissutip immikkoortuini immikkoortortalersuutaasinnaasut. Piffissami sivitsuinissamut pissutaasut pissutaasullu allat aamma allassimassapput.

Nr. 2-mut

Neqerooruteqartup neqeroortitsinermut iluserisap atorineqartup sorliup ilanngussarinissaanut aalajangersagaq pisussaaffilivoq, takuuk § 12, imm. 1.

Nr. 3-mut

Neqerooruteqartitsinermut nalunaarummi neqerooruteqartumut attaveqarfissatut paasissutissat ilaatinneqassapput. Tassani ilaasinnaapput neqerooruteqartitsinermut akisussaasutut pisortaqarfik, najugaq, inuk attaveqarfissaq, oqarasuaatip normua aamma emaili.

Nr. 4-mut

Aamma tunniussinissamut najoqqutassaq toqqagaq neqerooruteqartitsinermut nalunaarummi ilaatinneqassaaq, takukkit § 17, imm. 1, tassungalu oqaaseqaataasut.

Nr. 5-imut

Ikorsiissummut neqeroorutigineqartumut naleqqiullugu tulluartsuussasoq neqerooruteqarnissamut killiliussa q neqerooruteqartitsinermut nalunaarummi ilaatinneqassaaq, tamanna pillugu § 26 tassunga oqaaseqaataasut takukkit.

Nr. 6-imut

Neqerooruteqarnermut piunasaqaatit aamma neqerooruteqartitsinermut atorussat sinnerinut qanoq ililluni attaveqarsinnaaneq pillugu paasissutissat neqerooruteqartitsinermut nalunaarummi ilaassapput. Assersuutigalugu tassaasinnaavoq neqerooruteqartumut saaffiginninneq, imaluunniit nittartakkamut innersuussut.

Imm. 3-mut

Aalajangersakkami naqissuserneqarput tamanut ammasumik neqerooruteqarnermi piumasqaasiussat imassaas pillugit malittarisassat. Tassani piumasqaatit minnerpaaffissaat pineqarput.

Nr. 1-imut

Neqerooruteqartitsinermit piumasqaatiniissapput tunniussinermit najoqqutassiamut ilaatitatut najoqqutassiasinnaasut, taakkulu akornanni oqimaaqatigiissitsinerit, taakku pillugit § 17, imm. 4-6 taakkunungalugu oqaaseqaatit takukkit.

Nr. 2-mut

Ilaatitsinnginnermut tunngaviusut neqerooruteqartitsinermi piumasqaatini ilaassapput, taakku pillugit §§ 18-19 taakkunungalugu oqaaseqaatit takukkit.

Nr. 3-mut

Tulluartuunermut minnerpaamik piumasqaatit, aammalu neqerooruteqartuusut piumasqaatinik taakkuninnga uppersaasinnaanannut piumasqaatit neqerooruteqartitsinermi piumasqaatini ilaassapput, tamanna pillugu § 20 tassungalugu oqaaseqaatit takukkit.

Nr. 4-mut

Piumasqaatit pillugi nassuiaatit tassaasinnaapput neqeroorutigineqartoq pillugu nassuiaat immikkoortortalersoqqissaagaq taannalu neqerooruteqarnermi piumasqaatini ilaassaaq, takuuk nr. 4. Piumasqaatinut nassuiaat ilaatigut imatut takissuseqarajuttarmat, neqeroorummi piumasqaatinut ilaliussat ilanngullugit nassiunneqarajuttarput.

Piumasqaatinut nassuiaatit tassaagajupput neqerooruteqarneq pillugu allagaatini qitiusumik inissisimasartut. Pingaaruteqarpoq pisisussap piumasqaatinik peqqissaarusinissaa tassanimi neqeroorutigisaq nassuiaasersorneqartarmat, taannalu neqeroortitsinermi ajugaasup pisisussamut ingerlateqqissallugu pisussaaffigaa.

Piumasqaatinut nassuiaatit neqeroorutip imasaanut pitsaassusissaanullu piumasqaatit erseqqissumik eqqortumillu pisisussap nassuiaassersussavai. Piumasqaatit erseqqarissuunngippata neqeroorummi suna pineqarnersoq nalornissutaalersinnaavoq tamannalu paasiuminartuunissamik periaaseqarnissami tunngaviusumik malittarisassanut akerliusimassaaq. Ersernerlunnerit pissutigalugit aammattaaq assigiiaartumik unammillernermit tunngaveqartitsisoqarnaviannigilaq taamaalillunilu neqerooruteqartunik immikkoortitsisumik assigiinngisitsisoqalersinnaanera ammaassiffigineqassaaq. Tamanna assigiissumik pinninnissamik periaaseqarnermit tunngaviusumik malittarisassanut akerliussaaq. Piumasqaatit pisiniartup eqqortumik naammaginassusilimmik

nassuiaasersorsimangippagit aammattaaq imatut pisoqaratarsinnaavoq pisisup pisiariniakkani pisariaqartinneqartunut naammassinninngitsoq tigusinnaagaa.

Nassuiaat attuumassuteqassappat teknikip tungaatigut nassuiaataasunik imaqassaat, tamanna pillugu § 22 tassungalu oqaaseqaatit takukkit.

Nr. 5-imut

Isumaqatigiissummi atugassarititaasuni tamani pingaarutilinni neqerooruteqarnermut piunasaqaatini allassimassapput, takuuk nr. 5 aamma assersuutigalugu isumaqatigiissutissatut missingersuusiami allassimassallutik taannalu neqerooruteqartitsinermit piunasaqaatinut ilaliussatut nassiunneqassaaq. Uani isumaqatigiissummi atugassarititaasut pingaarutilit pingaaruteqanngitsullu immikkoortinneqartarput. Pingaarutilit nalilersornissaanni pingaaruteqanngitsuni allannguutit pingaarutilinnut sanilliullugit assigiinnarput, takuuk nassuiaatini § 8.

Nr. 6-imut

Neqeroortitsinermit piffissaliussaq naatsorsuutigineqarpoq, aamma neqerooruteqartumut pisisussamullu neqeroortitsinerup nalaani minnerpaamik kingusinnerpaaffissatut piffissaliussat tamaasa imarissallugit. Makku piffissaliussami ilanngunneqarnissaat pingaaruteqarpoq:

- Neqeroorutip tamanut saqqummiunnissaanut ulluliussaq.
- Neqeroorut pillugu apeqqutit tigusinnaanut kingusinnerpaamik piffissaliussaq.
- Neqeroorut pillugu apeqqutit akissutillu tamanut saqqummiunnissaanut pisisussamut kingusinnerpaamik killiliussat.
- Neqerooruteqarnissamut kingusinnerpaamik killissaliussaq.
- Neqeroorutip ammarnissaanut ulluliussaq.
- Pisisussap neqeroorutimut paasiniaalluni apeqqutissaatut naatsorsuutigisai pillugit piffissaq atugassarititaasoq.
- Tunniussinissaq pillugu ilisimatinneqarnissamut ulluliussassatut naatsorsuutigisaaq.
- Isumaqatigiissutip pilersinnissaanut ulluliussassatut naatsorsuutigisaaq.
- Pisiariniakkap tunniunnissaanut ulluliussaq imaluunniit piffissaliussaq.

Naatsorsuutigisatut piffissalersuummi sanioqqutitsisoqarsinnaanera neqeroortitsinermit atortussani sianigeqquneqassaaq. Aamma annertunerusumik allannguuteqartoqassappat tamanna neqerooruteqartunut nalunaarutigineqassaaq. Neqerooruteqarnermit piffissaliussamik allanngortitsinerit taamaallaat neqeroortitsinermit atortussani annertuunik allannguuteqartoqarsimassappat pisinnaapput, takukkit §§ 25, imm. 2, aamma 26, imm. 2, aamma § 8, imm. 1.

Nr. 7-imut

Neqeroorummut apeqqutissat pillugit malittarisassat, neqerooruteqartitsinermi piumasaqaatinut ilanngunneqartussat, takuuk nr. 7, tassaapput § 24 naapertorlugu paasissutissat, imaappoq apeqquteqarnissamut kingusinnerpaamik piffissaliussat, apeqqutitut pisisussap akissuteqarnissaannut kingusinnerpaamik piffissaliussat kiisalu apeqqutit taakkualu akinissaannut qanoq isikkulernissaat pillugit paasissutissat. Pisisussap qinnuteqaatigissavaa neqeroorummut apeqqutit tamaasa allaganngorlugit saqqummiunneqassasut, tamanna pillugu § 24, imm. 2, tassungalu oqaaseqaatit takukkit.

Nr. 8-mut

Neqeroorutit tunniunnissaat pillugit piumasaqaat neqerooruteqartitsinermi piumasaqaatinut ilanngunneqassapput, takuuk nr. 8 assersuutigalugu tassaasinnaalluni neqeroorutip e-mailikkut nassiunneqarnissaa pillugu piumasaqaat. Nr. 8 naapertorlugu aammattaaq pisisussap neqerooruteqartitsinermut piumasaqaatini tamatigut piumasarisassavaa attassiinnarnissamut sivikinnerpaamik ulluni 30-ni neqerooruteqartut piffissalerneqassasut. Taamaaliortoqassaaq manna qulakkeerniarlugu neqerooruteqartut neqeroorutiminnit kaanngannginniassammata, kisiannili pisisussaq nammineq naliliissuteqassaaq. Neqerooruteqarnissamut kingusinnerpaamik piffissaliussamiit ullut 30-t qaangerlugit naliliinissaq pisiniap naatsorsuutigippagu soorunami attassiinnarnissamut killiliussap sivilisoqataanik tamatuma sivilissusilerneqarnissaa pisisussap piumasaqaatigissavaa.

Nr. 9-mut

Neqeroorutitik tunniussinissamut ilusissatut piumasaqaatit neqerooruteqartitsinermi piumasaqaatinut ilanngunneqassapput takuuk nr. 9 assersuutigalugu tassaasinnaallutik neqeroorutip sivilissusissaanut, naqinnerit sorliit atorneqarnissaannut il. il. piumasaqaatit.

Paasissutissat neqerooruteqarneq pillugu nalunaarummi taaneqartut neqerooruteqarnermut piumasaqaatini uteqqissallugit pisisussaq pisussaaffeqanngilaq, kisianni aamma tamanna inerteqqutaanngilaq. Tamakkiisumik takunnissinnaanissaq eqqarsaatigalugu amerlasoorpassuartigut pissusissamisoorsinnaavoq neqerooruteqarneq pillugu nalunaarummi paasissutissiissutigisat uteqqinneqarnissaat.

§ 14-imut

Aalajangersakkami killilimmik neqerooruteqarnissamut ilusissat pillugit tunngaviusumik periaasissat, kiisalu pitsaassusiliigallarnissamut piumasaqaatit neqeroorutillu pappiliartaasa imassaat pillugit malittarisassat aalajangersarneqarput.

Imm. 1-imut

Aalajangersakkami naqissuserneqarput killilimmik neqerooruteqarnissamut tunngaviusumik periaasissat. Killilimmik neqerooruteqarnermi pisiniartuq siullermik

pitsaassusiliigallarnissamut neqerooruteqartitsissaaq, imaappoq neqerooruteqarnissamut suliffeqarfiit pitsaanerpaasorisat inatsisitigut iluarsisat malillugit toqqartussavai.

§ 21-p imarai pitsaassusiliigallarnissap qanoq ingerlannissaannut piunasaqaatit erseqqinnerusut. Pitsaassusiliigallarnissami qulakkeerneqassaaq niuernermi peqataasut akornanni killilersugaanngitsumik erseqqissumillu paasiuminartumillu unammilleqatigiittoqarnissaa, suliffeqarfiit sorliit neqerooruteqarsinnaatitaassanersut toqqarneqarnissaat eqqarsaatigalugu.

Imm. 2-mut

Pitsaassusiliigallarnissamut kikkulluunniit qinnuteqaateqarsinnaapput, taamaallaalli suliffeqarfiit pisisussap pitsaassusiliigallartitai pineqarput, imaappoq tamatuma kingorna tulluullutik neqerooruteqarsinnaasut toqqassallugit.

Pitsaassusiliigallarnissaaq pillugu qinnuteqaateqarnissamut kikkulluunniit periarfissinneqarmata, killilimmik neqeroortitsisarneq unammillertitsinerusinnaavoq tamanut ammasumik neqerooruteqartitsisarneq eqqaassanngikkaanni.

Suliffeqarfiit sallerpaajutinneqanngitsut neqerooruteqartitsinermi killilimmik peqataatinneqartarneranni siunertarineqarpoq neqeroorutit amerlassuserisartagaasa annikillisinneqarnissaat, taamaalilluni suliffeqarfinit qinnuteqaatigineqartut akornanni niuernermi pitsaanerpaatut pisisussamit siusinnerusukkut nalilerneqarsimasunit neqeroorutit kisiisa tiguneqartartussanngorlugit.

Tamanna pitsaaqutaassaaq neqeroorummut pineqartumut niuernermi peqataasut amerlappata. Neqerooruterpassuit tiguerneranni pisisussamut tamanna suliassatigut annertuumik nammakkiisarpoq, pissutigalugu tunniussinissamut najoqqutassatut toqqarneqartunut tunngatillugu neqeroorutit tamaasa peqqissaartumik misissornissaannut nalilernissaannullu pisisussaq pisussaatitaammat. Killilimmik neqerooruteqartitsinikkut neqeroorutit ikinnerulersarput taamaalillutillu suliassatigut pisisussamut nammakkiinnginnerusarlutik. Aammattaaq unammillertussat ikilisinnerisigut suliffeqarfiit suli peqataarusunnerulissapput.

Aammattaaq killilimmik neqerooruteqartarneq pissusissamisoorinnaavoq, neqerooruteqarnermi neqerooruteqartut nukiit annertuut atortariaqartarmatigik. Pisisussaq pitsaassusiliigallartitsigaangat suliffeqarfiit qinnuteqaateqartut nukissanik atuinissaagaluarnerat pinngitsoortinneqartarpoq, tassanimi piukkunnannginnerit pisisussap siumoortumik nalilertarmagit.

Imm. 3-mut

Pisisussap taamaallaat pisussaaffigaa neqerooruteqarnermi pappiaqqat tamakkiisut suliffeqarfinnut salliutinneqanngitsunut tunniutissallugit. Aammattaaq pisisussap toqqarsinnaavaa neqeroorummi pappiaqqat tamaasa ilaannaalluunniit tamanut ammasumik saqqummiutereerreqassasut neqerooruteqartarnej pillugu nalunaarummut peqatigitillugu. Tamanna annertoorujussuarmik iluaqusiisinnaavoq, pissutigalugu niuernermi peqataasut taamaalillutik neqerooruteqarnerup aallartinneraniit neqeroorut pillugu paasisutissat naammattut tigusussaammatic. Tamatuma pinngitsoortittarpaa suliffeqarfiit salliutinneqanngitsut pisariaqanngitsumik peqataatinneqarnissaat, soorlu kingorna paasinarsisartoq taakku neqeroorut piumaneq ajoraat.

Neqeroortitsinermit nalunaarutip isumaqatigiissutip neqeroorutigisap nassuiaataa imaraa. Tamanik takunnissinnaanermut tunngaavigisaq najoqqutaralugu, takuuk § 6, neqeroortitsisup pisiarisassatut kissaatigisat naammaginatsumik erseqqissumik nassuiassavaa, taamaalillutik paasisutissat taakku tunngavigalugit aningaasanut tunngasutut suliaqartuusut pisiarisassat suussusaat annertussusaannillu suussusersisinnaassammata, taamaalillutillu ingerlassami peqataanissaq pillugu qinnuteqarusussanertik aalajangiussinnaallugu.

Killilimmik neqeroorutit tamanik ammasumik neqeroorutinit sivikinnerusumik piffissaqartitaasarput, neqeroortitsinissaq sioqqullugu pitsaassusiliigallartarnermi pisiniartoq peqataatitaqartitsisarmat.

Imm. 4-mut

Aalajangersakkami naqissuserneqarpoq killilimmik neqerooruteqartitsineq pillugu nalunaarutip imassaanut malittarisassat. Uani pineqarput minnerpaaffissatut piumasaqaatissat.

§ 13, imm. 2, nr. 1-4-mut nassuiaatit assigisaannik uani atorreqassapput.

Nr. 5-imut

Neqerooruteqartitsinermit nalunaarummi neqerooruteqartup suliffeqarfiit qanoq amerlatigisut piukkunnartorsiugarinissaanik isumaliutiginerai ilaassaaq. Unammillertoqarnermut sianiginneq pissutigalugu amerlassutsit minnerpaamik 3-ussapput, akunnequtitullu ilusilerlugu nalunaarutigineqarsinnaavoq, tamanna pillugu § 21, tassungalu oqaaseqaatit takukkit.

Nr. 6-imut

Piukkunnartorsiuinermut piumasaqaatit qanoq ililluni pissarsiarinissaat pillugu paasisutissanik neqerooruteqartitsinermit nalunaarummi ilaassaaq. Assersuutigalugu tassaasinnaavoq neqerooruteqartumut saaffiginninnissaq, imaluunniit nittartakkamut innersuussissut.

Nr. 7-imut

Neqerooruteqartitsinermik ingerlassami pisisussap piukkunnartorsiuneq pillugu qinnuiginninnissamut atugassanut piffissaliussa q sorlq aalajangersakkap aalajangersaavigaa, takuuk § 25, tassungalu oqaaseqaatit.

Imm. 5-imut

Aalajangersakkami naqissuserneqarpoq killilimmik neqerooruteqartitsineq pillugu nalunaarutip imassanut malittarisassat. Tassani piumasaqaatit minnerpaaffissaat pineqarput.

Paasissutissat neqerooruteqarneq pillugu nalunaarummi taaneqartut neqerooruteqarnermut piumasaqaatini uteqqissallugit pisisussaq pisussaaffeqanngilaq, kisianni aamma tamanna inerteqqutaanngilaq. Tamakkiisumik takunnissinnaanissaq eqqarsaatigalugu amerlasoorpassuartigut pissusissamisoorsinnaavoq neqerooruteqarneq pillugu nalunaarummi paasissutissiissutigisat uteqqinneqarnissat.

Imm. 6-imut

Aalajangersakkami naqissuserneqarpoq suliffeqarfiit salliutinneqanngitsut tamarmik neqeroortitsisarnermi piumasaqaatinut aamma neqeroortitsisarnermi pappiaqqanut allanut peqatigiissillugit periarfissinneqarnissat. Uani assigiimmik pinninnissamik periaaseqarneq eqqarsaatigineqarpoq.

Imm. 7-imut

Aalajangersakkami naqissuserneqarpoq killilimmik neqerooruteqartitsinermi neqerooruteqartarneq pillugu piumasaqaatit imassaat pillugit malittarisassat. Tassani piumasaqaatit minnerpaaffissaat pineqarput.

Nr. 1-imut

Neqerooruteqartitsinermut piumasaqaatiniissapput tunniussinermut najoqqutassiamut ilaatitatut najoqqutassiaasinnaasut, taakkulu akornanni oqimaaqatigiissitsinerit, taakku pillugit § 17, imm. 4-6 taakkunungalu oqaaseqaatit takukkit.

Nr. 2-mut

Ikorsiissummut neqeroorutigineqartumut naleqqiullugu tulluartsuussasoq neqerooruteqarnissamut killiliussa neqerooruteqartitsinermut nalunaarummi ilaatinneqassaaq, tamanna pillugu § 26 tassunga oqaaseqaataasut takukkit.

Nr. 3-mut

Ikorsiissutip neqeroorutaasup annikitsortalersukkatut nassuiarneratut ilisarnaaserneqarsinnaasoq piumasaqaatinik nassuiaassut neqerooruteqarnermut piumasaqaatini nassaarineqarsinnaassaaq, tamanna pillugu § 13, imm. 3, nr. 4-mut oqaaseqaatit takukkit.

Nassuiaammiissapput attuumassuteqassappata teknikip tungaatigut nassuiaatit, tamakku pillugit § 22 tassungalu oqaaseqaatit takukkit.

Nr. 4-mut

Isumaqatigiissummi atugassarisat pingaarutillit tamarmik neqerooruteqarnermut nalunaarummiissapput, tamakku pillugit § 13, imm. 3, nr. 5-imut oqaaseqaatit takukkit.

Nr. 5-imut

Neqerooruteqarnermik ingerlassamut piffissalersuut neqerooruteqarnermut nalunaarummiissaaq, tamanna pillugu § 13, imm. 3, nr. 6-imut oqaaseqaatit takukkit.

Nr. 6-imut

Apeqquteqarnissamut najoqqutassat neqerooruteqarnermut nalunaarummiissapput, tamanna pillugu § 13, imm. 3, nr. 7-imut oqaaseqaatit takukkit.

Nr. 7-imut

Neqeroorutip tunniunneranut tunngatillugu piumasaqaatit, ilanngullugu minnerpaamik ulluni 30-ni nassueruteqarnissamut piffissaliussaq neqerooruteqarnermut nalunaarummiissapput, tamanna pillugu § 13, imm. 3, nr. 8-mut oqaaseqaatit takukkit.

Nr. 8-mut

Neqeroorutip tunniunneranut tunngatillugu iluserisamut piumasaqaataasinnaasut neqerooruteqarnermut nalunaarummiissapput, tamanna pillugu § 13, imm. 3, nr. 9-mut oqaaseqaatit takukkit.

§ 15-imut

Aalajangersakkap imarai nalunaarut pioreersoq malillugu isumaqatiginninniarnertalimmik neqerooruteqartarnermi ilusiliinissamut tunngaviatigut periaasissat kiisalu pitsaassusiliigallartarnermi piumasaqaatit taamatullu aamma neqerooruteqarnermi pappiaqqat imassaannut malittarisassat.

Imm. 1-imut

Aalajangersakkami inatsisitigut naqissuserneqarpoq nalunaarut pioreersoq tunngavigalugu isumaqatiginninniarnertalimmik neqeroorutitut tunngaviatigut periaasissat.

Neqeroortitseriaatsip taassuma atorneratigut pitsaassusiliigallartitsineramik pisisussaq siullermeertumik neqeroortitseqqaassaaq, imaappoq inatsisitigut iluarsisamik suliasamut tunngatillugu suliffeqarfiit pitsaanerpaat pisisussamit toqqartuissaaq.

Pitsaassusiliigallarnissamut kinaluunniit qinnuteqaateqarsinnaavoq, kisiannili suliffeqarfiit pisisussap pitsaassusiliigallartissimasai ilagalugit pisisussaq aallarnersaataasumik taamaallaat isumaqatiginninniarsinnaavoq.

§ 21-p imarai pitsaassusiliigallarnissap qanoq ilillugu ingerlanneqartarnissaa pillugu malittarisassat erseqqinnerusut. Suliffeqarfiit sorliit neqerooruteqarsinnaatitaasut toqqarneqarnissaat eqqarsaatigalugu niuernermi peqataasut akornanni killeqanngitsumik paasiuminartumillu unammillertoqarnissaa pitsaassusiliigallartitsinikkut qulakkeerneqassaaq.

Imm. 2-mut

Suliffeqarfinnut salliutitanut neqeroortitsinermi pappiaqqat tamakkiisut tunniunnissaannut pisisussaq taamaallaat pisisaaffeqarpoq. Pisisussap aammattaaq toqqarsinnaavaa neqeroortitsisarneq pillugu nalunaarut malillugu neqeroortitsinermi pappiaqqat tamakkiisut ilaannaalluunniit ataatsikkoortillugit tamanut ammasumik saqqummiutissallugit. Tamanna iluaqutissartaqarsinnaavoq pissutigalugu niuernermi peqataasut taamaalillutik neqerooruteqartitsinerup aallartinnerani neqerooruteqartitsineq pineqartoq pillugu paasissutissat naammaginartut pissarsiarisussaagamikkit. Taamaalilluni suliffeqarfiit neqeroorummik kissaateqartussaangitsutut kingusinnerusukkut ersertussat pisariaqanngitsumik salliutitaajunnaarnissaat pinngitsoortinneqarsinnaavoq.

Imm. 3-mut

Tamatuma kingorna isumaqatigiinniarfiusumik neqeroorutip imarissavaa isumaqatigiinniarnep ingerlanera. Isumaqatiginninniarnertaa imatut paasineqassaaq neqeroortitsineq paasiuminaannerulissalluni piukkunnannginnerulissallunilu tamanut ammasumik neqeroortitsinermit aamma killilimmik neqeroortitsinermit assigiimmik pinninnissap qulakkeerneqarnissaa. Taamaattumik pisiniap neqeroortitseriaatsit taakku marluk arlaat ataaseq tamatigut toqqassavaa nalunaarut pioreersoq tunngavigalugu isumaqatigiinniarfiusumik neqeroortitsinerminngarnit, tassani pissutsit immikkut ittut atuutissanngippata, takuuk § 15, imm. 4.

Tassunga pissutaavoq isumaqatiginninniarnep ingerlanngata pissusia pissutaalluni tamakkiisumik takunnissinnaaneq ajornakusuulersinnaammat, tassani ilanngullugit pisiniamut namminermit, suliffeqarfiit salliutitat naligiissumik pineqarnissaat pisisussap isumagisinnaaneraa. Tamanna pissuteqarpoq isumaqatiginninniarnermi tunngavik ataatsimut isigalugu neqeroorummiit neqeroorummut tamatigut assigiinngittartussaammat taamaalillunilu pisisussap isumaqatiginninniarnep neqerooruteqartullu akissutai taamaalilluni taamaanneratut pisarneq malillugu apeqqutaanerpaalissammata imaluunniit neqerooruteqartumiit neqerooruteqartumut assigiittariaqalissammata. Aamma isumaqatiginninniarnep imaat tunngavimmikkut isertuussaassarput. Pissutsit taaneqartut pissutigalugit neqeroortitsineq oqaatigineqartutut paasiuminaannerulissaaq piukkunnannginnerulissallunilu naligiissumik pinninnissap qulakkeerneqarnissaanut tamanut ammasumik neqeroortitsininngarnit aamma killilimmik neqeroortitsininngarnit.

Nalunaarut pioreersoq tunngavigalugu isumaqatigiinniarfiusumik neqeroorut tamanut ammasumik neqeroortitsinermit aamma killilimmik neqeroortitsinermit sivisunerusumik

ingerlanneqassaaq, pissutigalugu pisiniartup isumagisariaqassammagu pitsaassusiliigallartitsinermik neqeroortitsineq kingornalu ataatsimik arlalinnilluunniit isumaqatigiinninniarnissat inaarutaasumik neqeroorutit tunniunneqartinnagit.

Imm. 4-mut

Aalajangersakkami naqissusilerneqarpoq nalunaarut pioreersoq tunngavigalugu isumaqatigiinniarfioreersumik neqeroortitsinissaq pisisussap qaqugu toqqarsinnaassaneraa. Allattukkat tamakkiisuupput.

Nr. 1 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atortariaqassavaa, aaqqiissutissat tigussaareersut pisisussap pisariaqartitaanut naleqqussaaqqaarnagit akuerineqarsinnaassappata. Assersuutigalugu tassaasinnaavoq it-kkut aaqqiissutissat pioreersut pisisussap periaatsitigut atugassai, paasissutissat allanngortinngikkaluarlugit periaatsimut allamut nuunneqarnissaat, it-kkut periaatsit allat akuutilersinnissaat naleqqussarneqassammata.

Nr. 2 malillugu neqeroorummi ilusilersuutit imaluunniit nutaaliatut aaqqiissutissat neqeroorummi ilanngunneqassappata nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa. Tamanna naammappoq neqeroorummi pingaarutilittut ilusilersuutit imaluunniit nutaaliornikkut aaqqiissutissat pineqarpata. Taamaalilluni neqeroorut tamarmiusoq atussallugu pisariaqarnaviangilaq.

Nutaaliornikkut aaqqiissutissat assersuutigalugit tassaasinnaapput aaqqiissutissat nioqqutissap, sullissinerup ingerlatsinerulluunniit annertuumik nutaaliornikkut pitsanngorsarneqarsimanerat. Ilusilersuutitigut aaqqiissutit assersuutigalugit tassaasinnaapput kusanartuliat teknikikkulluunniit ilusiliussat. Taamaalilluni nioqqutissiap kusanassusia atorluarsinnaassusialu, tassunga ilanngullugit atuisussanut atoruminassusiat, pisiassap atortortaasa toqqagaanerit, atasinnaassusia il. il. ilanngunneqarsinnaapput.

Nr. 3 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa neqeroortitsinermi teknikikkut nassuiaatit imaluunniit piumasaqaatit aammattaarlu taakkua tunniunnissaannut atugassarititaasut neqeroorummi naammaginartumik eqqortuutinnissaat aalajangerneqarsinnaanngippata. Assersuutigalugu tamanna pisinnaavoq assigiiarinissat il.il. innersuussutigalugit piumasaqaatit atugassarititalluunniit naammaginartumik eqqortitassat aalajangerneqarsinnaanngippata.

Nr. 1-3-mut ataatsimoorussaq unaavoq uani pingaaruteqarmat aaqqiissutissatut siunnersuummik neqerooruteqartoq saqqummiussisussaammat. Neqeroorummi piumasaqaatit

tamaasa pisisussap siumoortumik paasiuminartumillu aalajangersoreersimappagit isumaqatigiinniarfiusumik neqerooruteqarnissaq tunngavissaarutissaaq.

Nr. 4 nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atortariaqassavaa, tamanut ammasumik killilimmilluunniit neqerooruteqarnermut atatillugu neqeroorutit naammaginangitsut imaluunniit pitsaassusiliigallarnissamik qinnuteqaatit akuerineqarsinnaangitsut taamaallaat tunniunneqarsimappata. Taakkununga nassuiaatit naleqquttut § 4, imm. 6-7-imi atuarneqarsinnaapput.

Pisumi tassani nalunaarut pioreersoq tunngavigalugu isumaqatigiinniarfiusumik neqerooruteqarneq taamaalilluni allatut ajornartumik aaqqiinertut isigineqassaaq neqeroorummi peqataanissaq pillugu killeqanngitsumik unammilleqatigiinnissap pilersinnissaanut aallaqaammut misiliisimaneq pisisussap atorsinnaasimappagu.

Nr. 5 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa, pisiariniagaq 1 million kronit inorlugit naleqarpat. Nakorsaqarfimmi atortunik taakkunungalu atasutut atortunik pisiortornerit tassaapput immikkut ittutut inuiaqatigiinnut tunngasutut iluseqartoq, § 2, imm. 2-mullu oqaaseqaatit innersuussutigineqarput.

Pisinermi najoqqutassap taassuma nr. 1, 2, 3 imaluunniit 4-mi pineqartut kisiisa naammassisimappagit nalunaarut pioreersoq tunngavigalugu isumaqatigiinniarfiusumik neqerooruteqarnissaq taamaallaat piumaneqarnerusinnaavoq, isumaqatigiinniarsinnaatitaaneq iluanaarnarnerussappat isumaqatiginninniarnissamut pisariusumut sanilliullugu. Pisisussap tamatigut isumaliutigisassavaa tamanut ammasumik neqeroorut imaluunniit killilimmik neqeroorut pissusissamisoornerunersoq.

Imm. 5-imut

Nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atussappagu, neqerooruteqarnissaq pillugu nalunaarutip tamanut ammasumik saqqummiunneqarnissaa aalajangersagaq malillugu pisisussaq imm. 2-mi piumasaqaatitigut taaneqartut ataaseq arlallilluunniit naammassineqarsimanerannut uppernarsaatit tunngavilersukkamik pisisussaq nassuiaasiussaaq.

Uani siunertarineqarpoq neqeroorutip inatsisit malillugit pisimanerata uppernarsaaserneqarnissaa.

Pisinermi imm. 4, nr. 5-imi taamaallaat ilanngunneqarsimappata pisisup nassuiartariaqassavaa sooq tamanut ammasumik neqeroorut imaluunniit killilimmik neqeroorut toqqarneqarsimangersoq imaluunniit toqqarneqarsimannginnersoq.

Imm. 6-imut

Aalajangersakkami naqissuserneqarput nalunaarut pioreersoq tunngavigalugu isumaqatigiinniartiusumik neqerooruteqarnermi neqeroortitsineq pillugu nalunaarutip imassaanut malittarisassat. Uani piunasaqaatit minnerpaaffissaat pineqarput.

§ 13, imm. 2-mut nassuiaatit taamaaqataanik malinneqassapput.

Imm. 7-imut

Aalajangersakkami naqissuserneqarput nalunaarut pioreersoq tunngavigalugu isumaqatigiinniartiusumik neqerooruteqarnermi pitsaassusiliigallarnissamut piunasaqaatit imassaanut malittarisassat. Uani pineqarput piunasaqaatit minnerpaaffissaat.

Paasissutissat neqeroortitsineq pillugu nalunaarummi taaneqartut pisisussap pisussaaffiginngilai pitsaassusiliigallarnermi piunasaqaatini uteqqinnissaannut, tamannali aamma inerteqqutaanngikkaluarpoq. Tamakkiinerusumik takunnissinnaanissaq eqqarsaatigalugu arlalippassuartigut pissusissamisoorsinnaavoq neqerooruteqartitsisarneq pillugu nalunaarummi paasissutissat uteqqinneqarnissaat.

Imm. 8-mut

Aalajangersakkami naqissuserneqarpoq suliffeqarfiit salliutitaasut tamarmik neqeroortitsinermi piunasaqaatinut isersinnaanissaat aamma neqeroortitsinermi pappiaqqanut allanut peqatigitillugu isersinnaanissaat. Tassani assigiimmik pinninnissamik periaaseqarnissaq eqqarsaatigineqarpoq.

Imm. 9-mut

Aalajangersakkami naqissuserneqarput nalunaarut pioreersoq tunngavigalugu isumaqatigiinniartiusumik neqerooruteqarnermi pitsaassusiliigallarnissamut piunasaqaatit imassaanut malittarisassat. Uani pineqarput piunasaqaatit minnerpaaffissaat.

§ 13, imm. 3-mut nassuiaatit taamaaqataanik malinneqassapput.

§ 16-imut

Aalajangersakkami pineqarput nalunaarut pioreersoq tunngavigalugu isumaqatigiinniartiusumik neqerooruteqarnissamut tunngaviusumik periaasissat kiisalu neqerooruteqarnermi pappiaqqat imassaanut malittarisassat.

Imm. 1-imut

Aalajangersakkami inatsisitigut naqissuserneqarpoq nalunaarut pioreersoq tunngaviginagu isumaqatigiinniartiusumik neqerooruteqarnissamut tunngaviusumik periaasissat. Neqerooruteqartitseriaatsimi tassani pisisussaq pisussaatinneqanngilaq neqerooruteqartarneq

pillugu nalunaarut aqputigalugu neqeroortiginiakkap tamanut ammasumik saqquumiunnissaanut. Tamatumunnga taarsiullugu suliffeqarfimmuut ataatsimut arlalinnilluunniit pisisussaq taamaallaat toqqaannartumik saaffiginnissaaq pisiariniakkap tunniunneqarnissaa pillugu aallarnernersaataasumik isumaqatigiinninniarnissaaq siunertaralugu.

Pitsaassusiliigallartoqassanngilaq pisisussap suliffeqarfiit isumaqatigiinniarfigerusutai imaaliillaannaq toqqarsinnaagamigit.

Tamassuma isumaqatigiinniarfiginissaa pisisussallu suliffeqarfinnik imaaliillaannarluni toqqartuisinnaanera imatut paasineqassaaq, neqeroorteqariaatsini allaniit assigiimmik pinninnissap qulakkeernissaanut paasiuminaanninnerulaalissammata piukkunnannginnerulaalerlutillu. Taamaattumik nalunaarummik tunngaveqareernani isumaqatigiinniarfiusumik neqeroorteqartitseriaatsit allat ilaat ataaseq pisisussap tamatigut toqqartassavaa, pissutsit immikkut ittut atuutissanngippata, takuuk § 16, imm. 2.

Paasiuminartuunissap assigiimmillu pinninnissap qulakkeernissaanut isumaqatigiinninniarnep ingerlanneqarnerani pissutsit pissutaasartut pillugit takukkit § 17, imm. 1-imut nassuiaatit.

Imm. 2-mut

Nalunaarut siumoortumik tunngaviginagu isumaqatigiinniarfioreersumik neqeroortitsinermi ilusissaaq pisisussap toqqaasariaqarnissaanut pissutsit immikkut ittut aalajangersakkami tullerriaarlugit allatorneqarput. Allattugaq tamakkiisuvoq, aalajangersakkallu atorneqarsinnaaffianut pisut immikkoortitertut tallimat tassani pineqarput. Pisut nr. 1-5-imut tullerriaarneqarput, tunngavigisanilu ataatsimik naapertuutsitsineq neqeroortitseriaatsip atornissaanut naammappoq.

Nr.1 malillugu nalunaarummik tunngaveqarnani isumaqatigiinniarfiusumik neqeroortitsisarneq pisisussap atortariaqassavaa tamanut ammasumik imaluunniit killilimmik neqeroortitsinermi neqeroortit akuerineqarsinnaanngitsut imaluunniit pitsaassusiliigallarnissaaq pillugu qinnuteqaatit akuerineqarsinnaanngitsut kisimik tunniunneqarsimappata. Nassuiaatit taakkununnga tunngasut § 4, imm. 6-7-imi atuarneqarsinnaapput.

Aalajangersakkap malinnissaani piumasaqaataavoq suliffeqarfiit tamarmik pitsaassusiliigallarnissaaq pillugu qinnuteqaateqarsimasut imaluunniit neqeroorummik tunniussisimasut aamma § 18, imm. 1-imi ilaatsinnginnissamik tunngavissat taaneqareersut pineqartillugit, taakku isumaqatigiinninniarnerni peqataaqqullugit aggersarneqassapput. Aammattaaq tassani piumasaqaataavoq neqeroortitsinermi atortussani tunngaviusumik pineqartut allannguuteqartinnginnissaat. Tunngaviusumik pineqartut pillugit oqariaaseq pillugu § 8-mut nassuiaatini takuuk.

Nr. 1 naapertorlugu pisoqartillugu nalunaarummik tunngaveqarani isumaqatigiinniarfiusumik neqerooruteqartitsineq taamaalilluni tassaalerpoq ajornartorsiornermi aaqqiissutitut isigineqarsinnaasoq neqerooruteqartitsinermi peqataasut pillugit killeqanngitsumik unammillersinnaanissap pilersinnissaanut siullermeersumik misiliinerup kingorna pisisussap atorsinnaasaa.

Nr. 2 nalunaarummik tunngaveqarani isumaqatigiinniarfiusumik neqeroortitsisarneq pisisussap atortariaqassavaa, pisiffigisartakkamit siusinnerusukkut atortarsimasamit tapertaasumik pisiassat uani pineqassappata aamma pisisarfik allamik taarserneqartillugu tamatuma kingunerissavaa naleqqutinngitsumik annertuunik aningaasartuuteqarnerulerneq, periaatsitigut ataatsimoortitsisinnaajunnaarneq imaluunniit ingerlatsinermit aserfallatsaaliinermilu teknikikkut naleqqutinngitsumik annertussusilinnik ajornakusuulerneq.

Aningaasartuuteqarnerulermit imaluunniit periaatsitigut ajornartorsiortitsinerit naleqqutinngitsumik annertussuseqartutut isigineqartariaqarnerat nalilerneqassaaq niuernermit peqataasut akornanni killeqanngitsumik unammillersinnaatitaanermut naleqqiullugu. Uani pineqarpoq oqimaalutaanissaq pisisussap ingerlattariaqagaa. Neqeroortitsinermit atatillugu aningaasartuutit aalajangersakkami pineqanngillat.

Nr. 3 malillugu nalunaarut tunngaviginagu isumaqatigiinniarfiusumik neqerooruteqartitsinissaq pisisussap atortariaqarpaa pisiariniakkami pilersuisuusoq ataasiinnaasimappat. Uanili pingaaruteqarpoq niuernermit allanik pilersuisoqarnersoq. Uani una pineqarpoq niuernerq tamaat ataatsimut isigalugu taamaalillunilu suliffeqarfiit nunaqavissunit ingerlanneqartut kisimik pineqannginnissaat. Nioqqutissap pilersuutiginnissaanut pilersuisoq aalajangersimasoq ataaseq piukkunnarnerpaatut kisimi pisussamit isigineqarnissaa naammangilaq.

Nr. 4 malillugu nalunaarut tunngaviginagu isumaqatigiinniarfiusumik neqerooruteqartitsinissaq pisisussap atortariaqarpaa, pisut pisisussap siumut isigisinnaanngisaasa kingunerisaanik allatut ajornartumik pissutissaqartumik kingusinnerpaamik ulluliussat maleqqissaarnissaat pisinnaanngippat uani eqqarsaatigalugit tamanut ammasumik neqeroortitsisarneq, killilimmik neqeroortitsisarneq imaluunniit nalunaarut tunngaviginagu isumaqatigiinniarfioreersumik neqeroortitsineq. Assersuutigalugu inuit inuunerat peqqissusaallu mianerinissaat eqqarsaatigalugu pinngortitap piliaanik ajunaarnersuaqartillugu massakkorluinnaq iliuseqarnissaq pisariaqalersimappat.

Malittarisassaq naapertorlugu isumaqatigiissut pilersinneqarpat piumasqaataavoq pisarialiinnaat killigitilissallugit. Isumaqatigiissut agguataarneqarsinnaassappat taakku ilaat allatut ajornartumik pissutissaqartitsisut taakku kisimik aalajangersakkami pineqassapput tamatumalu ilai allat neqerooruteqartitseriaatsit sinneri malillugit neqeroorutigineqassallutik.

Allatut ajornartumik patsisissat pineqartariaqarnersut nalilersorneranni ajoqusiinerup pilersinnaasup suussusia annertussusialu nalilersorneqassapput, aamma neqeroortitseriaatsip atorneqannginneratigut ajutoorsinnaaneq ilumut pismappat. Allatut ajornartumik patsisaasut pisisussamit siumut oqaatigisinnaanngisai pillugit piumasaaqateqarneq imaalillugu paasineqassaaq pisoq taanna pisisussap siumut naatsorsuutigisariaqanngikkaa. Pissutsit allatut ajornartumik patsisaasariaqarnerat ilungersunartumik oqaatigineqarpata tamanna sutigulluunniit pisisussamut akisussaaffigitinneqassanngilaq.

Nr. 5 malillugu nalunaarummik tunngaveqarani isumaqatigiinniarfioreersumik neqeroortitsinissaq pisisussap atortariaqassavaa pisiariniagaq 1 million kronit inorlugit naleqarpat. Nakorsaqaarfimmi atortunik taakkunungalugu atasutut atortunik pisiortornerit tassaapput immikkut ittutut inuiaqatigiinnut tunngasutut iluseqartoq, § 2, imm. 2-mullu oqaaseqaatit innersuussutigineqarput.

Nr. 1, 2, 3 imaluunniit 4-mi najoqqutassaq taanna pineqanngikkaluartoq pisinermi kisimiiitillugu naammassineqarpat nalunaarummik tunngaveqarnani isumaqatigiinniarfioreersumik neqerooruteqartitsineq aammattaaq qaqutigoortumik salliutinneqartariaqarpoq killeqanngitsumik unammillersinnaatitaanermi peqataasinnaannginneq pissutigalugu. Taama pisoqartillugu pisiniap tamatigut isumaliutigisariaqarpaa neqerooruteqartitseriaatsit allat ilaat ataaseq pissusissamisoornerunersoq isumaliutigissallugu niuernerme peqataasut naligiissumik pineqarnissaat, paasiuminartuliornissaq kiisalu neqerooruteqartitsinermi unammillersinnaanerup annerpaatinnissaa eqqarsaatigalugu, takukkit §§ 1 aamm 6.

Imm. 3-mut

Nalunaarut tunngaviginagu isumaqatigiinniarfiusumik pisisussaq neqerooruteqartitsissappat, aalajangersagaq malillugu suliffeqarfiit pisisussap toqqarsimasaanut saaffiginnissuteqannginnermi imm. 2-mi piumasaaqatit taaneqartut ataaseq arlallilluunniit naammassineqarsimanerannut uppersaammik tunngavilersukkamilu nalunaarusiussaaq.

Uani neqeroorutip inatsisinik unioqutitsisuunnginnerata uppersarneqarnissaa siunertarineqarpoq.

Imm. 2, nr. 5-imi pineqartut kisiisa pisiarineqartussaatiillugit neqeroortitseriaatsit allat soq toqqarneqarsimannginnerat pillugu pisiniartoq nassuiaasiortariaqarpoq.

Imm. 4-mut

Aalajangersakkami naqissuserneqarpoq neqeroorut immikkoortoq 2, nr. 4 imaluunniit nr. 5-imi inatsisitigut tunngavissallit kisiisa neqeroorutigineqassappata suliffeqarfiit ikinnerpaamik 2-t isumaqatigiinniarnermi peqataanissaannut pisisussap aggersassavai. Tassani

unammillernissap ilaatigut annikitsuutinnissaa siunertarineqarpoq, neqeroortitseriaatsip taassuma atorneqarneratigut tamanna ajornassanngippat.

Tamatumunnga peqatigitillugu imm. 2, nr. 1, 2 imaluunniit 3-mi inatsisinik neqeroorut tunngaveqartinneqassappat aalajangersagaq malinneqassanngilaq, taama pisoqartillugu pissutsit allat atuuttarmata.

Imm. 5-imut

Aalajangersakkami naqissuserneqarpoq suliffeqarfiit taakku isumaqatiginninniarnissanut pisisussap aggersarsimasai tamarmik ataatsikkut neqeroortitsinermi piumasaqaatinut aamma neqeroortitsinermi pappiaraatinut allanut isersinnaassasut. Tassani assigiimmik pinninnissamik periaaseqarnissaq eqqarsaatigineqarpoq.

Imm. 6-imut

Aalajangersakkami naqissuserneqarput nalunaarummik tunngaveqarani isumaqatigiinniarfioreersumik neqeroortitsinermi piumasaqaatit imassaanut malittarisassat. Uani piumasaqaatit minnerpaaffissaat pineqarpoq.

§ 13, imm. 3-mut nassuiaatit taamaaqataanik malinneqassapput.

Imm. 7-imut

Aalajangersakkami naqissuserneqarput neqeroortitsinermut piumasaqaatit imassaanut malittarisassat, takuuk imm. 6, malinneqassanngilaq neqeroorut imm. 2, nr. 2 imaluunniit nr. 3-mi inatsisitigut tunngavissat malillugit ingerlanneqassappat. Taamatummi pisoqartillugu suliffeqarfik ataasiinnaq isumaqatiginninniarnissamut aggersarneqarpat taava unammillertoqarsimanaviannngilaq, taamaalilluni neqeroorummi piumasaqaatit najoqqutassallu pillugit paasisutissanut tunngatillugit suliffeqarfiit arlariit assigiimmik pineqarnissaat pisariaqarnaviannngimmat.

§ 17-imut

Aalajangersakkami naqissuserneqarput agguaaassinermi najoqqutassat aamma najoqqutassat pingaanginnerit sorliit pisisussap neqerooruteqartitsinermi atorsinnaassanera, siunnersuut naapertorlugu ingerlanneqartussat eqqarsaatigalugit. Aammattaaq aalajangersakkami naqissuserneqarpoq najoqqutassat pingaanginnerit qanoq iliorluni neqeroorummik naliliinissamut ilanngunneqassanersut.

Imm. 1-imut

Aalajangersagaq naapertorlugu neqerooruteqartitsinerne tamani siunnersuut naapertorlugu ingerlanneqartussani neqeroortitsinerne aningaasatigut iluaqutaanerpaasussamik tunniussaqaartumut isumaqatigiissuteqarnissaq tunniunneqassaaq. Aningaasaqarnikkut

neqeroorut iluaqutaanerpaasusaaq nassaariniallugu pisisussap tunniussinissamut najoqqutassami ”aki appasinnerpaaq”, ”anigaasartuutissat appasinnerpaat” imaluunniit ”akip pitsaassusissallu akornanni pissutsit pitsaanerpaat” atussavai.

Taamaalilluni tunniussinissamut najoqqutassat taakku pingasut tunngavigalugit neqeroorummik naliliinissami neqerooruteqartuni ajugaasussap nassaarinissaanut inatsisitigut tunngavissaaq inatsisinik unioqqutitsinerunngitsoq kisiartaassaaq. Tunniussinissamut najoqqutassat aammattaaq imm. 2-4-mi nassuiarneqarput.

Imm. 2-mut

Tunniussinermi najoqqutassaaq ”aki appasinnerpaaq”-p atorneqarnerani pisiassap pissarsiariniarnerani aki tamarmiusoq taamaallaat pisisussap pingaartissavaa. Pisisussap taamaalilluni anigaasartuutit allat pingaartissanngilai, assersuutigalugu anigaasartuutit toqqaannartut toqqaannartuunngitsullu imaluunniit pisiassap pitsaassusia.

Taamaattumik najoqqutassaaq ”aki appasinnerpaaq”-mi pisiassat pisariunngitsut pisarinissaanni atussallugu pissusissamisoornerusarpoq, neqeroorummi atortussani pisiassap pitsaassusissaa tamakkiisumik aalajangerneqarsimappat.

Imm. 3-mut

Tunniussinissamut najoqqutassap ”anigaasartuutit appasinnerpaat”-tip atorneqarnerani pisarinerani akigititap saniatigut anigaasartuuteqariaatsit tamaasa pisisussap ilannguttariaqarpai.

Assersuutigalugu ilanngunneqarsinnaapput anigaasartuutit tamarmiusut, tassani ilanngullugit pisinermi aki, ingerlatsinermi anigaasartuutit aamma igitsinissami nalinga. Pisisussap aammattaaq toqqaannartumik toqqaannanngitsumilluunniit anigaasartuutit, anigaasartuutit tamarmiusut saniatigut anigaasartuutigisassaa piffissap atuiffiusussap avataani inissisimasut ilanngussinnaavai kiisalu anigaasartuutit toqqaannartuunngitsut assersuutigalugu silap pissusianit sunnerneqarsimasut, avatangiisitigut artukkerneqarsimasut.

Neqeroorutit atortussaani pisisussap nassuiaatigissavai neqeroorutip nalilerneqarnissaani anigaasartuutit sorliit ilanngunneqassanersut.

Pisiassap pitsaassusissaa pisisussap pingaernerutissanngilaa. Taamaattumik najoqqutassaaq ”anigaasartuutit annikinnerpaat” taamaallaat naleqquttuusinnaapput pigiligassat neqeroorummi atortussani pitsaassusii tamakkiisumik aalajangerneqarsimasut atussappagit.

Imm. 4-mut

Tunniussinissami najoqqutassap ”akip pitsaassutsillu akornanni pissutsit pitsaanerpaat” atorneqassatillugit anigaasartuutissat saniatigut najoqqutassani pingaannginnerusuni

pitsaassusissap pisisussap pingaartittariaqarpai. Aalajangersakkami nr. 1-4-mi assersuutissat ilaat tamakkiisuunngitsut allatorneqarsimapput. Aningaasartuutit pillugit takukkit imm. 3-mi nassuiaatit.

Najoqqutassaq ”akip pitsaassutsillu akornanni pissutsit pitsaanerpaat” pisisussap tamatigut akinit aningaasartuutinillu uuttortaatissat allat neqerooruteqartunut pisisussap unammillissutigitinniarpagit, assersuutigalugu pisiassap pitsaassusissaa.

Akit/aningaasartuutit aalajangersimasumik tunngaviginissaat pisisussap toqqarsinnaavaa, taamaalilluni pitsaassusissatigut najoqqutassat pingaannginnerit kisiisa unammisutaqqullugit.

Imm. 5-imut

Aalajangersakkami naqissuserneqarput najoqqutassat pingaannginnerit imm. 4 naapertorlugu pisisussap aalajangiussimasai tassaassammata pisiassaq kiisalu imarisat oqimaalutaanissallu naapertuunnissaat, paasiuminartuunissaat aammalu neqeroorutip ajugaasup suussusersinissaannut piukkunnartuunissaat.

Najoqqutassat pingaannginnerusut tamarmik oqimaalutarneqassapput.

Tassani siunertarineqarpoq paasiuminartuunissaq aamma naliliinissami tunngavissat suliamik paasisimasaqarnissamut naleqquttuunissaat.

Najoqqutassat pingaannginnerit suulluunniit pisiassamut tunngatinneqassapput. Taamaalilluni najoqqutassat pingaannginnerit suliffeqarfimmi neqerooruteqartumi pissutsinut allanut piumasagaatitaqarsinnaanngillat, pisiassamut toqqaannartumik tunngassuteqartunut. Assersuutigalugu suliffeqarfimmi neqerooruteqartumi sulisut amerlassusaat imaluunniit kaaviiartitat pisisussap pingaarnerutissanngilai, taakkumi pissutsit pisiassamut namminermt attuumassuteqanngimmata. Akerlianilli najoqqutassaq pingaannginnerusoq sulisunut pisiassamut atatillugu pisumi tassani suliap ingerlannissaanut qassiussusiinut, pitsaassusiinut aamma misilittagaanut tunngasut pisisussap najoqqutarisinnaavai.

Imm. 6-imut

Najoqqutassat pingaannginnerit atornissaannut atatillugu najoqqutassat ilaat immikkoortut atussallugit pisisussaq periarfissaqanngilaq. Najoqqutassat immikkoortuisa ilaat tassaapput najoqqutassat immikkuualuttortalersukkat najoqqutassat pingaannginnerit ataasiakkaat qanoq ilillugit neqeroorummi nalilersuutiginnissaannut tunngaviliisuusut. Assersuutigalugu najoqqutassaq pingaannginnerusoq ataaseq najoqqutassaasup ilaanut arlalinnut attuumassuteqarsinnaavoq, taakkulu tamarmik ataatsimoorlutik tunngaviusinnaapput susassaqarfimmi tassani neqeroorutigineqartut qanoq ilillugit nalilersornissaannut. Najoqqutassami pingaannginnerusumi tassanerpiaq najoqqutassat immikkoortuinut allanut

sanilliullugit najoqqutassap immikkoortua immikkut ittumik annertuumik imaluunniit immikkut ittumik annikitsumik pingaaruteqarpat tamanna neqeroorutit atortussaanni allanneqassaaq.

Imm. 7-imut

Aalajangersakkami naqissuserneqarpoq pisisussaq neqeroorummik naliliinissamini pisisaatitaammat najoqqutassat pingaannginnerit tamaasa ilanngutitinnissaannut, imm. 4 naapertorlugu pisisussap aalajangiussimasaanut. Tamanna aammattaaq pissaaq najoqqutassat pingaannginnerit akunnerminni oqimaalutarneqarnerannut tamakkiisumik naapertuuttuunissaat, imm. 5 naapertorlugu pisisussap aalajangiussimasaanut.

Neqeroortitsisarnermut nalunaarummi imaluunniit neqeroortitsisarnermut piunasaqaatini pisisussap aalajangersorsimasaanit najoqqutassat pingaannginnerit allat pisisussap pingaarnerutissanngilai. Aamma nalunaarneqarsimasumiit oqimaalutaanissaq alla pisisussap atorsinnaanngilaa.

Tassani siunertarineqarpoq neqeroortitsinerup nalilerneqarnerani aamma neqerooruteqartut assigiimmik pineqarnissaanni paasiuminartuliornissaq.

§ 18-imut

Aalajangersakkami naqissuserneqarput pinngitsaalisamik peqataatitsinnginnissamut patsisissat. Peqataatitsinnginnissamut patsisissat taakku peqataaffinnginnissaannut pisiniartoq toqqaasinnaanngilaq. Taakku neqeroortitsinerni siunnersuut naapertorlugu ingerlanneqartuni tamani malinneqassapput.

Qinnuteqaateqartut neqerooruteqartutulluunniit pinngitsaalisasumik peqataatitsinnginnissamut patsisit ilaannit ataatsimut akuutitaagaanni, neqeroorummi peqataanissaq anguneqarsinnaanngilaq.

Assersuutigalugu neriorsuisitsinermi qinnuteqaateqartoq neqerooruteqartorluunniit pinngitsaalisasumik peqataatinneqarnissamut patsisinit ilaatinneqannginneq uppersarlugu saqqummiussimappagu, tamanna saniatigut misissussallugu pisiniartoq tunngaviatigut pisisaaffeqanngilaq. Kisianni pinngitsaalisamik peqataatinneqannginnissamut patsit atuutinneqarnerisq pisiniap nalornissuteqarfigilissappagu, atortinneqarpat atortinneqanngikkaluarpuunniit, tamatuma kingunissalimmik ingerlannissaanut pisiniaq pisisaaffeqarpoq, assersuutigalugu qinnuteqaateqartup neqerooruteqartulluunniit tamatuminnga saniatigut uppersaasiinissaa piunasaqaatigineqarpat. Kalaallit Nunaanni eqqartuussivinni aalajangiinerit kisimik aalajangersakkami pineqanngillat. Nunami allami eqqartuussivimmi aalajangiineq qinnuteqaateqartup neqerooruteqartulluunniit peqataatinnginnissaanut aamma pisisaaffiliisuvoq.

§ 19-imut

Aalajangersakkami naqissuserneqarpoq peqataatinneqannginnissamut patsisissat nammineq piomassutsimik aalajangerneqarsinnaasut. Pisiniartup neqeroorutinit ataasiakkaanut tamanut tunngatillugu aalajangiisnaavoq, peqataatinneqannginnissamik patsisissat taakku malinneqassanngitsut.

Assersuutigalugu neriorsuinermik uppersaasaat qinnuteqaateqartup neqerooruteqartulluunniit nassuerutigisimappagit nammineq peqataatinneqannginnissamut patsisinut ilaatinneqannginnini, tamatuma saniatigut misissornissaanut pisisusaaq tunngaviatigut pisussaaffeqanngilaq. Pinngitsaalisamik peqataannginnissamut patsisit atuutsissanersut pisiniartup aammattaaq nalornissutigippagu, tamatuma kingunissalimmik ingerlannissaanut pisiniartuq pisussaaffeqarpoq, assersuutigalugu qinnuteqaateqartup neqerooruteqartulluunniit tamatuminnaga saniatigut uppersaasiinissaa piomasaaqatigineqarpat.

Neqeroortitsinissamut kingusinnerpaamik killiliussap naareernerani tamatumaluunniit kingornatigut patsisissat taakku atuuppata aamma qinnuteqaateqarnissamut kingusinnerpaamik killiliussap naareerneratigut tamatumaluunniit kingorna pitsaassusiliigallarnertalimmik neqeroortitsinermit taakku atuuppata pissutsit peqataatitsinnginnissamut patsisaasuni ilaatinneqarsimasut malissallugit naleqquttuussapput.

Imm. 1-imut

Nr. 1 malillugu neqeroortitsinerup ingerlanneqarneranit suliffeqarfik pisiniartup peqataatinngitsoortissinnaavaa, suliffeqarfik akiliisinnaajunnaarpat, akiliisinnaajunnaartut imaluunniit atorunnaartussat suliarineqarpat taamaaqataanulluunniit killissimappat. Nunami suliffeqarfiup angerlarsimaffigisaani inatsisit naapertorlugit taamaaqataanik ingerlatanut neqerooruteqartuq ilaatinneqarsimappat aamma siuliani pineqartut pineqassaaq.

Aalajangersakkami tunuliaqutaasoq unaavoq, suliffeqarfik akiliisinnaajunnaartut nalunaarutigineqarpat imaluunniit akiliisinnaajunnaartut atorunnaarsinneqartussatulluunniit suliarineqarpat, neqeroorutigineqartup piviusunngortinnissaanut suliffeqarfiup eqqortitsisinnaannginnissaa qanittuararsuusimassaaq.

Nr. 2 malillugu neqeroortitsinermit suliffeqarfik pisiniartup ilaatinngitsoortissinnaavaa, ukiut kingullerpaat pingasut qaangiutinnginneranni inuussutissarsiutip ingerlatami nalaani annertuunik suliffeqarfik sumiginnaasimappat, tassunga ilanngullugu pisiniartumiit imaluunniit pisortat oqartussaaffianit isumaqatigiissummik eqquutitsisimangippat, pisiniartup akuuffigisaanik imaluunniit ima annertussusilimmik peqataaffigisaani, isumaqatigiissutip pineqartup atorunnaarsinnissaanik kinguneqarsimasumik.

Suliffeqarfik peqataatinneqannginnissamik patsisaasunut suliffeqarfiup patsisaasunut ilaatinneqarsimanera pillugu pisiniartuq uppersaanissamik nammataqartussaataavoq. Pisut malillugit uppersaanissamik nammataqartussaaneq erseqqinnerulerneqarsinnaavoq eqqartuussinertaqanngitsunik isumaqatigiissitsiniarsimaneq, misissuiffigineqarsimaneq missingersorneqarsimanerlu, uppersaasiineq, oqaaseqaateqarsimanerit imaluunniit sumiginnaasimanerit suliatigut qanoq issusii suliffeqarfiup kattuffigisaanit taamaaqataanik allatulluunniit uppersaasiinikkut tamanna ersarissisinneqarsinnaappat, tassani ilanngullugu nammineq allalluunniit misilittagaqarfigisimasaat uppersarneqarpata.

Suliffeqarfiutip inuussutissarsiummut ingerlatsinera sumiginnaanermik sumilluunniit tunngatinneqarnera imatut paasineqassaaq, suliffeqarfiup ingerlanneqarneranut atatillugu tamanna pisimassasoq. Tassunga tunngatillugu sumiginnaanerit annertuut assersuutigalugit tassaasinnaapput avatangiisitigut inuuniarnikkulluunniit pisussaaffiit malinneqanngitsoorsimanerat. Assersuutit allat tassaasinnaapput akileraartarnermut malittarisassanik, unammilleqatigiinnermi malittarisassanik imaluunniit piginnittussaataitanermut malittarisassanik unioqqutitsinerit. Aammattaaq tamanna tassaasinnaavoq peqataatinneqannginnissamut patsisaasinnaasunik annertuumik sumiginnaasimaneq, pisiniartup takutissinnaappagu pinngitsaaliissummik peqataatinneqannginnissamut patsisaasut § 18, imm. 1-imi pineqartut ilaannit ataatsimit suliffeqarfik pineqartunik iliuuseqarsimappat, sulili eqqartuussinikkut aalajangiiffigineqarsimanngitsunik.

Aalajangersakkamut tunuliaqut unaavoq, suliffeqarfimmit ungasippallaanngitsukkut pisisumut suliffeqarfiulluunniit kattuffigisaanut isumaqatigiissummik eqquutitsimanngitsumit imaluunniit suliffeqarfiup inuussutissarsiummik ingerlatamini sumiginnaanernik annertuunik allanik iliuuseqarsimasumit neqeroorutaasut akuerinissaanut pisisusaaq pinngitsaalisaaanngimmat.

Nr. 3 malillugu neqeroortitsinerup ingerlanneqarneranit suliffeqarfik pisiniartup peqataatinngitsoortissinnaavaa, pisiniartup pisortalluunniit oqartussaaffiata neqeroorutaanut tunngatillugu paasissutissanik eqqunngitsunik ukiuni kingullerpaani pingasuni suliffeqarfik ilisimannikkaluarluni tunniussaqaarsimappat, pisisussap imaluunniit tamatumunnga ilaasup akisussaaffigisaanik. Assersuutigalugu tamanna pisisussap imaalillugu takutissinnaavaa neqeroorut suliffeqarfiup paasissutissanik eqqunngitsunik tunniussaqaarfigisaanit uppersaatinik saqummiinikkut.

Aalajangersakkami tunuliaqutaasoq unaavoq suliffeqarfik nammineq taassumaluunniit kattuffigisaa sinnerlugu ungasinngitsukkut peqquserluttuliortutut pissusilersorsimasumit neqeroorutip akuerinissaanut pisisusaaq pinngitsaalineqarsinnaanngilaq.

Nr. 4 malillugu neqeroortitsinermit suliffeqarfik pisisussap peqataatinngitsoorsinnaavaa, suliffeqarfik pisortanut 100.000 kr. sinnerlugit suli akilerneqanngitsunik akiligassaareeraluartunik akiitsoqarpat. Aalajangersakkami siunertarineqarpoq pisortat oqartussaasuinut akiitsup appartinneqarnissaa akiligassallu akilerneqanngitsuukkat nutaat pinaveersaartinnissaat.

Akiitsut akilereersimasussaagaluit 100.000 kr. sinnerlugit nalillit suli akilerneqanngitsut eqqartuussinikkut annertussusilernissaat imaluunniit inaarutaasumik akisussaaffiusumillu sunniutilimmik allaffissornikkut aalajangiiffiqineqarnissaat piumasaqaataanngilaq.

Aalajangersakkami aammattaaq pineqarput akiitsut akilereersimasussaagaluit suli akilerneqanngitsut kingunerisaanik erniaalersinnaasut imaluunniit akileeqqusissutaasinnaasut.

Akiitsoq taamaallaat atuussinnaavoq qinnuteqarfissatut kingusinnerpaamik killiliussap naareernerani tamatumaluunniit kingorna pitsaassusiliigallarnertalimmik neqerooruteqartitsinermit aamma neqerooruteqartitsinermit kingusinnerpaamik killiliussap naareernerani tamatumaluunniit kingorna suli akiligassaappat.

Imm. 2-mut

Imm. 2 naapertorlugu suliffeqarfik pisortanut akiitsullip peqataatinneqannginnissaa pisisussap aalajangersimappagu, takuuk imm. 1, nr. 4, pisisussap nassuerutigisinnaavaa suliffeqarfik taama ittup peqataatinneqannginnissaa pissanngitsoq, tassani pissutsit immikkut ittut atuuppata.

Nr. 1 malillugu pissutsit immikkut ittut taamaattut assersuutigalugit tassaasinnaapput neqeroortitsinermit peqataasut tamarmik imm. 1, nr. 4-mi nassuiaatigineqartutut akiitsullit. Tamanna assersuutigalugu tassaalersinnaapput pisuni atuutilersinnaasut, aningaasaqarnikkut pisup kingunerisaanik suliaqarfimmi tassanerpiaq peqataasut amerlasuut pisortanut akiligassanik akileriigassaagaluani suli akiitsoqartut.

Nr. 2 malillugu pisisussap nassuerutigisinnaavaa suliffeqarfiup imm. 1, nr. 4-mi ilanngunneqartup peqataatinneqannginnissaa pinngitsoortinniarlugu, akiitsut 100.000 kr. sinneqartut ilaat suliffeqarfiup qularnaveeqqusiussimappagit.

Nr. 3 malillugu pisisussap nassuerutigisinnaavaa suliffeqarfiup imm. 1, nr. 4-mi pineqartup peqataatinneqannginnissaa pinngitsoortikkusullugu, suliffeqarfik akiitsup akilersorneqarnissaa pillugu isumaqatigiissuteqarsimappat isumaqatigiissumillu malinnissimappat.

Nr. 2 naapertorlugu qularnaveeqqusiineq imaluunniit nr. 3 naapertorlugu pituttorneqaataasumik aqqissuussineq pillugu isumaqatigiissuteqarneq nr 3 pereersimassaaq

neqerooruteqarnissamik kingusinnerpaamik killiliussap naannginnerani aamma qinnuteqarnissamut kingusinnerpaamik killiliussap naannginnerani pitsaassusiliigallarnertalimmik neqerooruteqartitsinerup naannginnerani.

§ 20-mut

Aalajangersakkami naqissuserneqarpoq piukkunnassusissamut qinnuteqaateqartut neqerooruteqartullu naammassisassaannut piumasaaqatit minnerpaaffissaat pisisussamit aalajangerneqarsinnaasoq. Minnerpaaffissamik piumasaaqatit taamaattut pisisussap aalajangersimappagit, qinnuteqaateqartut neqerooruteqartullu piumasaaqatit tamaasa naammassissavaat, taakkua neqeroorutaat ilanngunneqarsinnaassappata.

Piukkunnassusissamut minnerpaaffissatut piumasaaqatit taamaattut aalajangernissaanni siunertarineqarpoq neqeroorutit pisisussap nalilersugaasa neqeroorutillu naammassinissaannut piukkunnarnerannik ajunngitsumik uuttortarnissaannut najoqqutarineqartut naapertorlugit suliffeqarfinit tunniunneqarsimasut ilaatigut pisiniamut qularnaarneqareersimanissaat.

Neqeroortitsinermi piumasaaqatini pisisussap toqqarsinnaavaa allat pisinnaasaatigut piukkunnassusissamut piumasaaqatit minnerpaaffissaannik qinnuteqaateqartut neqerooruteqartullu naammassinninnissamut tunngavigissagaat. Taama pisoqartillugu pisisussap matumunnga uppernarsaanissaq piumasarisinnaavaa, tassalu taanna naammassinninnissamut tunngaveqartuusoq, qinnuteqaateqartumut neqerooruteqartumulluunniit pineqartumut taamaanneratut pisussaaffeqassasoq.

Imm. 1-imut

Piukkunnassutsimut piumasaaqatit minnerpaaffissaat immikkoortitikkanut pingasunut taakkununga atuussinnaasut aalajangersakkami tulleriinnilersorneqarput, tassalu 1) inuussutissarsiuutit pineqartup ingerlatarinissaanut piukkunnassuseq, 2) aningaasaqarnikkut pisinnaassuseqarneq kiisalu 3) teknikikkut suliatigullu paasisimasaqassusermik pisinnaasaqarneq.

Pisisussap piumasarisinnaanngilaa piukkunnassutsimut minnerpaaffissatut piumasaaqatinit taakkuninngarnit suussutsit allat qinnuteqaateqartunit neqerooruteqartunilluunniit naammassineqassasut.

Imm. 2-mut

Piukkunnassusissamut piumasaaqatit minnerpaaffissaasa taanissaanut atatillugu pisisussap aalajangersassavaa minnerpaaffissatut piumasaaqatit naammassineqarsimanerat suliffeqarfiit qanoq iliorlutik uppernarsassaneraat.

Imm. 3-mut

Piukkunnassutsimut minnerpaaffissatut piumasaqaatit § 7 naapertorlugu aalajangersarneqassapput. Taamaalilluni minnerpaaffissatut piumasaqaatit isumaqatigiissummi pineqartumut attuumassuteqassapput tassungalu sanilliullugu naapertuutissallutik. Tamanna aamma atuuppoq uppersaanissamut piumasaqarnermi.

Imm. 4-mut

Aalajangersakkami tulleriinnilersorlugit assersuusiorneqarput inuussutissarsiutip neqeroortigineqartup ingerlannissaanut piukkunnassuseqarneq pillugu sunik minnerpaaffissatut piumasaqaateqartoqarsinnaanersoq. Aalajangersagaq tamakkerneqanngilaq.

Imm. 5-imut

Aalajangersakkami tulleriinnilersorlugit assersuusiorneqarput aningaasaqarnikkut pisinnaasassat pillugit sunik minnerpaaffissatut piumasaqaateqartoqarsinnaanersoq. Aalajangersagaq tamakkerneqanngilaq.

Uppersaatissatut piumasaqaatigineqartup saqqummiunnissaanut suliami peqataasoq atuuttumik pissuteqarluni pisinnaanngippat, uppersaasiussami allani sumiluunniit aningaasaqarnikkut pisinnaassuseqarnini pineqartumi pisiniap piukkunnartutut isigisaanut uppersarsinnaavaa. Tamanna assersuutigalugu piukkunnarsinnaavoq suliffeqarfik aallarterlaajuppat, taamaannermigullu ukiumut qaangiuttumut naatsorsuutinik kisitsisit ilaalu ilanngullugit saqqummiussinnaanngippagit.

Imm. 6-imut

Aalajangersakkami assersuutit makku tulleriinnilersorneqarput, teknikimut suliatigullu paasisimasaqassutsimut pisinnaasaqarneq pillugu minnerpaaffissatut piumasaqaatit sumut tunngatinneqassanersut. Aalajangersagaq tamakkerneqanngilaq.

Nr. 1-imut

Najoqqutarisat amerlassusaannik annertussusaannillu pisisusaq taamaallaat pingaartuutitsissaaq. Taamaalilluni suliasap najoqqutarisap qanoq ililluni aamma iluarsiivigineqarsimanera pisisussap pingaartuutissanngilaa.

§ 21-mut

Aalajangersakkami pitsaassusiliigallarnissamut piumasaqaatit aalajangersarneqarput. Aalajangersagaq taamaallaat atorsinnaavoq killilimmik neqeroorteqarnermi aamma nalunaarummik tunngaveqareernani isumaqatigiinniareernikkut neqeroortinut, neqeroorteqartitseriaatsit allat pitsaassusiliigallarnissamik nassataqartussaannimmata.

Imm. 1-imut

Aalajangersakkami naqissuserneqarpoq neqerooruteqartitsinermut nalunaarummi suliffeqarfiit pitsaassusilerneqarallartussatut pisisussap naatsorsuutigisai qassiussanersut pisisussap aalajangersassavai. Taakku amerlassusissaat unammillernissaq eqqarsaatigalugu ikinnerpaamik 3-ussapput. Taakku amerlassusissaat akunnequtilersorlugit taaneqarsinnaapput.

Imm. 2-mut

Aalajangersagaq naapertorlugu amerlassusiliussanit suliffeqarfinnik amerlanerusunik pisisussaq pitsaassusiliigallartitsisinnaanngilaq. Siullermik suliffeqarfiit peqataatitsinnginnissamik patsisiliussanit ilaatinneqartut, takuuk §§ 18-19, pisiniartup peqataatinngitsoorsinnaavai. Tulliullugu takuuk § 20, suliffeqarfiit piukkunnassusissamut minnerpaaffissatut piumasagaatinik naammassinninngitsut pisiniartup itigartitsissutigisinnaavai. Suliffeqarfiit sinneruttut akornanni aalajangersorneqareersunit qinnuteqaateqartut amerlanerutillugit suliffeqarfiit toqqarneqarnissaminnut najoqqutassanik pitsaanerpaamik naammassinnittut pisisussap toqqartorsinnaavai.

Aalajangersimasuniit qinnuteqaateqartut ikinnerusut pisisussap pitsaassusiliigallartissinnaavai, ima pisoqartillugu:

- a) qinnuteqaateqartut ikinneruppata, imaluunniit
- b) §§ 18-20 naapertorlugit qinnuteqaateqartut naammassinnissimasut ikinneruppata.

Tassa pisut taakku 2-innaapput, qinnuteqaateqartut aalajangersarneqarsimasuinnarnit ikinnerusut pitsaassusiliigallarnissamut piukkunnaateqarpata.

Imm. 3-mut

Aalajangersakkami naqissuserneqarpoq qinnuteqaateqartut pitsaanerpaat (pitsaassusiliigallarnermi) toqqartornissaat siunertaralugu pitsaassusiliigallarnissamut piumasagaatini toqqartuinissamut najoqqutassat pisisussap aalajangersassagai. Taakku tassaapput najoqqutassat suliffeqarfiit sorliit toqqartorneqareerpata, suliffeqarfiit §§ 18-20 naapertorlugit piumasagaatini naammassinnissimasut amerlanerussappata pitsaassusiliigallarnissami pisisussap naatsorsuutigisaaninngarnit.

Toqqartuinissamut najoqqutassat piukkunnassutsimut minnerpaaffissatut piumasagaatini pissutsinut taakkununnarpiaq tunngasuusinnaapput, takuuk § 20, assersuutigalugu:

- 1) Patajaatsuussuseq annertunerpaaq.
- 2) Innersuussuteqarfigisassat naleqqunnerpaat.
- 3) Sulisut pisinnaasaqarnerpaat.
- 4) Pitsaassusissamik aqutsinermi immikkuualuttortalersorneqarnerpaat aamma uppernarsaasigaalluarnerpaat.

Imm. 4-mut

Neqerooruteqartitsinermit pitsaassusiliigallarnissamut qinnuteqaateqartup itigartinneqareersimasup peqataalerseqqinnissaanut pisisusaaq aalajangersakkami periarfissinneqarpoq, suliffeqarfik pitsaassusiliigallarnermut peqataatinneqarsimasooq neqeroortitsinermit anisutut nalunaaruteqarpat.

Taamaattorli iliuutsimi tassani piumasarineqarpoq qinnuteqaateqartoq itigartitaasimasup peqataatinneqaaqilernissaanut maanna isumaliutigineqartup §§ 18-20 naapertorlugit piunasaqaatinik tamanik naammassinnissimasooq. Aammattaaq assigiimmik pinninnissamik paasiuminartuunissamillu tunngaviusumik periaaserineqartut ajornartinnigilaat, qinnuteqaateqartut itigartinneqarsimasut pisisussap ilanngutiteqqissappagit, imm. 2 naapertorlugu toqqartuinissamut najoqqutassatut aalajangersakkanik pitsaanerpaamik naammassinnissimasut.

§ 22-mut

Aalajangersakkami naqissuserneqarpoq periaaseq piunasaqaatit immikkuualuttortalersorneranni teknikikkut immikkuualuttortalersuutit pisisussap aalajangersaanissaani.

Teknikip tungaatigut suussutsinut nassuiaatit neqeroortitsisup pisiariniakkatut eqqarsaatigisaani piginnaasassatut piunassaqaataatut paasineqassapput.

Pappiaqqatut uppernarsaammi piunasaqaatit immikkoortortalersornerusut pisisussap taasimasaaniit allami teknikikkut immikkoortortalersuutit taanerisigut aalajangersagaq avaaqqunneqarsinnaanngilaq. Akiliummut namminermut piunasaqaataasinnaasut tamarmik, neqerooruteqartoqarnissaanut atortussani nalunaarutigineqartut, allagaatit qulequtaat apeqqutaatinnagit piunasaqaatit isigineqassapput.

Imm. 1-imut

Neqeroorummut namminermut neqerooruteqarnermi atortussani taaneqartunut piunasaqaatit suulluunniit, uppernarsaasiussami qulequtsigaq apeqqutaatinnagu piunasaqaatit immikkoortortalersuutaattut isigineqassapput.

Taamaalilluni neqeroorummi suliassatut kissaatigisaq imaluunniit piunasaqaatini assigiiaarinissat naammassineqarnissaattut kissaatigisat pisisussap nassuiaasiussavai pisiffigisat aalajangersimasut imaluunniit taamaaqataannik piunasaqarfigninnissaminngarnit, unammilleqatiginnermik annikillisitsisuusumik.

Teknikip tungaatigut suussutsinut nassuiaatit tunisassiami imaluunniit kiffartuussissummi pisariaqartutut piginnaasat aalajangersarpaat, taamaalillutik neqeroorummi piumasaqaatinik naapertuutsisisunik neqerooruteqartut neqeroorutinik tunniussaqaarsinnaassallutik.

Neqeroortitsisoq teknikip tungaatigut suussutsinik nassuiaasiorsinnaavoq, neqerooruteqarnissamut periarfissiisunik, niuffaffimmi teknikip tungaatigut iluarsiinissamut periarfissanik, najoqqutaasunik aamma teknikip tungaatigut suussutsinik nassuiaatinik assigiinngitsorpassuarnik takussutissiisunik.

Neqerooruteqartitsisup teknikip tungaatigut suussutsinik nassuiaatit imatut iluseqartissavai unammillernermik pissusissarinnngisatut nerukillisaaneq pinaveersissallugu. Atuuffissatut piumasaqaatit ilusilinnik teknikip tungaatigut suussutsinik nassuiaasiornert qaqutiguunngitsukkut sapinngisamik pitsaanerpaamik iluseqartumik angusassamik tamatuminnga angusaqarnissaq periarfississinnaavaa. Atuuffissatut piumassaqaatit aamma qaqutiguunngitsukkut pisortat neqeroortitsinerannut atatillugu pilersitsiniarnermik siuarsaasinnaapput.

Nioqputinut kiffartuussissutinullu tunngatillugu neqeroortitsisoq assersuutigalugu pitsaassuttip inissimaffianut, avatangiisini aamma silap pissusaani ingerlataqarsinnaanermut, atuuffigisakkut piginnaasaqassutsimut, tunisassiap atorneranut, isumannaallisaanermut, najoqqutassianut tunisassiaasumut niuernermit taaguutaasumut aamma oqaatsinut atortakkanut tungnasunut, misileraanermut aamma misileraariaatsinut, poortuinnermut atornissaanullu ilitsersuinnermut tunngasunik piginnaasassanik aalajangersaasinnaavoq.

Teknikip tungaatigut suussutsinik nassuiaanerit suliarinerannut atatillugu naleqqersuinnermut tunngavigisaq neqeroortitsisup immikkut sianigisariaqarpaa, isumaqatigiissutip nalinganut anguniagaanullu piumasaqaatinik naleqqersuunneqarsinnaasunik neqeroortitsisoq naleqqersuinnermut tunngavigisaq najoqqutaralugu taamaallaat aalajangersaasinnaammat. Tamatuma nassatarisaatigut taamaallaat suliassap naammassineqarnissaanut piumasaqaatit pisariaqartut naleqqullugu aalajangersarneqarsinnaapput.

Imm. 2-mut

Aalajangersagaq naapertorlugu aalajangersimasumik pilersinneqaqqaarfimmiit imaluunniit nioqputissat ilisarnaataannik immikkut ittumik imaluunniit fabrikkimi sorlermi suliarineqarsimaneq pillugu pisisussaq piumasaqaateqarsinnaanngilaq. Tassani pissutigineqarpoq innersuussutit taamaattut unammillersinnaaneq taamaanneratut killilersinnaammassuk sanguallatsissinnaalluguluunniit kiisalu tamanna paasiuminaallisinneqarsinnaammat, pisinermi pisisussap sunik piumasaqaateqarneratigut. Tamatumunnga taarsiullugu assersuutigalugu atorsinnaanissamut piumasaqaatit sapinngisamik annertunerpaamik pisisussap malissavai, takuuk imm. 1.

Imm. 3-mut

Imm. 2-mi pineqartut immikkoortortalersuutit innersuussutiginiisaannut allat periarfissarinngisaannik pisisussaq aalajangersakkamit pisisussamut aalajangersagaq periarfissiiivoq. Tassani siullermik piunasaqaataavoq taamatut innersuussutissat suulluunniit oqaasertamik ”taamaaqataannilluunniit” malitseqartinneqassasut.

Aammattaaq aalajangersagaq taamaallaat atorneqarsinnaavoq imm. 1 naapertorlugu atorsinnaassusissamut piunasaqaatit aamma assigiiaarinissamut innersuussutit aqutigalugit neqeroorutit kissaatigineqartup nassuiaasersornissaanut periarfissaqartoqartinnagu.

Tamatuma nassatarisaanik taamaallaat neqeroortitsisoq suliamut tunngasunik tunngavigisassanik nalunaarsuisinnaassappat unammillernermik killilersuisumik sunnuteqartunik immikkut ittunut nioqqutissat suussusaannut imaluunniit sananeqaatinut piunasaqaatinik aalajangersagaqarnissamut periarfissaqarpoq.

Imm. 4-mut

Aalajangersakkami naqissuserneqarpoq imm. 1-3-mi pineqartut apequtaatinnagit neqeroorutip tunisassianut aaqiissutissanulluunniit pioreersunut ataqatigiissinnissaannik piunasaqarnissamut pisisussaq killeqanngitsumik periarfissinneqarpoq, tassani ilanngullugit hardwarenik imaluunniit softwarenik IT-mit pisinermi.

Naapertuuttuunissamik § 7 naapertorlugu piunasaqaatit tamatigut aalajangersorneqartassapput, taamaattumillu ataqatigiissinneqarnissamik piunasaqaatit ilaatigut ingerlateqqinneqanngisaannassapput, uani pisumi suliatigut pisisussap paasisimasassatut pisariaqartitaasa naammassinissaannut pisariaqartinneqartuninngarnit.

§ 23-mut

Aalajangersakkami naqissuserneqarpoq neqeroorutit tamanut ammasumik saqqummiunneqartussat pisisussap qanoq iliorluni saqqummiutissanerai. Tamanut ammasuunissamik pisusaatitaanermi isiginiagassat tassaapput niuernerme peqataasut paasiuminartuliornissaat naligiissumillu pineqarnissaat.

Imm. 1-imut

Aalajangersagaq naapertorlugu neqeroorummik nalunaarutip tamanut ammasumik saqqummiunniisaani tamatigut aqutigineqartassaaq Namminersorlutik Oqartussat Nittartagaani. Tamanna aamma atuuppoq pisortat oqartussaaffiinut suliffeqarfiinullu Namminersorlutik Oqartussat ilaattut atasuunngitsumik. Tassani siunertarineqarpoq Kalaallit Nunaanni neqeroorutit tamaasa niuernerme peqataasut tamarmik tamakkiisumik takusinnaasaannik nittartakkat ataasiakkaat attatiinnarnerisigut paasiuminassuseq assigiimmillu pinninnissaq pilersissallugu.

Neqeroortitsinermik nalunaarut kalaallisut qallunaatullu ataatsikkut tamanut ammasumik saqqummiunneqassapput.

Pisisussap tamanut ammasumik saqqummiunnerannut peqatigitillugu kingornaluunniit neqeroorut ussasaarutigisinnaavaa Kalaallit Nunaanni nunaniluunniit allani tusagassiorfiit allat aqutugalugit. Assigiisumik pinninnissaq mianeralugu neqeroorummut nittartakkami nittartakkap tamanut ammasumik saqqummiutinnginnerani pisinnaangilaq.

Nalunaarut tunngavigereerlugu isumaqatigiinniareernikkut neqerooruteqartarnerup neqeroorut pillugu nalunaarummik ilaqartussaangimmat, neqerooruteqariaaseq taanna aalajangersakkami ilanngunneqanngilaq.

Imm. 2-mut

Aalajangersagaq malillugu pisisussap siunertani nassuerutigissavaa tamanut ammasumik neqeroorut, killilimmik neqeroorut imaluunniit siumoortumik nalunaaruteqarnermi siumoortumik nalunaarut tunngavigalugu isumaqatigiinniareernikkut neqerooruteqarnissaq ingerlatissanerlugu. Neqeroorummi nalunaarut Namminersorlutik Oqartussat Neqeroorutitut Nittartagaani pisisussap tamanut ammasumik nalunaarutigissavaa neqeroortitsinermi nalunaarutip tamanut ammasumik saqqummiutinnginnerani sivikinnerpaamik sapaatit akunneri 4-t ingerlaneranni.

Nalunaarut pisariaqassappat nalunaarutigineqassaaq, tassa imaappoq pisisussap neqerooruteqartoqarnissaq ilisimassavaa ilisimasariaqarluguluunniit.

Tassani siunertarineqarpoq paasiuminartuliornissaq assigiisumillu pinninnissaq nittartakkap ataatsip atuinarneratigut taamaaliornikkut Kalaallit Nunaanni massakut siunissamilu neqeroorutissat niuernermi peqataasut tamarmik tamakkiisumik takunnissinnaaqullugit.

§ 24-mut

Aalajangersakkami naqissuserneqarpoq neqeroortitsinerup nalaani neqeroortitsinermi atortussat pillugit apeqqutit qanoq ilillugit suliarineqassanersut. Neqerooruteqarsinnaasuni allani mianerisassat tunuliaqutaasut tassaapput paasiuminartuunissaq assigiisumillu pinninnissaq.

Apeqqutit neqeroortitsinermi atortussat erseqqissaaviginissaannut pissutissaqartitsinngitsut aamma neqeroortitsinermi atortussat ilaasa erseqqissut taamaallaat innersuussutiginissaanni, oqaatigiinnarlugit apeqqutigineqarsinnaapput akineqarsinnaallutillu taakkulu nalunaarummi ilanngunneqanngillat.

Assersuutigalugu neqeroorut tunniunneqassatillugu apeqqutigineqartoq pisiniartup nammineq isummani malillugu akisinnaavaa. Tassani piumasarineqarpoq neqeroortitsineri atortussat erseqqissumik naleqquttumillu paasissutigineqassat aamma neqeroortitsineri atortussani oqaasertat erseqqissaaviginissaat pisariaqassanngitsoq.

Imm. 1-imut

Aalajangersagaq naapertorlugu apeqqutit pisisussamut saqqummiunneqassapput neqeroortitsineri piffissaliussaq kingusinnerpaamik ullunik qulinik sioqqullugu. Taamaalilluni neqerooruteqarsinnaasut tamarmik apeqquteqarnissamut assigiimmik killissaqartinneqarput.

Imm. 2-mut

Aalajangersagaq malillugu neqeroortitsineri piumasaqaatini pisisussap qinnuteqaatigissavaa, neqerooruteqarneri atortussanut apeqqutit tamarmik allaganngorlugit saqqummiunneqarnissaat. Tassani siunertarineqarpoq pineqartut uppernarsaaserneqarsinnaassuseqarnissaat.

Imm. 3-mut

Aalajangersakkami naqissuserneqarpoq apeqqutit tiguneqartut piffissaq eqqorlugu pisisussap tunngaviusumik akissuteqarfigissagai, takuuk imm. 1, neqerooruteqarnissamut naleqquttumik killiliussap iluani neqerooruteqarnissamut killiliussaq aalajangersimasoq sioqqullugu.

Apeqqutit piffissaq eqqorlugu tiguneqarsimanngitsut tunngaviatigut itigartinneqassapput. Taamaattorli neqeroortitsinissamut killiliussap naanissaata tungaanut apeqqutit pisisussap piffissaatillugu apeqqutigineqarsimasut akineqarnissaat toqqarsinnaavaat, apeqqutigineqartoq pingaaruteqarpat.

Apeqqutit piffissaatillugu saqqummiunneqarsimanngitsut akinissaanni oqaatigineqareersutut piumasarineqarpoq, apeqqutip ilutsimigut siullerpaamik saqqummiunneqarsimanissaa. Tassani una pineqarpoq, tassalu neqerooruteqarsinnaasut tamaasa eqqarsaatigalugit ataatsimut isiginnilluni apeqqutigineqartoq neqeroorummi atortussat paasinissaanut annertuumik pingaaruteqassasoq.

Imm. 4-mut

Aalajangersakkami naqissuserneqarpoq, takuuk imm. 3, apeqqutinik pisisussap akissuteqarnissaa pissammat apeqqutip akissutillu allaganngorlugu pigalugu Namminersorlutik Oqartussat neqeroortitsineri nittartagaani aaneqarsinnaanngorlugit imaluunniit e-mail apeqqutinik akissutaat ilanngullugit suliffeqarfinnut tamanut neqeroortitsineri peqataasunut e-mailimik ataatsikkut nassiussinikkut. Periaatsit taakku marluk pisisussap toqqarsinnaavai tamanna neqeroortitsineri piumasaqaatini paasissutigineqareersimappat.

Apeqquiti akissutillu tamarmik kimit pisuunerat paasiuminaallisagaassapput tamanna toqqaannartumik imaluunniit toqqaannartumiunngitsoq neqerooruteqarsinnaasunut tamanut kina apeqquiteqarsimanersoq ersersinneqassanngilaq.

Kingusinnerusukkut innersuussinissaq eqqarsaatigalugu iluaqutaassaaq apeqquiti saqummiunneqartut normulersugaappata.

§ 25-mut

Imm. 1-imut

Aalajangersakkami naqissuserneqarpoq neqeroortitsinermit pitsaassusiliigallarnissaq pillugu qinnuteqaateqarnissamut kingusinnerpaamik piffissaliussaq sorleq pisisussap malissagaa. Aalajangersagaq taamaallaat atorsinnaavoq killilimmik neqerooruteqarnermi aamma nalunaarummik tunngaveqareernani isumaqatigiinniareernikkut neqeroorutinut, neqerooruteqartitseriaatsit allat pitsaassusiliigallarnissamik nassataqartussaangimmata.

Pitsaassusiliigallarnissamut qinnuteqaateqarnissamut piffissaliussaq uppersaanissamik piunarsaatitut aalajangeriikkanut naammaginartumik naapertuutissaq neqeroortitsinermillu nalunaarutip tamanut ammasumik nalunaarutigineqarneraniit minnerpaamik ullunik 14-inik sioqqutsisumik pisassalluni. Mianerisassatut tunuliaqutaasoq tassaavoq naapertuutuuissaq.

Killiliussap naammaginartuunissaa piffissaq atorineqartussa kisiat tunngavigalugu nalilerneqassanngilaq, tamannami uppersaanissamik piunarsaatitut sulluunniit naammassinnaanut aqqissuussineq eqqarsaatigalugu pisariaqarmat. Pisisussap aammattaq manna eqqarsaatigissavaa, suleriaatsitut ileqqorisamik nalinginnaasut qaavatigut suliffeqarfiit naammassinnaannut sapernassanngimmat.

Imm. 2-mut

Neqeroortitsinermit atortussani annertuunik allannguuteqartoqarpat neqeroortitsinerup nalaani piffissaliussap sivitsornissaanut neqeroortitsisoq pisussaaffeqarpoq. Qinnuteqaatit imaluunniit neqeroorutip ilusilersornissaanut pisariaqartunik paasissutissanut taakkununga suliffeqarfiit ilisimasaqarsinnaanissaat tamatuma qularnaassavaa. Annertuunik allannguuteqartoqarnersoq pillugu nalilersuineq § 8, imm. 1-imi tunngavigisat sianigalugit pissaaq.

Piffissaliussamik sivitsuineq naleqqersuussinermit tunngavigisamik najoqqutaqarluni aalajangerneqassaaq. Tamatuma nassatarisaanik sivitsuineq paasissutissat, allagaatit, imaluunniit allannguutit pingaaruteqassusaannut naleqqiullugit naammaginartumik inissisimassaaq, aammalu suliffeqarfinnut qinnuteqaatit imaluunniit neqeroorutit tunniunnaannut naammaginarmik piffissamik tunissallugit.

Piffissaliussanik sivitsuinissamut neqeroortitsisoq pisussaaffeqassappat neqeroortitsinermut nalunaarummi piffissaliussaq nalunaarsimaneqassappat sivitsuineq neqeroortitsinermut nalunaarummi naqqiissutitut tamanut saqqummiunneqassaaq. Neqeroortitsinermut atortuni immikkoortuni allani piffissaliussat nalunaarsimaneqassappata piffissaliussat sivitsorneri neqeroortitsinermut atortussanut naqqiissutitut tamanut saqqummiunneqassappat.

Neqeroortitsinermut atortussat kikkunnit tamanit pissarsiarineqarsinnaaffiani internettimi nittartakkap assingani naqqiissutaasoq tamanut saqqummiunneqassaaq.

§ 26-mut

Imm. 1-imut

Aalajangersakkami naqissuserneqarpoq neqeroortitsinissamut piffissaliussat sorliit neqeroortitsinermi pisisussap malissagai. Aalajangersagaq taamaallaat malinneqassaaq tamanut ammasumik neqeroortitsinermi aamma killilimmik neqeroortitsinermi. Taamaalilluni isumaqatigiinniareernikkut pisisussaq tamakkiisumik kiffaanngissuseqartitaavoq neqeroortitsinermi piffissaliussaq pissusissamisoorloq sorleq nammineq nalilissallugu, tassani pilersaarutaasumik isumaqatiginninniarnissaq apeqquataassammat.

Ikiorssiissummut neqeroorutigineqartumut naleqqiullugu piffissaliussaq naammaginaruussaaq neqeroortitsinermillu nalunaarutip tamanut ammasumik nalunaarutigineranit tamatigut minnerpaamik ullut 14-it sioqqullugit pisariaqassalluni aamma killilimmik neqeroortitsinermi atortussat attavigisinnaanissaanut minnerpaamik ullut 14-it piffissaliunneqassallutik. Mianerisassamut tunuliaqutaasoq tassaavoq naapertuuttuunissaq.

Piffissaliussamut naammaginaruunissaa nalilerneqassaaq neqeroorutigineqartup annertussusia tunngavigalugu. Neqeroorut annertuneruppat, neqeroorutip tamakkiisumik suliarinissaanut piffissarititaasoq sivisunerussaaq aamma taamaalilluni neqerooruteqarnissamut piffissaliussaq suli sivisunerussalluni.

Imm. 2-mut

§ 25, imm. 2-mut oqaaseqaatit innersuussutigineqarput.

§ 27-mut

Imm. 1-imut

Aalajangersakkami naqissuserneqarpoq qinnuteqaateqartut pitsaassusiliigallarnermi peqataatinneqarsimanagerat pillugu pisisussaq qanoq ililluni nalunaaruteqassanersoq. Aalajangersagaq taamaallaat atorsinnaavoq killilimmik neqerooruteqarnermi aamma nalunaarummik tunngaveqareernani isumaqatigiinniareernikkut neqeroorutinut, neqerooruteqartitseriaatsit allat pitsaassusiliigallarnissamik nassataqartussaannimmata.

Pitsaassusiliigallartitsinerup inernera qinnuteqaateqartunut tamanut allaganngorlugu pisisussap ataatsikkut nalunaarutigissavaa.

Imm. 2-mut

Qinnuteqaateqartut itigartitaasut eqqarsaatigalugit itigartitsinermut pissutaasoq nalunaarummi ilanngunneqassaaq. Qinnuteqaateqartut ataasiakkaat mianerinissaat pillugit patsisaasoq qinnuteqaateqartunut ataasiakkaanut tamanut immikkut ilusilerneqassaaq. Mianerisassat tunuliaqutaasut tassaapput qinnuteqaateqartut assigiimmik pineqarnissaat aamma paasiuminartuunissaat.

§ 28-mut

Aalajangersakkami naqissuserneqarpoq neqerooruteqarnerup nalilerneqarnerata inernera pisisussap qanoq ililluni neqerooruteqartunut nalunaarutigissaneraa. Siunnersuut naapertorlugu neqerooruteqartitseriaatsinut tamanut aalajangersagaq atuuppoq.

Imm. 1-imut

Aalajangersagaq malillugu neqeroorutitut tamanut manna atuuppoq tassalu tunniussinermik aalajangiineq pillugu nalunaarut allaganngorlugu neqerooruteqartunut ataatsikkut pisisussamit nalunaarutigineqassammat.

Imm. 2-mut

Qinnuteqaateqartut itigartitaasut eqqarsaatigalugit itigartitsinermut pissutaasoq nalunaarummi ilanngunneqassaaq.

Qinnuteqaateqartut ataasiakkaat mianerinissaat pillugu patsisaasoq qinnuteqaateqartunut ataasiakkaanut tamanut immikkut ilusilerneqassaaq. Mianerisassat tunuliaqutaasut tassaapput neqerooruteqartut assigiimmik pineqarnissaat aamma paasiuminartuunissaat.

Imm. 3-mut

Aalajangersagaq naapertorlugu §§ 18-20 naapertorlugit piumasaqaatit naammassisimanissaannut uppersaasiisimannginnerup kingunerisaanik neqerooruteqartut pisisussap itigartissimasai imaluunniit peqataatissimanngisai neqerooruteqartussanit allaniit siusinaarnerusumik peqataatinneqannginnissaq nalunaarutigissavaa.

Aalajangersagaq taamaallaat malinneqarsinnaavoq tamanut ammasumik neqeroortitsinermi, neqeroortitseriaatsini allani §§ 18-20 naammassineqarsimanerat aalajangiiffineqassammat pitsaassusiliigallartitsinermi allatulluunniit toqqaanermi.

Siusinnerusukkut nalunaaruteqarnissami siunertarineqarpoq neqerooruteqartussat piareersaataasa maangaannartinninnissaat pinaveersaartinneqassammat, imaappoq

isumaqatigiissut neqerooruteqartup ajugaaffigisinnaanngisaata naammassinissaanut piareersaanissaq pinngitsoortikkumallugu.

§§ 18-20 naapertorlugit peqataatinneqannginnissaq piukkunnassuserlu neqeroortitsinissap nalilerneqarnissaata pinnginnerani naliliiffigissallugu iluaqutaassaaq, itigartitsineq aamma peqataatinneqannginnissaq pillugu siusinnerusukkut nalunaaruteqarnissaq ajornannginnerusassammat. Tamatumunngali pisisussaq pisussaaffeqanngilaq.

Imm. 4-mut

Neqerooruteqartunut tunniussinissamik aalajangiussineq pillugu nalunaaruteqarnerup kingornatigut, takuuk imm. 1, neqeroortitsisup tunniussinermik aalajangiussineq pisortat neqeroortitsinermik nittartagaanni tamanut saqqummiutissagaa aalajangersakkap aalajangersarppaa. Tunuliaqutitut sianigisaq tassaavoq tamanik takunnissinnaatitaaneq.

§ 29-mut

Aalajangersakkami naqissuserneqarpoq pisut ilaat patsisaatillugit neqeroorummik pisisussap atuuttussaajunnaarsitsinissamut piginnaatitaanera.

Imm. 1-imut

Aalajangersagaq naapertorlugu neqeroorutigineqartoq pisisussap atorunnaarsissinnaavaa, tamatumunnga suliaticigut paasisimasaqassuseq tunngavissaqarpat. Suliamik paasisimannittutut tunngavissaqarneq pillugu piumasaqaammi tunngaviusoq unaavoq, tassalu iliuitsit unammillernermut sangutitsisinnaasut pinaveersaartinnissaat.

Sulianik paasisimasaqassusermut atorunnaarsitsisarnernut tunngaviusut pillugit assersuutit 4-t aalajangersakkami tulleriinnilersorneqarpat. Allattukkat tamakkiisuunngillat.

Nr. 1-mut neqeroortitsinermut atortussani imaluunniit neqeroortitsinermi periaatsini kukkunerit annertuut paasineqarsimappata. Takuuk § 8-mut nassuiaatini pingaartitassat nalilersorneqarnerat.

Nr. 2-mi pineqarput aningaasaliisarnermut pissutsit tunngavigalugit isumaqatigiissummi pisisussaq ilanngunneqarsinnaanngippat. Neqeroorutip akilernissaanut pisisussaq aningaasaliissutinik pisarialinnik naammaginartunillu tigusaqarsimanngippat, pisisussap neqeroorut atorunnaarsissinnaavaa.

Nr. 3-mi pineqarpoq pisisussap maluginiassagaa aaqqiissutissatut neqeroorutigineqartoq pissusissamisuunngitsoq. Uani pineqarpoq nr. 1-imi taaneqartumut assingungajattoq, taama pisoqartillugu neqeroortitsinermi atortussat annertuumik allannguuteqartinnissaat pisariaqalartarmat.

Nr. 4-mi pineqarpoq pitsaassusiliigallarnej pillugu qinnuteqaatit akuerineqarsinnaanngitsut imaluunniit neqeroorutit akuerineqarsinnaanngitsut kisiisa pisisussap tigumappagit. Tassani patsisaasut § 4, imm. 6-7 -imi nassuiarneqarput.

Neqeroorutip atorunnaarsinnissaanut pivusorsiortumik tunngavissaqanngilaq tamanna ima pissappat neqeroorummik ajugaasinnaasooq pinnagu neqerooruteqartorli alla isumaqatigiissummik allamik atsioqatigigaanni.

Taamaalilluni neqeroorummik atorunnaarsitsinissaq pivusorsiortumik tunngavissaqanngilaq neqeroortitsinermik ajugaasussaagaluartooq pinnagu allali isumaqatigiissuteqarfiginiaraanni.

Taamatut atorunnaarsitsineq unammilleqatigiinnermik sanguallatsitsisinnaavoq taamaalillunilu assigiimmik pinninnissamik periaaseqarnermut akerliusussaalluni.

Imm. 2-mut

Aalajangersagaq malillugu neqeroorutip atorunnaarsinneqarnerani pisisussaq piaarnerpaamik aamma aalajangiinnermiit kingusinnerpaamik ullut nalinginnaasut pingasut qaangiunneranni pitsaassusiliigallartitsinissamat qinnuteqaateqarsimasut imaluunniit neqerooruteqarsimasunut tamanut atorunnaarsitsineq pillugu tamatumunngalu tunngavilersuutit pisisussap nalunaarutigissavai. Mianerisassami tunuliaqutaasooq tassaavoq paasiuminartuunissaq.

Imm. 3-mut

Aalajangersakkami naqissuserneqarpoq neqeroorutip atorunnaarsinneqarnera ajoqutaassanngitsoq pisisussap nutaamik neqerooruteqarnissaanut. Nutaamik neqeroortitsinermi siusinnerusukkut neqeroortitsisimanernit piunasaqaatinit allatulluunniit atortussanit pisisussaq pituttorsimasussaangilaq.

Tassani ilanngunneqanngilaq nalunaarummik tunngaveqarani isumaqatigiinniareernikkut neqeroorummi manna tunngavigineqassappat, tamanut ammasumik siumoortumik imaluunniit killilimmik neqeroortitsinermut atatillugu pitsaassusiliigallarnej pillugu neqeroorutit akuerineqarsinnaanngitsut imaluunniit qinnuteqaatit akuerineqarsinnaanngitsut kisiisa tiguneqarsimappata, takuuk § 16, imm. 2, nr. 1. Taama pisoqartillugu neqeroortitsinermi pappiaraqqaatini tunngaviusumik ilaatinneqartut pisisussap allanngortissinnaanngilai, tamanna pillugu takukkit aalajangersakkamut nassuiaatit.

§ 30-mut

Danmarkimi neqerooruteqartitsinermut inatsimmi § 49-mi aalajangersakkamut, EU-mit malitassami artikel 46, imm. 1-3-mik ingerlatsisuusumut aalajangersagaq assigiimmik oqaasertalersugaavoq.

Isumaqatigiissummi ataatsimoortitami 1-imi neqerooruteqartitsineq paarlaallugu isumaqatigiissummik aggulutaqarnissaq tulluartaunersoq pisisussaq nalilersuisinnaavoq. Aggulussineq assersuutigalugu tassaasinnaavoq annertussusilikkatut aggulussineq, taamaalillutik ataasiakkaanut tunngatitatu isumaqatigiisutit suliffeqarfiit mikisut akunnattumillu angissusillit piginnaasaannut naleqqunnerulerlutik, imaluunniit pitsaassusilittut tunngavigisamik inuutissarsiorfinnut peqataasunut assigiinngitsunut, immikkullu aalajangersimasunik isumaginnittartunut naapertuutsitsilluni, ataasiakkaanut tunngatitatu isumaqatigiisutit imarisaat suliffinnut/immikkoortoqarfinnut mikisunut akunnattumillu angissusilinnut immikkut aalajangersimasunik isumaginnittartunut naleqqussarnerulluarusullugu, imaluunniit malitsigisitatut suliniummi aqqusaakkanut assigiinngitsunut naapertuutsillugit.

Imm. 1-imut

Isumaqatigiissummi ataatsimoortitami 1-imi neqerooruteqartitsinermut taarsiullugu isumaqatigiissummik aggulutanik pisisussaq neqeroortitsisinnaasoq aalajangersakkami imm. 1-ip aalajangersaavigaa. Isumaqatigiisutit aggulunnissaanik pisisussap nalilersuinermini niuffaffimmut tunngasunik aningaasaqarnermilu sianigisassanik ilanngussaqaarsinnaavoq.

Isumaqatigiisutit aggulunnera assersuutigalugit annertussusilikkatut aggulunnertut, nunap ilaanut tunngatillugu aggulunnertut, imaluunniit isumaqatigiissummi ilaasuni assigiinngitsunik aggulunnertut pisinnaavoq. Suliassat neqeroorutaasut suliffiit mikisut akunnattumillu angissusillit tunisassiorsinnaanerannut naapertuunnerulerlutik angissuseqalissammata suliffeqarfiit mikisut akunnattumillu angissusillit neqerooruteqarnissap sapersaatigiunnaarnissaannik isumaqatigiisutit aggulussinerup nassatarissavaa. Tassungaa atatillugu unammillertoqarnermik ilorraap tungaanut sunniuteqaarsinnaasumik aggulussineq annertunerusumik unammillerfissamik pilersitseqataasinnaanera pisisussap isumaliuteqartariaqarpoq. Tassaasinnaavoq aggulussineq, pisisussaq nioqqutinik imaluunniit kifartuussisutit assigiinngitsunik ilusilinnik pisariaqartitsiffigisaa. Neqeroortigisaq assersuutigalugu innuttaasunik angallassinermut tunngasuusinnaavoq, taamaattumik nunap ilaani erseqqinnerusumik killilersugaasuni isumaqatigiisutit ilaannut neqeroorutaasoq aggulunneqassalluni.

Piffissamut qaninnerusumut isumaqatigiisutit aggulunnera akinik appasinnernik pissarsinikkut isumaqatigiisutit ataasiakkaanut ilorraap tungaanut sunniuteqaarsinnaavoq, aammalu piffissamut ungasinnerusukut unammillertoqarfissaq annertunerusoq qularnaarsinnaallugu. Isumaqatigiisutit angissutsimut pineqartumullu tunngatillugu qanoq ililluni aggulunneqassanera pisisussap nalilersortussaavaa.

Imm. 2-mut

Imm. 2-mi aalajangersakkap “aggulussinermut imaluunniit nassuiaanermut tunngavissaq” aalajangersaavigaa. Isumaqatigiisutit ilaannik immikkoortunik pisisussaq

neqerooruteqartitsinngippat neqerooruteqartitsinermut atortussani tamatumunnga tunngaviusoq pillugu pisisussaq ilisimatitsissaaq. Tunngavigisaq assersuutigalugu tassaasinnaavoq aningaasaqarnikkut imaluunniit niuffaffimmut tunngasutigut sianigisassanik isumaginninnerit. Niuffaffimmut tunngasutigut sianigisassat assersuutigalugit attuumassuteqartuusinnaapput, isumaqatigiissut aggulunneqassappat isumaqatigiissutit ilaat pillugit unammillertoqassannginneranik niuffaffimmut tunngasutut pissutsit nassatissagaat pisisussap nalilissappagu. Aningaasaqarnermut sianigisassat assersuutigalugit isumaqatigiissutip aggulunnginneratigut aningaasaqarnikkut iluaqutissat, soorlu annertuumik ingerlatsinermi iluaqutissat pissarsiarineqarsinnaasut pisisussap nalilissappagu. Aammattaaq neqerooruteqartitsinermi aningaasartuutitut naleqqiullugu aningaasaqarnermut sianigisassat neqerooruteqartitsinermik ingerlassarpiaamut tunngasuusinnaapput, aammali kingornatigut isumaqatigiissummik aqutsinermut atasutut aningaasartuutitut tunngasuusinnaallutik.

Isumaqatigiissummik aggulussinissap imaluunniit aggulussinnginnissap tulluartaunissaanik nalilersuinissamut tunngatillugu pisisussaq annertuumik nalilersuuteqarsinnaavoq. Pisisussap annertuumik nalilersuutigisaa sanioqqunneqarsinnaanngilaq, § 1-imi tunngavigisanik akerliusunik pisisussaq iliuuseqarsimassanngippat.

Imm. 3-mut

Neqerooruteqartitsinermut nalunaarummi nalunaarutigisatut paasisutissanik § 30, imm. 3, nr. 1-3-miittut nalunaarsornissaannut aalajangersakkami imm. 3 najoqqutaralugu pisisussaq pisussaaffeqarpoq.

Isumaqatigiissutip ilaanut 1-imut, amerlanernut imaluunniit tamanut tunngasunik neqerooruteqartoq neqerooruteqarsinnaanersoq imm. 3, nr. 1 malillugu neqerooruteqartitsinermu nalunaarummi nalunaarsorsimassaaq.

Neqerooruteqartoq isumaqatigiissutip ilaanik 1-imi, amerlanernik imaluunniit tamanik tunniussiviginissaa pillugu, kiisalu isumaqatigiissutip ilaat, imaluunniit isumaqatigiissutit ilaat eqimattut qanoq ataqatigiississinnaanerit pillugit neqerooruteqartitsinermut nalunaarummi imm. 3, nr. 2 malillugu nalunaarsorsimassaaq.

Aammattaaq neqerooruteqartitsinermut nalunaarummi imm. 3, nr. 3 malillugu pisisussap najoqqutassiat imaluunniit malittarisassat kinaassusersiunngitsut aamma assigiinngisitsiunngitsut isumaqatigiissutit ilaannik tunniussinermut aalajangiisuunersut nalunaarsorsinnaavai, neqerooruteqartup amerlanerpaatut pissarsiarisinnaasaanut naleqqiullugit najoqqutassiat imaluunniit malittarisassiat neqerooruteqartup isumaqatigiissutit ilaannik amerlanernik pissarsinissaanik kinguneqassagaluarpata isumaqatigiissutit ilaat qanoq tuniunneqartarnerat ilanngullugu.

Pisisussaq malittarisassianik imaluunniit agguaassinissamut najoqqutassamik aalajangersaassappat, tamatumalu kingornatigut neqerooruteqartoq isumaqatigiissutit ilaannik tamanik tunineqarsinnaanani, isumaqatigiissutilli ilaannut tamanut neqerooruteqarnissamut periarfissaqarluni, pisisussaq neqerooruteqartitsinermt atortussiani malittarisassiat imaluunniit agguaassinissamut najoqqutassap nalunaarsugarinissaanut pisussaaffeqarpoq. Neqerooruteqartup ataatsip tunniussivigisassatut annertunerpaanut amerlassusilinnut naleqqiullugu tunniussinissamut najoqqutassanut naleqqiulluni neqerooruteqartoq isumaqatigiissutit ilaannik amerlanernik pissarsiaqartussanngortillugu isumaqatigiissutit ilaasa qanoq tunniunneqartarnissaannik malittarisassiat imaluunniit agguaassinissamut najoqqutassiat aalajangersaassapput.

Aammattaq pisisussamut isumaqatigiissutit ilaannik arlalinnik imaluunniit tamanik ataqatigiissitaqarnissaq periarfissaavoq, taamaalilluni isumaqatigiissutit ilaasa aalajangersimasut imaluunniit tamarmiusut akornanni ataqatigiissoqalissalluni. Isumaqatigiissutip ilaannik aalajangersimasumik neqerooruteqartoq pissarsissappat taanna isumaqatigiissutip ilaannik aalajangersimasumik allamik pissarsisinneqassanera piunasaqaataasinnaavoq. Isumaqatigiissutit ilaasa akornanni attaviliissutaasinnaasut aamma ataqatigiiffiusinnaasut malittarisassiat imaluunniit agguaassinissamut najoqqutassap ilisimatitsissutigisavai. Malittarisassianut imaluunniit agguaassinissamut najoqqutassamut atatillugu pisisussaq neqerooruteqartunut akikilliliissummik tunniussaqaarnissamut periarfissiisinnavaoq.

§ 31-mut

Aalajangersakkami pineqarpoq naammagittaalliorsinnaatitaaneq.

Siunnersuummi aalajangersakkanik unioqqutitsinerit pillugit naammagittaalliuutit tamarmik Pisortat Pisiortortarneranni Neqerooruteqartitsinermi Naammagittaalliuuteqartarfimmut suliassanngortinneqartassapput.

Naammagittaalliuuteqarsinnaaneq aamma naammagittaalliuuteqarsinnaanermi periaasissat pillugit aalajangersakkat erseqqinnerusut Pisortat Pisiortortarneranni Neqerooruteqartitsinermi Naammagittaalliuuteqartarfik pillugu Inatsisartut inatsisaanni allassimapput.

§ 32-mut

Imm. 1-imut

1. januar 2019-imi kingusinnerusukkulluunniit neqerooruteqartitsinerit aallartisarfigisaannut sunniuteqalersillugu siunnersuutip 1. januar 2019-imi atuutsinneqalissasoq siunnersuutigineqarpoq.

Siunnersuummut naapertuutinngitsumik pisortat oqartussaaffiini sullissiviinilu iluminni inatsilersuinerit siunnersuutip ulloq 1. januar 2019-imi atuutilerneratigut atorunnaassapput.

Imm. 2-mut

1. januar 2019-ip kingornatigut neqeroortitsinernut aallartisarneqarsimasunut siunnersuutip atuutsinneranik aalajangersakkatut siunnersuutigisaaq aalajangiussivoq.

Neqerooruteqartitsinermik nalunaarummik pisisussap tamanut nalunaaruteqarneranut piffissatut aallartisarnermik oqaaserisaaq paasineqassaaq. Tamanut saqqummiussinermik arlaannaannilluunniit pisoqassanngippat piffissaaq aalajangiisoq tassaavoq neqerooruteqartitsinermik ingerlassamik imaluunniit pisiariniakkamik pisisussap aallartitaqarnernut piffissaaq.

Assersuutigalugu sioqqutsisumik nalunaaruteqaqqaarani, siuliani nalunaarummik tamanut saqqummiussoqarfiusimannngitsumik neqeroortitsineq isumaqatiginninniarfitalik atorneqassappat pisisussap avammut saaffiginnillu attaveqarneranit siullermit, tassalu aningaasaliisutut sulialimmut attaveqarneratigut neqerooruteqartitsineq piffissami tassani aallartisarneqartutut isigineqassaaq.

Siunnersuutip atuutsilernerata siuliani aallartisagaasumik neqerooruteqartitsinermik pisisussaaq atorunnaarsitsippat, aamma siunnersuutip atulernerata kingornatigut isumaqatigiisummik neqerooruteqaqqilluni siunnersuut manna neqeroortitseqqinnermut atuutissaaq.